











元風雅
二



江蘇古籍出版社





元風雅卷之十三 御史中丞浚儀馬祖常

石田山居雜題八首

甲子人愁雨河田麥已丹歲凶捐瘠衆天遠禱
祠難賈客還沽酒王孫自飽餐更憐鰥黑面征
戍出桑乾

積雨衣裳濕愁人是麥田泥將深沒馬霧欲墮
飛鴛爨火勞新盡居家老屋穿牆根集蛙蚓擬
買繫籬船

光山楓製錦潢浦荻飛綿秫熟何論酒魚肥不
計錢卜隣多野老求藥有神仙為客留羹筍清

晨步石田

四月淮天雨青林蔭碧池
筍香鄰壑酒琴響客
窗碁田鼓春迎社鄉巫夜賽祠
漸知飄泊久自
覺是農師

無麥夫何極吾憂隴畝空
豈能驅盜賊得忍鬻
兒童茶蓼充腸急樵蘇計口窮
無端縣小吏召
役到疲癯

作客何多意淮南即是家
自牽蘿屋小不正葛
巾斜書懶眠尤熟詩來酒更賒
春天雲娥媚相
對坐鷗沙

竟日無賓至山房一禿翁竹光浮畫碧花氣□
□紅田父分雞楫隣僧與鶴籠時行親杖屨未
覺坐書空

淮南窮僻地先世有林廬花曙鳴山鳥芹春躍
岸魚鼓琴仙度曲鍊杏客傳書朋舊如相覓休
嗔禮法疎

野興

滄洲梅發月生波屋角寒藤半挂蘿孤石隱林
真似馬亂雲度水恰如鵝步隨野老逢人少閒
過隣家有酒多轉憶淮南粳稻熟夜歸衝雨借

田蓑

駕發二首

紫繡鸞旗不受風
北都

駕發日曛曛
九秋宮殿明天外
十步簫韶起仗中
白海水波浮曉綠
赤城花蕊帶春紅
神臯不用清塵雨
輦路龍沙草藉重

蒼龍對闕夾天閣
秋

駕凌晨出國門
十萬貔貅騎腰褭
一雙日月繡旗旛
講蒐獵較黃羊圈
錫宴恩霑白獸尊
赫奕漢家人物盛
馬卿有賦在文園

題張隱君卷

手種梧桐斲素琴
親開石沼寫來禽
人間日日朱門別
江上年年碧草深
勾漏丹砂慚自乞
鹿門妻子願同尋
我今五十身多病
翹首南雲望故林

次韻竹枝詞十首

翠華宴鎬承恩多
羽林飲飛盡沙陀
從臣乞賜官法酒
千石銀壺來灤河
綠繡簷鞍翠流蘇
屬橐舍人金僕姑
宮中雲門教坊奏
歌徧竹枝并鷓鴣

玉繩雙闕回蒼龍御溝石甃金水春螭坳詞臣
紫橐在千年河清今日逢

竹枝宛轉貫珠勻襪羅凌波那有塵書生好酒
恨不醉丞相莫惜車中茵

日邊寶書開紫泥內臣珠帽輦步齊君王視朝
天未旦銅龍漏轉雞人啼

金爐寶薰留篆雲花間百舌鳴早春五坊戲馬
賽爭道傳聲催賜十流銀

紅藍染裙似榴花盤蔬飮餽芍藥芽太官湯羊
厭肥膩玉甌初進江南茶

天孫支機織流黃雜花浮簾宮晝長忽見琅玕
種石上却憶羊車來上方

太微前陳中天居萬年樹影高扶疎漢家諸臣
經術士殿中勸講三王書

流杯池邊是鎬宮金輿翠幃逗微風嫋川玉液
清如水湛露承恩樂大同

車簇簇行

李陵臺西車簇簇行人夜向灤河宿灤河美酒
斗十千下馬飲者不計錢青旗遙遙出華表滿
堂醉客俱年少侑杯小女歌竹枝衣上翠金光

陸離細肋沙羊成體薦共訝高門食三縣白髮
從官珥筆行毳袍衝雨桓州城

寄邵允文

故友多年別于今髮白無清秋江鷺浴長夏野
猿呼官舍棲書冊齋廚具筍蒲知賢不能薦羞
澁望東吳

魯子翬

參知政事字木魯

御宿行

蒼茫帝星移紫微露寒金屋人依依夢斷瑤池
宴王母地上麒麟鞭不走山靈訶護魑魅中何
罪取憎逆旅翁神龍脫淵命如蟻老嫗眼明龍
得水醉轟惡少慰君歸歸來宮柳回春熙仲舒
三策賤子草明日黃金賜山媪

閱故唐宮

錦帆走滅淮海波虬髯起操湯武戈盪民瘡痍
六朝下天開百二秦山河我來徬徨舊宮土細

一
月
一
二
麥繁花忽誰主終南王氣三百年仙李春風一
千古春風吹夢天茫茫玉樓金殿春雲香開元
舞馬散冥冥紇干凍雀含悲涼世態蒼黃幾煙
霧秦漢英靈不知處崑崙河脈自西來湘浦鴈
行今北去

達兼善

南臺經歷口泰不華

賦得上林鶯送張兵曹

春陰苑樹合日出見黃鸝圓聲度繁葉流羽拂
高枝時節苦易換况經多別離君子貴求友勿
懷幽谷悲

再賦

春日陽關道鶯聲滿上林來從金谷曉飛度玉
樓陰柳嫩難分色歌停稍辨音明朝空解語人
去落花深

春日次宋顯夫韻

帝城三月多春色南陌風光畫不如躑躅花深
啼杜宇鸕鷀灘漲聚王餘玉樓似是秦宮宅金
水元非鄭國渠處處笙歌移白日楊雄空讀五
車書

上尊號聽詔李供奉以病不出奉寄

丹鳳銜書出內庭羽衣環衛擁霓旌千官拜舞
□仙仗四海謳歌荷

聖情香霧細添官柳碧日華遙射錦袍明侍臣
亦有文園病卧聽龍墀鼓吹聲

送趙伯常淮西憲副

東華晨霧正霏霏
使者分符向合肥
封事尚留青瑣闥
蒙恩近出

紫宸闈江涵曉日
明樓鰈風引春雲
上繡衣珍重故人
千里別綠尊須盡
莫相違

絕句二首

繡簾鈎月夜生涼
花霧霏霏入畫堂
吹徹玉簫人未寢
更添新火試沉香

金吾列侍擁旌旄
五色雲深雉尾高
視草詞臣方退食
內宮傳勅賜櫻桃

題祁真人異香卷

金閣芙蓉罨畫山
天香縹緲碧雲間
夜深放鶴
三花樹自把黃庭月下看

送劉提舉還江南

帝城三月花亂開
落紅流水如天台
人間風日不可住
劉郎去後應重來

送新進士還蜀

金絡絲韉白鼻騮
錦衣烏帽小宮花
臨邛市上人爭看
不是當年賣酒家

薩天錫

閩憲知事雁門薩都刺

進士

過嘉興

三山雲海幾千里十幅蒲帆挂秋水吳中過客
莫思家江南畫船如屋裏蘆芽短短吹碧沙船
頭鯉魚吹浪花吳姬盪漿入城去細雨小寒生
綠紗我歌水調無人續江上月涼吹紫竹春風
一曲鷓鴣辭花落鶯啼滿城綠

贈陳衆仲

江南少識陳衆仲闕下聲名北斗齊直閣每從
花底過揮毫曾向

御前題觀魚小海鳳爭浴立馬上林鶯亂啼今
日西湖湖上路獨騎款段踏春泥

訪揭曼碩祕書

城中車馬多於雲載酒問字無一人碧桃花開
光艷艷硯池水暖波粼粼先生楷書白畫靜家
童畫紙烏絲勻落紅滿地送客去十年不見江
南春

偕廉公亮遊鍾山

十里松風吹酒醒馬頭雲氣碧峻嶒空山落葉
時聞雨古塔疎林晝見燈勝地難逢今日會舊

遊却憶向年曾使君五老峯前去應有新詩口
病僧

遊吳山駝峯紫陽洞

天風吹我上駝峯大山小山石玲瓏赤霞日射
紫碼碯白露夜滴青芙蓉飄颻雲氣穿石屋石
上清風吹瘦竹挂冠何日賦歸來煮石篝燈洞
中宿

過高郵射陽湖

飄蕭樹梢風淅瀝湖上雨不見打魚人菰蒲鴈
相語

野鶴如人長迎風理毛羽獨立秋雨涼人來忽
飛去

病中

風葉高下落秋砧遠近聞天涯多病客倚杖看
孤雲

病形如瘦鶴照影向清池自有冲霄志游魚莫
見疑

多病東廳客深秋出幕遲芙蓉開也未葉上好
題詩

元風雅卷之十三

元風雅卷之十四 翰林學士汶上曹元用

上京次王繼學韻

觀光千里外，載筆五雲邊。
計拙如工部，文雄愧謫仙。
枕流思洗耳，懷祿敢垂涎。
疾目昏如霧，衰髯白勝綿。
當辭天祿閣，歸種汶陽田。
曉日登山屐，秋風下瀨船。
芝香雲滿地，龜鶴不知年。

附王繼學省中書時事

玉京長夏裏，畫省五雲邊。
終日身無事，清時職是仙。
縹緲分馬乳，銀葉薦龍涎。
細草煙籠罌，垂楊雪妬綿。
客懷天外鶴，農事雨餘田。
染

翰逢歌扇揮金向酒船
鼇峰孤絕處閒坐似
當年

次馬伯庸韻二首

灤水橋邊御道西
酒旗閒挂暮簷低
春從綠樹陰中老
雲補青山闕處齊
畫戟遙臨青瑣闥
紫騮解惜錦障泥
鸞凰自為明時出
直傍上林高處棲

柳簇金溝蘸碧波
雲深玉闕瞰重坡
鳳凰曲奏鈞天樂
烏鵲橋通織女河
萬井閭閻春浩蕩
六街車馬晚坡陀
山人素有林泉興
奈此承明夜

直何

附馬伯庸詩二首

萬里雲沙碣石西，高樓一望夕陽低。
谷量牛馬煙霞錯，天險山河海岱齊。
貢篚銀貂金作籍，官窰磁盞玉為泥。
未央殿下長生樹，應許朝陽綵鳳棲。

門外春橋漾碧波，因尋紅藥上南坡。
已知積水皆為海，未信疎星又隔河。
酒市杯陳金錯落，人家冠簇翠盤陀。
薰風到面無蒸暑，去鳥長雲奈若何。

附王繼學次韻一首

侍臣催講玉階西
雲靜觚稜曉色低
天闕神州卑兩漢
地連碣石轉三齊
含香畫永聞青鎖
視草堂幽濕紫泥
最憶東山老松樹
秋風應有鶴來棲

丁卯校藝貢院作

席廬清晝列千袍
射策詞場百戰勞
明日京華春榜揭
蓬萊天近五雲高

王仁父

中書左丞高唐王懋瞻

寄戶部楊友直

柳繞柴扉水繞村黃鸝初轉已春分東風吹散
梨花雨醉卧青山看白雲

直沽海口

極目滄溟浸碧天蓬萊樓閣遠相連東吳轉海
輸杭稻一夕潮來集萬船

過河西務

霜滿平隄柳漸凋月移帆影過東橋卧聽柔櫓
鳴秋水絕勝隣雞報早朝

重陽

拂却京塵理去舟閒雲千里水悠悠醉來欲落
龍山帽猶恐黃花笑白頭

上都寄許叅政

野草侵堦水遶門西風颯颯雨紛紛小軒坐對
爐熏冷却憶溪南一片雲

長蘆遇順風

水聲怒激春雷響帆影輕隨遠鴈飛東望水雲
三百里沙鷗待我釣魚磯

西郊晚眺

遠寺僧歸日欲沉
無邊桑柘起層陰
牧童牛背閒橫笛
却笑詩人馬上吟

通州東菴

借榻禪房秋已深
碧雲窗外弄清音
空階落盡胡桃葉
霜滿東籬菊有金

其二

衆鳥高棲萬籟沉
老禪攜月過東林
秋霜不染青蓮色
想見乾坤太古心

元宵

春入東郊雪漸融
熙熙天氣報年豐
萬家燈火

分明月幾處笙歌雜暖風短髮已無丹可黑衰
顏猶有酒能紅溪山容我閒來往先具扁舟訪
釣翁

舟次陵州

獨坐渾如面壁禪更無餘事惱心天舟中唯載
烹茶具囊內猶存買酒錢秋水經霜魚自樂曉
林留月鵲堪憐人生何必東山卧老我煙霞屋
數椽

王在中

□東僉憲奉光王瓚

白苧詞

天風吹雲雲亂飛海波漾日揚晴輝雲飛度嶺
日當戶知是人間春早歸青樓朱箔深幾許樓
中美人愁不語情懷易感時易遷羞見溪頭柳
如縷金刀剪就白苧衣錦書裁成白苧詞碧天
無際鴈聲遠此恨綿綿春得知

題赤壁圖

我昔南遊過赤壁曾上磯頭訪遺跡吳魏勝負
了無聞一曲漁歌楚天碧黃岡遷客峨眉翁道

同北海人中龍羈懷得酒逸興發扁舟夜汎空
明中江山如許誰賓主醉挾飛仙夢中語直將
天地等浮漚三國周郎曾比數神遊八極空畫
圖開卷彷彿瞻眉須清風千古凜如在悠悠目
斷江雲孤

送聶梅軒赴潮州錄事

嘗以談命遇知
時為太祝

籩豆司存舊政嘉一官三載客京華無人再問
支機石有客先乘泛海槎照水山雞晴吐綬潛
江妖蜮夜含沙政成何處傾椰酒吟對東風木
槿花

王止善

江浙省檢校會稽王艮

過范村將臺懷答刺罕丞相

檻外長江切岸來曾陪丞相駐崇臺旄頭不動
軍容肅鷁首齊飛將令催虎兕蕭條荒壘在魚
龍寂寞暮潮回美人不見空搔首更聽雲間白
鴈哀

次韻風月亭留題

重來楊子故人遠滿目風煙如隔生天遊無往
不滿意世故何者能關情清宵宴坐山月上白
日緩步江風輕扁舟欲發更留滯隔岸杳杳來

鐘聲

簡王君實僉事

顧瞻幽薊三千里局促舟航十二時
篙柱岸沙移寸寸霧迷朝雨下絲絲
白頭應笑馮唐老青眼幾成阮籍悲
能向江邊迂憲節持杯來赴野人期

黃河道中

荒荒大野兼天遠渾渾長河與海通
雲暗春城榆莢雨浪翻沙岸鯉魚風
簡書上計千艘集玉帛來朝九域中
獻納願陪青鎖議衰遲已是白

頭翁

黃樓

山河壯麗雄三楚人物風流憶二蘇自古必爭
形勝地當年曾屈霸王圖呂梁東下波濤險芒
碭西來島嶼孤試上黃樓酬明月百金取酒未
為迂

歌風臺

淮南不軌天威及清蹕西還過沛中樂作酒酣
鄉思激雲飛風起霸心雄龍光已逐寒煙散烏
篆空餘碧蘚蒙極目荒臺增感慨冥鴻矯矯入

秋空

發瓜洲

一別蕪城逾十載重來魚鳥亦相親
童童碧樹添新塚段段青山似故人
把鏡未須驚白髮持杯猶得及芳春
却將此日思前日只覺今身是後身

錢唐雨中招申屠彥德

春雲拂地雨浙浙戶外屨空生
綠苔朝天門外樓依水好棹小舟乘興來

元風雅卷之十四

元風雅卷之十五 集賢學士豫章揭傒斯

雜詩

東風吹百草沿路一時生
繇桃與艷杏遍野復盈城
東隣宰肥牛西里按新聲
孰不乘時節為樂快心情
平明出南郭登高望帝京
大哉山河固喟然獨撫膺

其二

社日元鳥至入我高堂飛
舊巢幸未圻新泥復相依
豈徒安爾軀復欲養其兒
對語嬌且閒上下遞差池
勿因秋風起相逐忽還歸

其三

青青孤生松高出浮雲中下無嘉樹林上有萬
里風俯視原上草秀色何丰茸自顧豈不高獨
立難為容常恐本根蠹委此蒿與蓬

過江州

遙瞻九江樹已踏西江土落日照庾樓驚風滿
湓浦寒鷗迎棹起遠岫依城吐悵然感羈遊□
爾成賓主白頭釣魚叟赤足浣紗女未識居者
歡安知行者苦

贈淳真子

蕩蕩白玉京超超淳真子十二求神仙服事孔
與李嵩洛二十載結茅白雲裏餐是暘谷霞飲
是玉池水鬼神莫能識百念吹不起一朝忽騰
化逕去不可追飛駟服五龍角中搖三花朝發
扶桑國暮宿河漢槎朝食千歲桃暮食五色瓜
長揖青牛君高歌度流沙還憇金張邸調笑許
史家日食五侯鯖安能厭胡麻春風長安陌曉
日邯鄲道迎人上青天送人入秋草竦身入八
極天地忽亦老寄謝區中人全身以為寶

送虞德脩

管仲相齊國九合開基圖拔才筦庫中乃至七十餘虞君丞相後况復

聖明朝青年賢才諳白髮沉下僚下僚不敢辭王事不敢遲五月日如火獻賦來

京師有弟若班馬出入承明下

天子親重之今無古猶寡乾坤再開闢乃得會音形夜語恒達旦歡意既平生朔風塞上來長橋綠如洗浮雲盡南征吾行何由止弟當奉明主一心致貢禹相送東郭門翩然隔燕楚

尋廬學士船至漢口留詩為別

□□□微瀾曳雲在層巘參差連舫出散漫□
鷗遠始知遵漢廣遙睇高旂卷懷賢每忘賤臨
流亦忘蹇蒼茫景將入窈眇春猶淺新知遠相
違餘悰何由展

寄彭通復

區區九州內橫縱四千里誰設山與河愚者分
表裏京師天下本萬國赴如水珠犀從南來狗
馬由西止浩浩荆吳船日夜行已至生材無定
所一物孰非己皇天仁且廣君道亦如此我思
古成康當日誰共理

巢由伏箕潁園綺居商顏洗耳甘自潔茹芝竟
不還三傑足為理五臣安可攀高尚誠所貴孔
轅奚獨還吾聞有隱淪多在衡霍間飯牛腹長
饑百結淒以寒懷寶羞自獻邈然老空山

居庸行

昔我望居庸南今日出居庸北巖巒爭吞吐風
水清且激逶迤數十里曲折殊未息關門兩向
當天開馬如流水車如雷荒雞一鳴關吏起列
宿慘澹雲徘徊山盤盤石圍圍山如龍巖如虎
龍怒欲騰虎欲舞太行餘勢猶如許昔不容車

□今馬列什伍

聖人有道關門開關門開千萬古

高郵城

高郵城城何長城上種麥城下桑昔日鐵不如
今為新稼場桑陰陰麥茫茫但願千萬年盡四
海外為封疆終古不用城與隍

登祝融峯贈星上人

洞庭南桂嶺北衡山連延瀟岸黑中有祝融如
結鬟嵯峨七十二峯間祝融不自知千山萬山
自迴環迴環面面芙蓉起祝融正在芙蓉裏儼

如天仙朝紫皇千官百辟遙相望半夜每瞻東
海日六月常飛滿樹霜龍拏鳳攬熊虎躑雲山
霧滅何時極我來正值太平時況有山僧似疇
昔憑高一覽四海空草間培塿安足雄盤盤羅
漢臺翕翕炎帝宮復恐九天上視我猶井中朔
風日夜相騰威谷老厓堅松柏禿古來鐵瓦盡
飄揚山上至今唯版屋山僧勸我歌我歌徒自
傷天下五岳嵩中央此山與我俱南疆我今三
十始一見北望中原天更長

長風沙夜泊

長風沙風沙不斷行人嗟行人嗟奈君何南風
正高北風起大船初灣小船喜移船更近大船
頭不厭風沙夜可憂但祝行人好心事長江何
處是安流茅屋參差數株柳平時尚置官軍守
青裙老嫗詫鮮魚白髮殘兵賣私酒魚賤可買
酒可沽他人心事知何如

送趙履道虞叔常還江右

趙子我同里虞郎我同年手折武昌柳送上西
江船買魚沽酒燒荻鞭夜下西塞寒山前西塞
山碧如苔君今去幾時來東風花開春水漲待

君黃鶴磯頭送君庾公樓上

送黃五舅得武陵校官還辰陽寓居

寧上山頭種禾黍莫向他鄉作羈旅山田得雨
尚有年他鄉憔悴何人憐一身千里家何在全
家更在沅湘外獨樹雞鳴楓葉飛荒村鴈沒蘆
花碎親在窮途子未還子在長途衣復單居無
寸田出無僕明年作官當食祿

武昌舟中

兩髯背立鳴雙櫓短蓑開合蒼江雨青山如龍
入雲去白髮何人傍沙語船頭放歌船尾和蓬

上雨鳴篷下坐推篷不省是何鄉但見雙飛白鷗過

題明皇出遊圖應制

明皇八駿爭馳道還是開元是天寶長安花發萬年枝不識韶華醉中老奎章閣下文書靜衮衣高拱唐虞聖莫言此畫徒爾為千載君王作金鏡

題饒家橋

饒家橋下秋水深饒家橋頭黃竹林誰其濟之饒氏媪績麻作橋橋成尋青山叢叢似吾鬢白

石鑿鑿如吾心歸去秋衾續殘夢風雨滿橋龍
夜吟

入秦淮和曾編修

秦淮河上送飛鴻秦淮水流西復東六朝人物
已寂寞萬古雲山空疊重明日還沽采石酒昨
朝猶憶廣陵鐘人生不似寒潮水去去來來有
定蹤

送何太虛南歸

窮秋乍到深冬別來已俄然去忽然學士已分
修史祿道人特送賣丹錢單車欲發無三日幾

口同行可百年積雪堅冰愁客路徐州城下便
通船

宿梁安峽夢故妻

梁安峽裏杜鵑啼絕壁蒼蒼北斗低雲氣倒連
山影合石稜斜鬪浪聲齊南風盡日迎歸客落
月空江夢故妻一室十人分數郡百年幾處候
晨雞

送薛元卿歸江東

知君此去漸難招只在人間已廓寥市上有時
逢賣藥山頭何處覓吹簫仙厓花落春流滿鬼

谷雲深樹色遙若見漁人應問我玉京涼月夜
蕭蕭

送李秘書赴峽州幕

蓬萊道山芸閣裏赤甲白鹽蓮幙中十載同口
朝君獨去三年佐政我難同大河水滿中宵雨
鉅野樹涼清曉風夷陵江頭幾日到迎親應羨
南飛鴻

送詹尊師歸廬山

香爐峰色生紫煙一入京華路杳然雲碓秋閒
盞藥水兩犁春卧種芝田書憑海鶴來時寄劍

自潭蛟去後懸忽報歸期驚倦客獨淹微祿負
中年

題張先生鵠山隱居

當日自期顏杲卿暮年羞見魯諸生膝兼多病
終難屈身為長愁視轉輕日晏典衣畱客醉雨
餘開戶看兒耕淮雲楚樹情如此卧看年年江
水生

憶昨四首

天祿年中秘閣開授經新拜育羣材宮門待漏
常先到請席收書每後回召試時蒙天語勞分

題不待侍臣催滿頭白雪丹心在太掖池邊只
獨來

宮草蔥茸禁樹齊日趨延顥對凝暉朝迎步輦
花間立暮送回鑾柳下歸碧殿東浮蒼巘合金
河北引玉泉肥幾回宏慶門前路春氣濛濛欲
濕衣

己巳羣儒映碧奎端陽侍燕寶慈西線分學士
親臣送詩賜皇姑御手題注酒含春瑤露重承
塵轉午錦雲低日斜共出西門道既醉猶能散
馬蹄

奎章分署隔窗紗不斷香風別殿花畱守日頒
中賜果宣徽月送上供茶諸生講罷仍番直學
士吟成每自誇五載光陰如過客九疑無處望
重華

自盱之臨川曉發

扁舟催早發隔浦遙相語雨色暗連山江波亂
如霧初辭梁安峽稍見石門樹杳杳一聲鐘如
朝復如暮

送袁先輩之盱江

賤貧戀知己親愛畏離別雨罷江色黃扁舟此

時發煙綿綠蕪遠杳眇孤禽沒行雲滿西原麻姑在天末

送人歸豫章

積雨霽徂夏故人今日歸手持毛生檄身著萊公衣玉樹挂秋月丹雘揚曉輝東湖徐孺子應怪久相違

秋夜作

露下氣逾肅月高寒欲流落葉階前樹踈鐘城北樓衰年對急景歸心臨暮秋當世非無意才簿徒淹留

歸舟

汀洲春草徧風雨獨歸時
大舸中流下青山兩岸
移鴉啼木郎廟人祭水神祠
波浪爭掀舞艱難久自知

石鼓

孔廟頽垣下周宣石鼓眠
苔分敲火跡雨洗篆
蝸涎野老偷為白居人打
費錢有形終一盡流
落漫堪憐

和族子京城客中

歲月日夜去為誰催
鬢華閒愁一萬緒
強半是

思家翠柏總無態寒梅空自花京城豈不戀其
奈故園賒

如武昌發臨川作

江轉欲無路山回忽似圍客程秋共遠物色晚
多疑稍稍沙鷗集息息野樹稀武昌今夜夢定
有故人知

尋舍弟將至東牟宿野店

歲暮尋吾弟山行兩舍餘入雲攀磴道落日及
村墟茅店溪邊冷松林石上踈如逢武林客風
景未應殊

飲張氏別墅

楚國多才俊
張家好弟兄
出門湖水碧
畱客野堂清
微雨鳴疎竹
寒煙覆古城
園人隔畦語
歲暮此中行

不寐呈何太虛

隙月斜依壁
窗風細著人
飄零知命晚
牢落夢家頻
斷鴈何曾定
鳴雞不肯晨
何郎詩句好
萬里獨相親

山莊晚立有懷舍姪督穫臨川

藪藪黃桑葉
蒼蒼白竹峯
居人爭野碓
歸客背

村鐘路暗緣溪濕山寒著霧濃阿威收稻未辛
苦缺相從

題先天觀圖

聞說先天觀重重絕壁環鳥啼青嶂裏花落白
雲間樵子能長嘯居人識大還洞門無處認唯
有水潺湲

登薊邱作

閒登薊邱望西北削諸峰轉覺天地肅因悲霜
露濃雲閒何處笛日落滿城鐘自笑棲遲者唯
堪學老農

送人之淮東

扁舟何處客此去飽經過彭蠡江聲合揚州月
色多天低知近海地濶欲橫河自是吾生拙如
君定若何

泉子嶺

已過泉子峰頭路荒甸茫茫碧草乾日暮不收
牛馬亂青煙起處是營盤

金衣翠帽路傍女跣足連聲駕犢車車下畫紙
車上宿每逢水草便為家

女兒浦歌

二ノ月十一日
女兒浦前湖水流女兒浦口過湖州湖中日日
多風浪湖邊人人還白頭

大孤山前女兒灣大孤山下浪如山山前日日
風和雨山下舟船自往還

雙陸

三五對參差高呼得采時猶疑雙出早每恨獨
歸遲散地偏難入成功或誤奇極知妨日力聊
欲審安危

曉出順承門有懷太虛

曉出城南門悵望江南路前日風雪中故人從

此去

一、凡主「之」

11

六
月
牙
一
二

三

元遺山

河東元好問裕之

耕讀軒

東帶見督郵甘以辭華軒嘯傲南窗下且樂我
所然斜川今在亡問津有遺編行尋柴桑里遂
得桃花源桃源無漢魏况復義熙前讀書與躬
耕兀兀送殘年淵明不可作尚友乃為賢田家
豈不苦歲功聊可觀讀書有何味有味不得言
遙知一尊酒琴在已無弦

飲酒

西郊一畝宅閉門秋草深床頭有新釀意恆成

孤斟舉杯謝明月蓬華肯相臨願將萬古色照
我萬古心

其二

去古日已遠百偽無一真獨餘醉鄉地中有義
皇淳聖教難為功乃見酒力神誰能釀滄海盡
醉區中民

其三

口端始萌芽忽復成禍根名虛買實禍將相安
足論驅驢上邯鄲逐兔出東門離官守亦樂里
社有拙言

後飲酒

少日不能觴少許便有餘比得酒中趣日與杯
杓俱一日不自澆肝肺如欲枯當其得意時萬
物寄一壺作病知奈何妾婦良區區但愧生理
廢饑寒到妻孥吾貧蓋有命此酒不可無

其二

客從崧少來貽我招隱詩為言學仙好人間意
何為一笑顧客言神仙非所期山中如有酒吾
與爾同歸

任運堂詩

官職有何好凜凜蹈危機車塵及馬足捧手但
低眉棄去何足道無從脫繫維不如聽其然歲
晚倘可期上堂壽慈親兄弟如埧麓菽水足為
樂況有甘與肥人生天地間長路有險夷遇險
即欲避焉得皆通達君家北山翁百世留清規
樂天而知命行矣君何疑

鄧州城樓

鄧州城下湍水流鄧州城隅多古邱隆中布衣
不復見浮雲西北空悠悠長鯨駕空海波立老
鶴叫月蒼煙愁自古江山感遊子今人誰解賦

登樓

閻商卿還山中

河卿去月從我來今日西山成獨往野人不是
城中物澗飲巖棲夢餘想翰林濕薪爆竹聲待
詔履穿沾雪行蘭臺從事更閒冷文書如山白
髮生孤燈靜照寒窗宿北風夜半歌黃鵠田家
閉門風雪深梅花開時酒應熟半世虛名不療
貧棲遲零落百酸辛憑君莫向山中說白石清
泉笑殺人

虞坂行

虞坂盤盤上青石石上車蹤深一尺當時騏驥
知奈何千古英雄淚橫臆龍蟠於泥易所嘆麟
非其時聖為泣元龜竟墮余且網老鳳常饑竹
花實天生神物似有意驗以乖逢知未必若論
美好是不祥正使不逢何足惜孫陽騏驥不並
世百萬億中時有一乃知此物非不逢轅下哀
鳴人已識我行坂路多閱馬敢謂羣空如冀北
孫陽已矣誰汝知努力鹽車莫稱屈

送李叅軍北上

五日過居庸十日渡桑乾受降城北幾千里出

塞入塞沙漫漫古來丈夫淚不灑離別間今朝
送君行清涕留餘潛生女莫作王明君一去紫
臺空佩環生男莫作班定遠萬里馳書望玉關
我知驥子墮地無齊燕我知鴻鵠意氣青雲端
草間尺鷃亦自樂扶搖直上何勞搏一衣敝緼
袍一飯苜蓿盤歲時壽翁媪團團有餘歡就令
一朝便得八州督爭似綵衣起舞春爛斑去年
洛陽人今年指天山地遠馬羈破霜重貂裘寒
朔風浩浩來客子慄在顏柅領上一回首未
必君心如石頑君不見桓山鳥乳哺不得須臾

閒衆雞一朝散孤雌四顧聲悲酸寒雁來時八
九月白頭阿母望君還

天門引

秦王深居不得近從破衡成欲誰信白頭游客
困咸陽憔悴黃金百斤盡海中仙人黃鵠舉大
笑人間爭腐鼠丈夫何意作蘇秦六印才堪警
兒女古來多為虛名老不見阿房盡如掃千年
虎豹守天門一日牛羊卧秋草

題堯民野醉圖

蒼苔濁酒同歌呼白須紅頰醉相扶堯時口質

□全散不論朝野皆歡娛望之如雲就之如日
先秦迂儒強解事極口譽堯初未識堯民與酒
同一天此外更誰知帝力仙老曾經甲子年戲
將陳跡畫中傳不見只今汾水上田翁鞭背出
租錢

送文生

今夜東山月隨人知幾程從軍少年事分手故
鄉情渭水風露早秦川煙樹平相招有仙掌無
計與君行

倪莊中秋

強飯日逾瘦，袂衣秋已寒。
兒童漫相憶，行路豈知難。
露氣入茆屋，溪聲喧石灘。
山中夜來月，到曉不曾看。

少室南原

地僻人煙斷，山深鳥語譁。
清溪鳴石齒，暖日長藤芽。
綠映高低樹，紅迷遠近花。
林間見雞犬，豈擬是仙家。

洛陽古城曦陽門早出

乘月出曦陽，黎明轉北岡。
荒村自雞犬，長路足豺狼。
天地憐飄泊，風霜憶閉藏。
微吟訴行役，來

秀不成章

送母受益

薄俗科名賤孤生志願違正須謀獨往何暇計
羣飛泌水真堪樂荊州尚可依青山吾舊隱此
日羨君歸

寄程孫鐵安

御史陰功在兒孫玉不如已能騎竹馬想亦愛
銀魚異縣關山濶衡門骨月疎幾時從老舅盡
讀外家書

十月四日往關南

行路見新月獨行還獨謔勞生塵袞袞晚色鬢
蕭蕭野曠無遺穗林疎有墮樵回頭麥山嶺更
覺馬蹄遙

三鄉作

勝槩煙塵外新詩杖屨間偶隨流水去澹與暮
雲還吾道三槭口時情一解顏從今便高卧已
負半生閒

會善寺

白塔沉沉插翠微魏家宮闕此餘基人生富貴
有遺恨世事廢興無了期勝槩只今歸鷺嶺□

□從昔繞龍墀長松想是前朝物及見□□□
黍離

春日半山亭游眺

日照春山花滿煙獨攜尊酒此畱連江流衮衮
望不極世事悠悠私自憐小草猶教懷遠志芳
蘭誰為發幽妍他時石壁題詩在會有騷人一
慨然

鎮平縣齋感懷

四十頭顱半白生靜中身世未忘情書空咄咄
知誰解擊缶鳴鳴却自驚老計漸思乘款段壯

懷空惜漫崢嶸西窗一夕無人語挑盡寒燈坐
不明

浩然師出圍城賦鶴詩為送

□寐西山飲鶴泉羨君歸興渺翩翩昂藏自有
林壑態飲啄暫隨塵土緣遼海故家人幾在華
亭清唳世空憐明年也作江鷗去水宿雲飛共
一天

送輔之仲庸還大梁

驂驅爭道渺翩翩誰遣風塵失壯年四壁舊聞
懸罄室一囊今有賣書錢淋漓別酒青燈夜□

□孤帆落照邊想得還家過春半故都喬木□
蒼煙

十月

十月常年見早梅今年十月未全開春寒春暖
花如故年去年來老漸催大藥誰傳軒后鼎習
仙虛築漢宮臺憑君撥置人間事不負浮生只
此杯

惠崇蘆鴈

寒沙折葦靜相依故國春風早晚歸意外羈棲
誰畫得羽毛單薄稻粱微

江湖水落太愁人同是天口萬里身不似畫屏
金孔雀離離花影淡生春

聞歌懷舊遊

樓前誰唱六么催千里梁園首重回記得杜家
亭子上信之欽用共聽來

許由擲瓢圖

不知黃屋不知堯喧寂何心計一瓢我是許由
初不爾只將盛酒杖頭挑

元風雅卷之十五

元風雅卷之十六 太常博士東陽柳貫

上京紀行詩并序

延祐七年貫以國子助教分教北都生始出車
庸踰長城臨灤水之陽而次止焉自夏涉秋更
二時乃復計其關途覽歷之雄宮籙物儀之盛
凡接之於前者皆足以使人心動神悚而吾情
之所觸或亦肆口成詠第而錄之總三十二首
噫置婁家之子於通都萬貨之區珍怪溢目收
攬一二而遺其千百雖欲多取悉致力何可得
哉貫越西之鄙人少長累遭家難學殖荒落志

念迂疎顧父師之箴言在耳常慙焉弗勝乃茲
幸以章句訓故間廁西雍之武以竊陪從臣之
末龍光炳煥照耀後先山川閎竒振發左右則
夫紀載而鋪張之有不得以其言語之蕪拙而
并廢也今朝夕俟汰庶幾退藏田里以安遲暮
而諸詩在藁懼久亡去吾友薛君宗海雅善正
書探囊中得舊紙數枚因請宗海為作小楷聯
為卷豈直歸誇田夫野老以侈幸遇之萬一而
顧瞻鼎湖薄天萬里遺弓之痛有槩於心尚何
時而可已耶後三年至治三年十一月五日序

度居庸關

居庸朔方塞始入兩崖張行行轉石角細路縈
澗岡層壑倒天影半林漏晨光崎嶇里四十所
歷萬羊腸千轅絡前後兩軌通中央谷開稍夷
曠在險獲康莊豈惟遂生聚列廛叅鴈行激流
或機磴架广亦僧坊我生山水窟愛此不能忘
是日新雨已浮嵐亂沾裳水聲與石鬬風飄韻
清商跼轡不知高游雲翼超驤考牒曩有聞經
途今始詳緬惟古塞北八州猶土疆控扼識形
勢會同知樂康屬茲景運開六服聯綏荒

兩京備巡幸離宮爰相望守岳將考制如祠匪
求祥式瞻龍德中足徵

皇業昌請繼王會篇勿賡祈招章

李老谷聞子規

杜老聞子規近在東西川猶云感時物投淚寫
幽悵今我行塞徼子規相後先時夏雲景晦鳥
呼搖空煙響入樹窅窅啼垂血濺濺想知岐路
難不恤軀命全千聲復萬聲喚我歸言遠苟非
木石心豈免腸內煎江南叢薄間有花名杜鵑
開時是鳥至相戒治春田不歸如江水負此今

五年風土孰云異物情要有遷寄巢勿浪出口
爾還自憐嚴程趣行邁且復揮吾鞭

龍門

一溪瓜蔓流渡者云可亂屢涉途已窮前臨波
始漫巖巖龍門峽石破兩崖半沙浪深尺餘灣
洄觸垠岸它山或澍雨湍漲輒廉悍頃刻漂車
輪羈絡不能絆其源想非遠衆水自茲濫濟淺
抑何艱慮盈疑及患峰陰轉亭午出險馬蹄散
草路且勿驅煙開望前館

午日雪後行失八兒禿道中有懷同館

尖峯猶是漠南山
駝褐蕭蕭午日寒
艾葉謾將頭上插
榴花應許夢中看
馬前沙雪行初隱
鵬背荒雲落更盤
王事獨賢吾敢憚
重煩同館勸加餐

望李陵臺

平沙北流水青山在其上
李陵思鄉臺駐馬一
西向草根含餘淒峰尖入寒望
俚言雖莫稽陳跡尚可訪
想其深入初步卒亦材壯手
張天子威氣奪名王
帳覆軍陷囚敵此志乃大妄
一為情愛牽皇恤身名喪
縷縷中郎書勉使同跌宕

□知臣節恭之死不易諒河梁執別處出語□
惆悵家聲故燁赫三世漢飛將兵法有死生人
運迭休旺忠回在信史豈沒功罪伏馬遷當腐
刑強欲雪其謗土思豈能無層雲塞亭障千年
麒麟圖吾將執元壺

至上都國子監作

今晨得佳馬驛行趨上京却顧沙幕卷前瞻
車載旌翠華戒鳴蹕肅肅遠有聲馳道無十里
雲開雙闕明跡既阻奉引班非陪列卿言尋園
壁宮紆徐臨雉城第地三數畝虛堂十餘楹稍

加漑埽勤得遂憇息清韓公博士年實教東都
生今我最兄官懷鈞從北征古來元朔地雅頌
亦鏗訇豐芭德甚廣韋編義猶精前脩有軌轍
後生多俊英抑將授何業可使器早成寧無子
衿刺僅免吏牘嬰高居謝暑濁曠矣義黃情

觀失刺幹耳朶御宴回

義幕承空柱繡楣綵繩亘地掣文霓辰旂忽動
祠光下甲帳徐開殿影齊芍藥名花園簇坐蒲
萄法酒圻封泥

君前賜醕千官醉恩覺中天雨露低

題齋壁

牧馬新來秣地椒
街頭桐酒玉傾瓢
羲和白日經天近
敕勒陰山度幕遙
雨過忽然思御祿
風清聊復快凌敲
他年續作灤陽夢
萬里排雲遡沃寥

六月十五日大雨雹行是日月食

日月相鬪鶉火中
晡時欲息雲埋空
雨脚初來雜鳴雹
雷驅電挾聲泐泐
排簷倒檻揮霍入
屏兵快馬難為雄
中休頗意絕崩迸
轉橫更覺加銘鋒
亂拋荆玉抵飛鵲
恣擲枕核隨飄風
坐移

向壁防碎首急捲巾席何息息上天號令豈輕
出摧殘長養皆元功陰凝陽爍鬼神著氣有至
反誠則同想茲試手鼓萬物特欲振槁照羣蒙
齋心變貌謹天戒烏乎生意無終窮

和袁集賢上都雜詩十首

出塞行瞻日趨朝喜近天離宮開苑囿馳道絕
風煙瑤水巡非遠峒山麻更綿甘泉多法從獻
賦憶當年

雨水漸衣黑雲砂際日黃煙開纔黯淡日出已
蒼涼徇俗高簷帽清心小篆香端居萬里念萬

事惜微芳

昔建寰中業初開徽外山雉城平兀兀沙水淨
灣灣朱夏宸遊正清秋武衛閒叨陪文學乘空
愧鬢毛斑

謠俗隨方異溝途隔舍迷醺人惟馬漣勸客有
駝蹄殿角孤花靚城隅雜樹低天涯中夜舞如
意昔曾攜

天潢猶白白雲幕故青青積潦摧車軸高風墮
箭翎宮塗丹赭堊殿戶紫金釘女樂蓬萊秘哀
簫動杳冥

幄殿層雲障轅門積雪峰奇鷹皆戴角

御馬盡飛龍瀚海將臨幸云亭望陟封青邱大
羽獵有事待元冬

曹務唯章句官規自法程齋扉侵雨潤宴几得
風清歷歷三刀夢行行萬里城明年遂耕隱深
仗酒為名

經遊還絕塞際遇復清朝大暑無蒙綰輕寒已
御貂盤空塵屨薦觴至酒頻澆貧病諳為客何
慚帶減腰

公子青絲轡王孫綠韉車宴酣風小定舞破日

西斜手擲宮中果神行海上查築郿無自厚儉
德不期奢

水草方方善弓弧戶戶便合圍連婦女從戍到
曾元雪毳千家帳冰瓢百眼泉浚稽山更北長
望斗光懸

贈大華嚴寺長老壽公司徒

綫蹊箴孔界三千磨衲披來對御筵台嶺金篴
誰刮膜洞山寶鏡獨當銓一杯薑杏何多味四
壁松篁不礙禪今日丹霞同會客淵明元有酒
中緣

灤水秋風辭四首

西麻林鞍如割鐵東涼亭酒似流酥福威玉食
有操柄

世祖建邦天造圖

朔方賓憲畱屯處上郡蒙恬統治年今日隨
龍看雲氣八荒同宇正熙然

朶樓清曉常祠罷吾殿新秋曲宴回
御帛功由寒女出分頒恩自九天來

西風初吹白海水落日正見黑山雲旃廬小泊
成部署沙馬野馳連數羣

八月二日

大駕北巡將校獵于散不利

詔免漢宮扈從南旋有期喜而成詠

天子龍飛啓聖時乾坤闔闢應昌期幸從在鎬
承周宴重喜臨邊舉漢儀

御宿常時嚴虎衛吉行唯日望鸞旗
詔恩許免陪叅乘却愧長楊賦未奇

還次桓州

塞雨初乾草未霜宮廬秋色滿沙場割鮮俎上
薦黃鼠獻獲腰間懸白狼別部烏桓知幾族他

山稽落是何方長雲西北天如水想見旌旗瀚
海光

過長城

道德藩墉億萬年長城謾與朔雲連秦人骨月
皆為土漢地封強已罷邊飲馬窟深泉脉動牧
羝沙晚草生煙

神京近在元冥北九域開荒際幅員

後灤水秋風辭四首

磧中十里號五里道上千車連萬車東賁西琛
通朔漠九州四海會同初

界墻窪尾沙如雪灤河觜頭風捲空丈夫未必
全盛日幾驛營州避暑宮

旋捲木皮斟醴酪半籠羔帽敵風沙丈夫射獵
婦當御水草肥甘行處家

山郵納客供次舍土屋迎寒催堽藏沙頭摩茹
一寸厚雨過牛童提滿筐

晨渡居庸至南關門

雪梯忽斷山峻平霽霧初攀林嶺明兩都扼喉
南北鎮九州通道東西行巔崖巨石擎佛屋壁
門遺築開軍城當時苦詫天下險一卒前臨強

萬兵

黃晉卿

國子博士東陽黃潛

鍾山

平陸漫千里茲山乃穹然猶憐布金地未即辭
喧闐巖液散珠琲春岡走蜿蜒稍欣陟幽邃登
頓衣屢褰路細石蟲蟲崖深竹娟娟洞扉剖開
敞峻峰指中天冥探厯嶽釜垂蘿弱容牽碧潭
隱光怪華雨漂崇筵下晚飛鳥背茫茫但蒼煙
眇默元圃期淒涼雲崑篇休駕將未能惆悵春
風前

釣臺晚泊

四山環一水遺臺故巘岼那無漁樵居政復不
敢安舍舟衝微雨凭軒俯清灣恨昔乘興舟無
從寄遊觀今我有行役乃爾容躋攀英靈豈愛
我為解塵土顏落日奠蘋藻清風聞佩環南尋
謝翱墓林暝吾當還却去望層壁孤舟生晚寒

敬亭山

昔窺敬亭作今陟裴公寺微素非始遊賞勝資
深詣脩脩緣水木宛宛交蹊術綠縹澗草豐幽
構松飈駛微鐘響沓嶂高閣浮花氣聿薰梅檀
妙豈愛岑壑媚憑生實內惕即事多冥契息陰

□□□寡芳懷芝桂海岳期屢遷石林路深閤
經營乖道要迫窄餘物累稽首調御尊尚飲無
生惠

贈別葉審言

昔人稱好士乃有黃金臺黃金亦何物顧用驕
賢材葉君被短褐志力何雄哉北走叫閭闔紅
雲指崔嵬終焉無苟售自保同嬰孩車服非吾
嶸黃金直浮埃十年今何官茅屋歌蒼苔豈無
琅玕樹鳳飛故低徊一朝脫身去歛觀雲路開
葉君善自愛往矣無嫌猜迷邦古所誚豈弟貴

不回顧言吐奇胸落落排風雷尚念窮賤者衡
門守蒿萊

晉卞將軍墓

江左失其御強臣布中區歡娛一以乖狂獠無
趨趨黃屋播草野彤庭交劍及事樞始誰秉捧
首如奔狐偉此百世士死與二子俱孤哀耿未
沫足以孚豚魚義旗果東指白日開天衢孰最
撥亂功之人或其徒伊昔大雅廢清言鄙文儒
禾黍已橫委衣冠尚舒徐屹然見砥柱獨障狂
瀾趨大節固如此捐生乃其餘青簡煥遺烈蒼

榛閔幽墟日夕悲吹多天高年運徂世方用軌
駸猶將愧元虛江濤渺在望雪涕空漣如

送友人赴廬陽教諭

播非人所居潭陽實其隣荒淫雜巫鬼哀怨餘
騷臣念子有行役水陸彌數旬乃知臯比座佇
承文翰賓遐徵指天末男邦控城闔俎豆當在
列冠裳定來臻足明理化盛演溢周窮垠廣陌
望八方出車日麟麟變荆孰無適忠信惟書紳
簡書有程期取別無逡巡揚鑣觸炎熱振鐸驚
遠人沅水春蕩滴楚山暮嶙峋行行慎其度離

別非苦辛

居庸關

連山東北趨中斷忽如鑿萬古爭一門天險不可薄

聖人大無外善閉非鍵鑰車行已方軌關吏徒擊柝居民動成市廬井互聯絡幽龕白雲聚石磴清泉落地雖臨要衝俗乃近淳樸政須記桃源不必銘劍閣僕夫跼謂我無為久淹泊山川豈不好但恐風雨惡

榆林

崇崇道傍土云是古長城却尋長城窟飲馬水
不腥斯人亦何幸生時屬休明向來邊城地今
見風塵清禾黍被行路牛羊散郊坰儒臣忝載
筆

帝力猗難名

檐子窪

自從始出關數日走崖谷迢迢度偏嶺險盡得
平陸坡陀皆土山高下紛起伏連天暗豐草不
復見林木行人煙際來牛羊雨中牧颯然衣裳
單咫尺異寒燠佇立方有懷相逢乃問俗畏途

宜疾驅更傍灤河宿

讀三孔先生清江集

元祐儒臣布星斗後有作者非其偶二龍三鳳
殊續紛况乃淵源魯中叟適從塵編識英爽想
見世澤餘忠厚長公平生二三策大廷披腹驚
羣后風流班班仲與季茅茨彩椽絕丹黝獨尋
古昔寓陽秋稍扶疵瘕到瓊玖却盤餘力歸賦
詠古硬清圓無不有爰初人文啓河洛下逮百
氏分戶牖空言可托匪末藝巨筆待援須好手
典刑未墜乃至今吾生已幸何云後青燈照夜

兩如綫與論微辭煩擊剖追摹正復慙捧心贊
歎胡能付鉗口從遊起死不敢期儻挹殘膏□
空朽

杭州寄壽甫

尊酒何人共春光著處同乾坤容野馬歲月失
飛鴻俗眼能無白風花故自紅殷勤常處士我
已負諸公

陪仇先生登石頭城

談笑逢諸老登臨失故亭薄遊成汗漫高步覺
鈴竝江近通淮碧山遙入楚青平生一杯酒及

此慰漂零

五月二十日

不擬芙蓉佩終焉挂寂寥百年多事始千里一
身遙巢燕驚華屋鞦鷹望碧霄蒼蒼叢桂樹愁
絕小山招

含香道中

殘日亭猶遠輕風帽易斜稻畦低沒鶴草逕曲
行蛇經世知無策謀生會有涯殷勤理黃菊留
眼待秋花

答壽甫

坐對蕭蕭雨兼懷悄悄憂相逢初似夢有句若
為酬沙冷薜蘿夕天高薏苡秋惟應千載意不
敢付沉浮

九日登石頭城

背郭罽塵遠高秋川岳清幽懷初曠蕩陳跡故
縱橫遙望龍盤舊長憐蟻穴爭紺園隨處闢粉
堞向來傾撥草窺簪井看碑驗故塋門開蒼耳
路亭愛翠微名遠樹淮南出滄江鳥外明人煙
川浩渺風物歲崢嶸吹帽仍佳節傳觴但老兵
愚生雜畦通浪走愧葱珩去去帆檣盡蕭蕭蘆

葦鳴登高未成賦覽古獨含情

金陵懷古

五雲零落渺天涯陳跡蒼茫日自斜
畫角已吹邊塞曲紅藍新長內園花
可憐遺老埋黃壤曾倚春風望翠華
好在北山猿與鶴依然同住舊煙霞

梳頭得白髮

偶逐飛雲別澗岡解纓聊爾濯滄浪
襟懷久已無山水鬢髮誰今有雪霜
未必丹砂真却老可須白首更為郎
前脩未遠斯文在努力無愁岐

路長

遣興

秋盡飛花一愴然
壯心回首白雲邊
十年人事空流水
二月風光已杜鵑
過眼青春寧復得
汙人黃土絕堪憐
故園尚有平生約
可使蒼苔到石田

客夜偶書

歷歷踈螢度眼明
獨搯高枕數殘更
薄遊已倦新彈鋏
舊業猶餘未棄檠
一雨送晴初月色
百蟲專夜故秋聲
情知三十非年少
已覺人間有

後生

金陵送人歸豫章

已覺棲遲懶曳裾可能為我強躊躇
一帆秋色紅塵外千里江關白鴈初
建業水清誰共飲潯陽潮斷定無書
黃金未盡朱顏在莫種桃花學隱居

怡山

春雲寥落鴈無聲沙岸參差石有稜
雙屐漫窮芳草徑一龕長愧白頭僧
晴濤閃閃翻孤日山木昏昏捲翠藤
後夜清風滿遙念夢遊空指上

方燈

有感

橘柚青黃照眼垂
秋風籬落自紛披
頗聞玉食登蠻果
不獨涪州有荔枝

送張秀才歸里

青陽河畔杜鵑啼
歸路如弦定不迷
應到故山叢桂裏
笑人騎馬聽朝雞

獨坐漫書

漢室需材訪隱淪
販繒屠狗各求伸
安知風雪南山下
別有當年射虎人

北山紀遊

天風吹我度崢嶸春著千巒滃滃青紫陌紅塵
寧有此十年空負北山靈

却問仙山去幾程白雲如簇近相迎直須不脫
登山屐行盡松聲與水聲

偶看飛花逐水紅不知身過亂雲東回頭旋覺
峰巒別惟有青天面面同

坐愛春泉響翠微玉花吹濕薜蘿衣何由著我
冰壺洞卧看青天白練飛

削立城心雙白塔幾疑日月費撐支一朝頓在

闌干底始悟從前見處低

元風雅卷之十六

小工部

ハ

元風雅卷之十七

翰林應奉昭武黃清老

古詩六章送王君冕歸陝西

名弁甲寅進士

麥熟天乍熱開軒理瑤琴
茲晨有客至一選蒼苔深
日出樹影倒曠坐分綠陰
清談落餘花松風雜幽禽
君子希道德永言結同心

園林步春曉芳徑澹已開
日出露未晞孤吟池上臺
虛閣納翠光硯寒欲生苔
清坐契心賞白雲時入來
君子晚相識南山碧崔嵬

西山三月春萬物好顏色
鳥啼自宮商花開各紅白
滔滔東流水千里在頃刻
風雨入遠林苔

痕有新籜雞鳴潮欲上山月遲歸客

狂風卷茅屋遙見溪上山人生有遇合離別何
足歎黃鵠將西歸臨水振羽翰我有雙明珠置
之青雲端朝朝復暮暮照君千里還

少年處山谷壯歲遊京師性本猿鶴羣焉能牛
馬馳曩有採薪憂挂冠願為鑒近得聖賢心讀
書甘如飴習貫已成癖豈無君子知

十載官京輦田園就菜蕪茲焉擬歸耕休馬南
山隅舉酒樹色動鶯燕鳴相呼流水既送君白
雲亦邀余錦囊可贈遠愧非明月珠

訪子威都事不遇 同年狀元

清曉攜綠綺來就夫君彈夫君久已出野水流
花間石澗渡微雨秋生湖上山松陰坐永日心
與雲俱閒人事有離合白鷗聊共還

招友人

晨雨洗餘花塵慮日蕭散芳草綠如茵空林坐
春晚遙思江上客尊酒愧折簡臨流擷嘉蔬共
此林下飯

送楊信父歸臨江

自別武夷君海水落幾丈當年尊俎地顛倒疊

橫嶂君從山中來應見桃花開秦人笑相語愧
我非仙才茫茫八極中雲月秋徘徊苦吟不出
門孤負黃金壘劃然西風生拂我琴邊埃願從
雙白鶴去去不復回

送李子威代祀嵩衡淮海

天香出金門春色動遠山使者持節去翩如跨
雙鸞崔嵬嵩少峯卓立乾坤間中夜南極浮星
河遶天壇石室有寶書泉鳴玉珊珊安得揖浮
邱青雲驂羽翰

羣生望甘澤五岳雲氣通天香落巖谷瑞靄春

溟濛海潮天際來金碧森萬峰劃落紫翠堆亭
亭玉芙蓉古廟絲竹存迎神奏黃鍾空山遞餘
響落花舞青童

南海祝融宅汪洋載神州巨浸涵萬有元氣何
空浮蒼蒼島嶼間彷彿通十洲神魚在深淵甘
霖何以求朝折若木枝夕飲桐栢流萬里一瓣
香豈徒司馬遊

古樂府三首

君好錦繡段妾好明月珠錦繡可為服服美令
人愚不如珠夜光可以照讀書

卷之二十一
三
君好春芍藥，妾好夏池蓮。芍藥多艷色，春風迷少年。不如蓮有實，可以壽君筵。

綿綿江上草，鬱鬱庭中柯。人生不相知，有如東逝波。食杏猶苦酸，食梅當若何。衣褐猶苦寒，衣葛寒更多。豈無千載友，肯聽漁樵歌。

山行二首

愛山不知倦，緩步成幽尋。觀泉度疊嶂，攜日穿層林。矐彼枝上鳥，少憇松間陰。蕭然清風來，發我松下琴。白雲邀我飲，流泉永我吟。曾謂塵中人不知君子心。

離離巖下菊菊老花壓地泉露飄我衣擷英不
盈袂錚然松子落林下遠風至沈吟不成詩支
筇領山意

與索編脩士巖訪馬學士伯庸于蓬萊
館因觀藤花

昔訪蓬萊館春烹芍藥芽重來尋竹徑久坐落
藤花君欲鳴瑤瑟予將拾紫霞鶴吟知雨近留
宿白雲家

送人之金陵答贈張質夫

林塘殘月曉松露滴清聲此日佳人別空山碧

草生江湖雙白鳥風雨一啼鶯
解纜春花發悠悠萬里情

送歐子歸盱并寄江西諸友

盱水曾遊處燕城獨眺時
雁來惟我在葉落祇秋知
風雨連今昔江湖重別離
送君芳草色千里見相思

晚春過城西

林塘密葉靜禽語綠波翻
坐想青雲士幽尋白石村
西山遙下榻芳草欲移軒
時有漁樵侶春風載笑言

尋故人

適興一尋君君家在白雲幽花秋後見落葉夜深聞隨意坐苔石呼童煮澗芹不須談世事詩思正紛紛

友人擬古樂府因題十絕句

早晚臨妝鏡秋容怯玉鈿君心如日月照妾似初年

采苕歸來午花梢日轉廊綠陰涼似水不用洗紅妝

生愛東隣女蛾眉畫不如近來機杼廢臨得右

軍書

漫道從軍樂風霜只獨居三年遼水上不得一行書

海上扶桑景清光日見君秭愁風雨夜西北有浮雲

今夜中秋月含情獨上樓辰星三兩點偏照玉簾鉤

自見南樓月頻頻夢楚州無端今夜雨秭作小山秋

露井踈桐晚風亭碧藕秋捲簾山月上水宿見

雙鷗

堂上春花老流泉日繞山願為雙白鶴雲路共
君還

天子西巡狩彤弓錫虎臣棲蘭何日斬看汝畫
麒麟

興聖殿進史庚午

瑤編初進侍清光日麗龍池畫刻長隄柳染成
春水色宮花併入

御爐香金壺灑露層階滑玉椀分水廣殿涼矇
眊似知天意喜鳳笙新奏五雲章

貢闈偶成呈同院諸公

射宮園棘斷經過閒却秋聲太液波風定碧簾
聞禁漏夜殘銀燭見星河仙人共對青藜杖詞
客孤眠白玉坡弱水蓬萊三萬里不知何處月
明多

雪夜直宿玉堂

琪樹花生禁漏遲金莖月色近書闌白雲入水
春無跡銀漢橫空夜有輝竹靜似聞蒼玉佩松
寒欲傍綠荷衣乾坤清氣蓬萊表獨對天風拂

□徽

寄劉宰鳳溪

玉署芸香課六經
江湖無復舊詩名
日移宮樹春懷友
花落天階曉聽鶯
滄海料應流不盡
白雲安得與同行
君遊十八灘頭路
為說相思萬里情

七夕偶書

幾葉梧桐暮雨收
綵棚尊俎候牽牛
青鸞西去瑤池冷
烏鵲南飛碧水流
畫角月明三尺竹
河邊雲濕數星秋
天風掃退塵間夢
一曲金徽獨倚樓

夜宴友人席上有懷志能照磨暮春會
同年所作因寄

碧池開冰朱夏涼
瑤席倚翠芙蓉香
清歌夜半起秋籟
妙舞風前搖露光
雲行星月遞隱見
雁渡河漢相低昂
青山對面隔一水
渺渺長空愁欲霜

青山林下啼班鳩
綠楊門前嘶紫騮
落花成陣
春雨東風淡淡雲
悠悠美人捲簾日
在手胡蝶飛上珊瑚
鈎南溪不見筍成竹
擬約滄波同樓

丁丑三月七日會同年于城南子期工
部仲禮省郎世文編脩文遠照磨學升
縣尹子威主事克成秘書志能照磨子
通編脩凡十人

曾記城南尺五天重來攜手宴同年春風遠塞
葡萄酒明月佳人玳瑁筵苔上藥闌紅染露鶯
啼柳徑碧生煙瓊林十載多離別欲拂金徽思
渺然

川鳧浴日金粼粼垂楊馬嘶三月春遊蜂舞蝶
揔愛客飛絮落花時近人東風吹水入銀甕芳

草為我鋪綠茵更催朝露滿
魏紫舞袖一拂南山塵

憶昔寄子靜弟

憶昔走馬尋丹邱醉卧白雲溪
上樓黃石橋東兩松樹一夜水長到稍頭

海子上有期

金堤晴日共鳴鑣傾蓋松陰待早朝
數盡荷花數荷葉碧雲移過水東橋

懷友時住夏玉泉山

遠水平林翠繞城秋來風雨動離情
玉泉千尺

梧桐樹月下時聞落葉聲

登岸書所見寄魏亨道

紫霞搖日花滿川
漁翁不歸鷗在船
白雲悠然渡水去
平野秋色青連天

寄劉鳳溪時有麻源之約不果往

南國佳人鬢欲絲
仙壇孤負杏花期
多情惟有東橋水流到
瓜州月上時

題牧牛圖

平原雨多煙草浮
牧童驅牛如挽舟
柴門正在水深處
青山流過屋西頭

偶題

永夜觀兒課舊編小窗燈火憶當年曲肱自笑
不成寐月上瑤琴第五弦

雪夜題書玉署深思山便欲寄瑤琴征鴻若問
平安信河漢東流是此心

題番陽方氏心遠亭

湖上千峰碧染衣琴軒春雨白鷗歸無人共語
乾坤外燕子南來鴈北飛

柴門垂柳曉啼鴉露迳苔封芍藥芽分得番易
□一半自攜春雨種黃花

甘允從

奎章 陳畱 立

八月十一夜直省中

涼風生廣除白露墜斜漢沉沉夜氣集皎皎月
光爛門深榮戟嚴庭寂兵吏散柝鳴棲雀起階
濕吟蛩亂徘徊久不寐感慨輒興歎非才直承
明弱冠弄柔翰遭逢愧終賈漂泊類王粲名臣
鎮大藩從事乏良算

寄題湖口方氏□齋

雲林生曉陰露葉表秋淨天濤鶴能高風急蟬
更競果落忽疑雨交柯轉成暝龍影翻研池翠

羽窺水鏡幽人此優游讀書了深性

送張文煥安定山長

春水生雲溪輕舸去容與東風吹白蘋晴煙散
芳渚飛花著離筵翔鷗逐柔櫓酒闌意彌深別
至慘無語緬彼嘉樹林之人事遽俎所望崇德
業前修有遺緒

晚出西掖同柯博士賦

薄暮出重闥遙遲望雙闕輦路猶輕塵上林已
初月悠悠文書靜去去車馬絕小草慙長松承
恩總無別

送客賦得城上烏

月落城上樓烏啼樓上頭一啼海色動再啼朝
景浮馬鳴黃金勒霜滿翠羽裘烏啼在故處人
生多去留

瓊林臺為薛元卿賦

西山有崇臺上與雲氣通仙人紫霞佩導以雙
青童逍遙琪樹林磐礴瑤華宮積石象元圃連
岑構崆峒纚纚駐朝景泠泠度天風丹鳳刷儀
羽絳節飄瞳眈矯首不可及滅沒凌飛鴻願言
授靈藥與世無終窮

送方叔高賦得長安道

灞陵橋上秋風早行人曉出長安道長安城頭
烏正啼長安陌上聞朝雞征車遙遙行復止征
馬蕭蕭鳴不已將軍年少美且都黃金箭鏃雕
玉弧未央前殿進書罷諸生拜官辭石渠將軍
歸去亦草草長安道邊人羨好莫憐賈誼謫長
沙不見馮唐禁中老

有懷玉文堂

眉山老仙丹邱生三日不出風雨驚玉文深沉
發竒祕天藻動盪流芳英錦鱗行酒白晝靜金

鴨焚香長夜清秋深病久不得往撫卷悵望難

□情柯

敬仲有晉賢書黃庭內景經曰以玉文奎章學士虞伯生製文虞亦有天藻

云亭

送閣學士赴上都

從官萬騎擁

鑾輿東閣詞臣載寶書雨過草肥金絡馬月明
山轉紫駝車龍庭日近瀛洲路灤水天高

玉帝居明日仙凡便相隔少年僚吏謾踟躕

送國王朶兒只就國

奕世名王策駿功遠分茅土鎮遼東玉符金印

傳孫子鐵券丹書誓始終滄海斷霞通虎帳黑
河飛雪暗瑯弓莫忘

聖武艱難日四傑從容陟降同

四傑今四怯薛之祖

郊祀慶成

園丘親祀自吾

皇夙駕鑾輿建太常冕服並行周典禮樂歌不
數漢文章清臺夜奏靈光紫溫室朝迎瑞日黃
今代侍臣多馬鄭明年應許議明堂

和宋學士晚出麗正門

暮光霞彩炫金題

絳闕高居雉堞低上相樓臺連御苑中郎車騎
過沙隄皂鵬孤拔凌雲翮紫燕雙翻踏雪蹄迴
首上林涼月夜薤珠多是鳳鸞棲

送孫士元越州經歷

江樓酒欲醺離思亂江雲官舍山陰近郵亭水
驛分聲華當衆望贊畫藉多聞退食須行樂裁
詩孰和君

送唐子華嘉興照磨

羨子才名久人稱老鄭虔風流今共識政事昔
曾傳入幕揮談塵移家載酒船郡城秋水相

望故依然

秋雨夜坐

風雨夜窗急，庭帷秋思多。
蕭蕭聞落木，洶洶度驚波。
階濕吟蛩亂，簷深宿鳥過。
青燈挑不盡，無奈客愁何。

題柯博士墨竹

嶰谷春深落粉香，拂雲和露倚蒼蒼。
月明後夜吹簫過，應是伶倫學鳳凰。

春日有懷柯博士

闔閭城外亂鶯啼，笠澤春深水滿陂。
好買扁舟

載圖畫布帆東下若耶溪

聞說新來白髮稠
茂陵多病不勝愁
吟成定似張公子
癡絕真成顧虎頭

吳王納涼圖

六月長洲水殿涼
酒酣揮袖倚新粧
芙蓉露冷秋雲薄
迴首西風響屨廊

賈治安騎驢圖

西風烏帽鬢毵毵
拂袖長吟倚暮酣
得句不衝京兆尹
蹇驢行徧大江南

古長信秋詞

闕月流光入綺疏金壺傳箭夢迴初秦臺彩鳳
無消息桂影空閒十二除
輦路青苔雨後深銅魚雙鑰晝沉沉詞臣還有
相如在不得當時買賦金

昆明池樂歌

綵鷁齊飛簇畫旗甲光如水入雲低長楊五柞
遙相望笳鼓歸來日每西
博望封侯萬里還血流青海骨如山將軍新賜
樓船印錦纜牙樯杳靄間

元風雅卷之十七

元風雅卷之十八

東陽吳師道

十臺懷古

姑蘇

百花洲上姑蘇臺
吳王宴時花正開
半空畫燭西子醉
三更鐵甲東門來
吳波渺渺吳山簇
不見嬌嚬倚闌曲
丹楓落月怨啼鳥
碧草東風驚走鹿
闔閭邱墓相連處
應恨夫差迷不悟
斷指千年血未乾
遊魂夜哭臺前路

章華

靈王傾國崇臺宇
按劍章華睨中土
弁裳伏地

走諸侯鐘鼓凌空震三楚騁驕不畏伍子謀落
成乞與吳兵遊孤舟竟走江上路塊土獨枕山
中愁十年伯氣終蕭索回首華容歸不得饑魂
漂泊啼秋煙細腰却舞新王前

朝陽

神娥縹緲高唐上楚宮樓閣森相向丹楓蒼桂
涌孤闕錦石清江簇連嶂行雲冥冥飛雨寒孤
猿咽咽秋花間翠旂龍駕杳何處斷魂殘夢愁
空山微臣宋玉誇能賦當日襄王豈真遇千古
秋風恨未平高泉飛落三巴怒

黃金

昭王銳志移青社築土懸金奉賢者四方劍佩
集強燕千里風塵馳駿馬郭君自舉先羣豪樂
生獨步超凡曹酬恩一雪伯國恥建功並倚雲
天高君臣意氣千年少落日荒墟沒秋草黃金
買貴滿長安惆悵英雄布衣老

戲馬

項王戰馬從東來意氣蹴踏全秦摧入關不並
沛公轡還鄉却上彭城臺重瞳按劍風雲靡萬
足騰空煙霧起淒涼垓下泣名騅零落江邊餘

數騎寄奴千載心爭雄登高把酒臨秋風詐移
晉鼎非男子君看百戰東城死

歌風

沛宮置酒君王歸酒酣思慘風雲飛兒童環臺
和擊筑父老滿座同沾衣一歌豐沛白日動再
歌淮楚長波涌龍髯氣拂半空寒虎士心馳四
方勇河山蕭瑟長陵荒野中怒響猶飛揚高臺
未傾風未息故鄉之情那有極

望思

桐人氣迫前星黯思子宮成歲華晚高臺有恨

碧草新大野無蹤金犢遠一朝弄兵兒罪輕百
年鍾愛天倫深戾園魂魄夜寂寂湖城風雨秋
陰陰漢宮樓觀連天起方士熏香召仙鬼望思
望思終不歸茂陵老淚如傾水

銅雀

半空高棟翔金雀玉宸總帷塵漠漠西陵老樹
暝色寒建安長妓春情薄曲終紅袖辭尊前簷
傾斷甍飛人間分香老淚恨不滅秋風吹入苔
花斑漢家一片當時土肯為奸雄載歌舞銷盡
曹瞞萬古魂落日漳河咽寒雨

鳳凰

金陵王氣飛祥雲鳳凰臺上聲和鳴鳳來春風
花冥冥鳳去秋風荒草生嬌娥舞散高城暮青
山迥隔丹邱路斜陽門巷語烏衣細雨汀州飛
白鷺江空天濶鳳影遙謫仙吟斷誰能招六朝
宮闕煙蕭蕭月明夜半人吹簫

凌歊

大明天子遊南國紅粉三千臺百尺歌鍾激浪
楚日白簾櫳凝樹湘雲碧凌歊高宴金輿來侍
臣狎笑朱顏開臺城宮扉鎖花柳寄奴土障生

塵埃昏昏醉夢春風几不顧江東數千里酒罷
歌闌帝業銷青山空映當塗水

春雨晚潮圖

昔年曾看錢唐潮龍山山下乘春濤中流迴首
洲渚變孤塔不動青厓高雲昏水暗雨陣黑雪
噴電捲潮頭白浙江亭遠亂帆飛西興渡暝千
花濕空江茫茫魂欲斷歸來十年驚復見浩蕩
東風滿畫圖淋漓海氣飛人面春深故國芳草
生鷗夷遺恨何時平重遊弔古惜未得掩卷歌
罷空含情

落花行

東風吹花花作團美人脉脉凭闌干倦投紅筵
逐舞鳳故尋翠袖縈釵鸞去年送別城南道城
南飛花委芳草關河萬里人未歸風雨一番春
又老抱愁無語還深閨拂釵攬袖香依依綠陰
鎖窗蝶影斷空枝弔月鵲聲悲青春不復回遊
子不顧期美人掩淚長相思恨身不似花能飛
花飛終恨沾塵泥安得與花飛去陽關西

秋懷

江南木葉飛江北百草黃風煙澹莽蒼悵望川

途長寒魚聚其羣鴻鴈忽成行俛仰念時物
□耿淒涼昔我二三友敦好攻文章漂零轉
失尺素不得將人生四方志企爾揚聲光登山
豈無車涉水亦有航真誠諒不隔離別庸何傷

其二

忽忽意不懌獨步登高邱羣山紛糾蟠前當大
河流八月草木凋萬里風雲愁寒晶蕩白日孤
鴻去悠悠鴻飛不可極其下禹九州古來英雄
士百戰橫戈矛念我當壯年弗獲茲地遊豈無
干時略欲往誰見收哀哉天馬駒失之為蹇牛

赤壁圖

草荒殘壘怒濤秋遙想英雄涕自流風火千年
消伯氣江山一幅挂清愁丈夫不學曹孟德生
子當如孫仲謀機會不來形勝在狂歌弔古慢
悠悠

送許益之之金陵赴趙侍御招

揚帆千里抱遺經此事光華喜見今青眼憐才
真有道白雲出岫本無心校書燈火西齋靜聽
講衣冠栢府深歲晚幽期良自保孤根未恨遠
穹林

其二

繡斧烏臺峻碧霄金陵佳麗未蕭條詩書正氣
存諸彥花月殘歌笑六朝山倚石頭青入畫□
吞天際白吹潮勝遊健筆追雄渾為寄林間慰
寂寥

東王文學

有客空齋歎不歸鄉心二月亂於絲杏花深巷
春風夢茅屋荒田夜雨詩天氣未佳宜小住人
生行樂竟何時乞君安得千壺酒爛飲狂歌慰
別離

和黃晉卿客杭見寄

一從君客江城去詩思淒涼酒盞空
天末倚樓孤岫雨春深閉戶落花風
半生政坐才名誤萬里誰憐意氣同
坐憶王孫詠招隱萋萋草色向人濃

其二

書問蕭條已半年知君近買過湖船
江花日暮吹紅雪店樹春晴起綠煙
客裏光陰遽如許人間歧路正茫然
離羣得似從遊樂紙貴錢唐日萬篇

送陳生北遊

萬里長風入馬蹄
江干舊隱掩閒扉
乾坤清氣隨詩卷
關塞征塵上客衣
日落太行孤鳥沒
天高燕闕五雲低
提攜喜有王維在
迴首南山莫便歸

和葉自然寓雙溪見寄

膏火錐刀祇自焚
莫將清氣一時分
休文溪上多明月
宏景山中有白雲
詩思凌秋添勝語
丹經叅夜得竒聞
飄飄物外何須恨
漢世公卿貴少文

次韻晉卿北山紀遊

林間尊宿澹襟期不減當年許與支十載相思
不相識雲山應笑俗緣卑

其二

行歌共訪采芝翁絕壑層雲一盪胸誰念愁吟
溪上客落花微雨獨支筇

其三

一壑風煙自可留十年湖海漫曾遊短衣射虎
真堪樂莫恨將軍老不侯

祝蕃遠

饒州教授上饒祝蕃

即席和貫學士月氏王頭飲器歌

單于寶刀寒映雪月氏髑髏飲冤血泥丸真人
辭絳宮曲生時能醉其骨閼氏夜帳蒲萄香拍
拍春霞灩秋月賢王起舞舞谷蠡歌傳飲歡呼兩
耳熱燈前人影半闌殘燈後青燐已明滅持杯
為爾澆嶙峋胡為對此傷精魂弓蛇猶能致惑
疾智瑤豈是無心人頭顱如此當速朽生禽誤
入仇家手忍將鳴鏑射頭曼吁嗟降王爾何有
後來漢使諾水東猶待留犁撓盟酒

送沈宏道歸湖州

不到湖中今十年幾迴夢遶白鷗邊
年姚二老風流盡文趙諸公
甲第連頗覺筋骸非往昔已
拚文字讓時賢沈郎歸去如相問
為說晴江有釣船

下第南歸別俞伯貞

驅車出東門別酒忽在手去國古所悲
况復失良友
芄芃芃邱中麥
鬱鬱道傍柳
揮手從此辭
煙雲黯迴首

顧淵伯

樵李顧文琛

游昭亭

我出苦無騎清晨僦輕輿探幽得微逕去郭十里餘曾巒拱金碧云是神靈居羈禽叫秋樹□雲散晴墟懷哉昔太守曾此持麾旗拂石訪遺跡黯然步踟躕非無歸隱心茲焉托吾廬壯圖一未遂安能罷馳驅

題錢舜舉畫漁翁牽罾圖

苔溪道人溪上居一生只慣觀打魚吳兒打魚當耕織意匠別出絲綸餘緯葭縛竹直水口承

以密罟防其遁卒然一掣勢莫御紫鱗躍出金
芙蓉蓬窗草戶色色具茶瓶酒碗尋常俱船頭
青山立突兀船後綠樹搖扶疎人間名利不可
污煙水為席天為廬西塞山前晚風急醉踏船
舷浪花入漁翁心事道人知日暮來看倚筇立
迴頭却捉秋兔豪寫入生綃半猶濕令人展卷
心茫然辛苦微官悔何及吳松江上鱸魚肥秋
風落葉滿漁磯何不買舟逕東歸何不買舟逕
東歸

建平道中遇雪

朔風如弦雪如箭來射長途旅人面黑雲西道
天為愁四望羣峰白於練蕭條聚落才百家日
暮青煙起山縣荒林叢葦少人行斷鴈殘鴉有
時見憶昨年少輕遠遊曾跨驛驢走畿甸只今
潦倒困微官馬上低徊發哀怨丈夫事業未易
論但怪流光速飛電便須大飲敵清寒未用悲
吟歎羈賤

元風雅卷之十八

テ
ル
オ
ー
ノ

二

元風雅卷之十九 江西廉使陳思濟濟民

題趙德輝宣慰代友人償債卷

人以利為利利等邱山高能以義為利其利輕
鴻毛偉哉趙使君重義輕幣刀周急乃君子而
況同氣交交游負宿債代償曾不勞錐刀抵死
競紛紛笑兒曹義風久不作千載空寥寥佳聲
足傳播復有御史謠予詩亦安用但續君侯貂
尚願君侯心推之及蓬蒿又願君侯位鈞衡早
持操躋民富壽域永永無逋逃

送盧處道提刑陝西

繡衣直指上長安
白簡風生吏膽寒
三輔輿情應日望
九秋一鶚正霄搏
吟邊嵩華雲間供
畫裏周秦馬上看
到後相逢李夫子
謂余白髮已闌干

寄沁州元都觀張漢卿

為問張卿自別離
桃花幾度發新枝
元都宮闕連霄漢
故國山川入夢思
雪屋未忘餐豆粥
晴窗曾看理瑤絲
而今髮白朱顏改
只有新詩似舊時

漱石亭和段超宗韻

風波萬頃一官微
羨殺田家豆粥稀
後日秋□
岡上去樹腰移榻
轉斜暉

移官淮東別杭州

湖上雲煙百態新
湖邊幽趣屬閒身
春風楊子江頭路
白首行人又問津

發南康赴江州

繡斧重持白髮翁
路人猶說宦情濃
一帆又下潯陽去
羨殺雲間五老峯

寄陳處士

杏桃落盡清明後
姚魏開時穀雨中
為問西湖

陳處士青梅煮酒有誰同

惜花

長恐花殘漫欲狂
千回百匝遶花傍
高張翠幄朱闌護
山雨溪風未易防

湖中醉呈崔郎中

杭州城西天下無
水晶盤裏青珊瑚
江山勝槩乃如此
醉筆走呈崔大夫

寄沁州史長老

舊時行縣到金田
曾向禪窗借榻眠
別後小詩聊寄問
龕燈還有幾人傳

郭野齋

廣東宣慰使大名郭昂彥高

從軍

秋氛慘白晝天狼窺紫微世故人心迫秋高戰
馬肥乾坤增肅氣鼓角壯神威刁斗淒風急
貔貅白羽揮陣雲愁不散邊月淡無輝烽火
千山起炊煙萬竈稀獸蹤驚遠伏鳥影避營
飛雷電奔長檄旌旗擁戰闌八風觀世應六
甲秘天機社稷悲雄劍肝腸快鐵衣棲船功
可繼銅柱願常違談笑一時了軒昂滿意歸
太平方有象聖德自徽徽

寄張九萬戶

三楚人驚撓擊頻兩淮形勢壯分屯秋風鼓角
悲蛇陣落日旌旗擁戟門談麈夜搖山月白劍
光晴照海濤渾與誰共挽銀河水一洗中原戰
血痕

過桃川宮

桃花流水五雲間咫尺仙凡隔往還白鶴不來
華表在翠鸞飛去玉簫聞戰塵滿眼何時了雲
駕無由得暫攀六載苦辛誰與問瘴煙空染鬢
毛斑

客燕

昨夜鄉關入夢遙
月明魂斷更難招
鬢邊白髮愁能種
囊裏黃金日易消
尺壁自慙投暗室
前途何處是青霄
龍沙見說難容客
八月尖風徹敝貂

寓潭水院寄王鼎臣

落魄猖狂久陸沉
蠻金散盡力難任
魂搖漳水雲煙潤
腸斷燕臺草樹深
朽索謾羈千里馬
樊籠空鎖九臯禽
薰風一夜招提夢
明月關山處處心

杜季明

白髮蕭騷五十餘也隨時官覓新除功名未了
床頭劍活計空存架上書蟲臂敢勞私造化獐
頭深愧強趑趄春風但假吹噓力早趁花期到
敝廬

偶感

滿眼黃塵興已闌閉門高卧且加餐一燈兒女
團團易千古風雲際會難簷外日暄捫虱坐庭
前月出舉杯看翠藤儘看叅天長不與孤松並
歲寒

杜仲梁

杜仁傑

和信之板橋路中古風

岸風圻枯凌野日明遠燒山晚雲煙深遊子悲
嶮峭平生文字僻所歷入吟嘯急景不貸人佳
處領其要

木杪來江光中途憇消搖佳人在空谷尺素昔
見招徒老黃塵中愧爾漁與樵永懷梁父吟日
暮風蕭蕭

髮黃有感

飄蕭中年髮既少何用白蒼黃未甚絲明知不

更黑妻孥恐生悲勸我課鉏耨
摘眷然撫鏡鑷青
山墮虛席

禹城道中

自發醯雞覆蓬心得少瘳乾坤一尺筆
今古幾全牛歲月憐丹竈雲山笑白頭
此生真欲土何地不菟裘

病中枕上

忽忽卧幾月遂成踈懶名却因久病後
更覺萬緣輕月落窗影動夜寒燈暈生
狸奴似相慰分坐守殘更

送信雲父

居士身輕日秋天木落時山青雲冉冉川白草
離離涉世心將破懷人鬢已絲相逢琴酒樂應
怪久違期

病中憶坦夫兄

共脫壬辰亂他鄉見愈親論才唯有子知己更
無人避世相看老通家未礙貧竹林平日約早
晚得為隣

從軍

野潤牛羊小天低草樹平吳疆連晉境漢卒雜

番兵月合圍城暈風酣戰陣聲中原良苦地上
古錯經營

雨中寄高無塵

久客饒孤悶連陰動決旬行雲應已倦細雨亦
傷頻飄泊嗟吾道饑寒任此身人家酒應熟誰
為問南隣

雪後書事

雪罷山原淨日晴風景新一川花氣午萬壑水
聲春天地開華國關河失戰塵無邊春色裏惆
悵獨行人

至日

松竹浣花里桑麻杜曲田
蒼茫辭蜀地辛苦見
秦天死去誰憐汝生還事偶然
但甘終壟畝待
聘豈前賢

宿金線泉

官舍值霖雨客衣驚早秋
泄雲迷灌木行潦帶
清流蛛網翻新霽蟬聲咽
暮愁古今何限事白
首對滄洲

中秋夜宿普照喜周鄉至

久客厭孤寂
楚然聞子來
夜涼風縮瑟
雲破月

徘徊舊事休重說新詩且細裁幾年無此夕獨
欠兩三杯

無題

老淚河源竭憂端泰華齊苦吟知有恨細寫却
無題事與孤鴻北身攜片影西催歸煙樹外不
用向人啼

滄浪亭觀雨

蕭蕭北風吹北窗浪浪秋雨瀉秋江癡蠅不飛
集枯几饑鼠屢出翻空缸雜花葉底開無數佳
木門前立自雙散地自知心地遠賞音誰解谷

音瑟

病中呈裕之

十載猶能復笑談歸來重覓讀書龕
耒陽白酒君應具勾漏丹砂我自慙
民訟幾何消自苦山城雖小得窮探
也知清儉難持久好趁秋風醉菊潭

自遣

少日襟懷悔自豪暮年志節詎須高
敢將議論輕疑孟閒得工夫細和陶
酒盡枯腸還磊砢詩成白髮轉刁騷
皇天汲汲誠何意也共人生一

體勞

一
方
月
一
夕
畚築家園手自操雖無多景足償勞十年種竹
翻嫌密一日栽松恨不高是處求田消二頃尚
誰有夢到三刀得名身後良癡計盡擬浮沉付
濁醪

讀前史偶書

楊彪不著鹿皮冠元亮還書甲子年此去亂離
何日定向來名節幾人全中原消息蒼茫外故
里山河涕淚邊六國帝秦天暫醉魯連休死海
東孺

延津待渡寄仲溫叅議

一望河平一慨然
戰塵如霧水如天
要知別後思君處
長在孤城落日邊

夜宿鄆城

殘月和燈照弊帷
踈風乘隙入征衣
恰逢遠客思歸日
正是家人說夢時

長門怨

天上神仙也
別離人間那得鎮相隨
不須貴買臨邛賦
只想君王未見時

魯郊

六十衰翁更莫閒
好將華髮映青山
穉生自合尋歸計
不在區區醴酒間

解嘲呈元明府

江氣冥冥江雨飛
潛夫四月著冬衣
野荼蘼謝薔薇發
山鷓鴣啼杜宇歸
青鬢漸隨愁共減
素心長與慢相違
四方餬口非君事
自識飄零有是非

陳勿齋

衢州治中天台陳孚剛中

留侯廟

子房王佐才英風凜冰雪天遣鶴髮翁圮上授
寶訣博浪沙下三尺鐵祖龍未死膽已裂況此
暗鳴扛鼎夫不直秋風一劍血談笑帷幄間六
合雌雄決殍金四百年只在三寸舌但恨漢德
非姚虞不得身為古稷契雍熙至治如可作豈
肯脫冠挂北闕留城古廟今千載碧蘚溜雨眠
短碣我恐至人或不死尚有笙鶴擁玉節酌泉
采菊往奠之迴首芒碭墮山月

葛嶺行

葛嶺相君之故居昔年甲第臨通衢錢橫花間
甃作逕錦鋪泉底疏為渠後庭三千頃城姝歌
舞絕世冰肌膚麒麟銀裳龍銷裾佩以文羅木
難珠相君出擁萬虎士各操闌戟左右趨劍履
上殿帝賜坐馳蹄七寶分御厨望塵拜者頌元
老伊尹周公所不如豈知一旦事瓦裂銀鐺鐵
鎖載以驢我偶過此訪廢址狐兔縱橫草焦枯
琨臺瓊砌不復見已有野人來種蔬却怪當時
鑿隧道挾詐出入潛如狙大臣一身佩天下版

牆複壁何謬歟山童從我一壺酒迴首落日悲
歎歔摩挲仆碑共踞坐尚是御賜凌煙圖

居庸關

車稜稜石确确車聲彭彭鬬石角馬蹄蹴石石
欲落不知何年鬼斧鑿僅與青天通一握上有
藤束萬仞之崖下有泉噴千丈之壑太行羊腸
蜀劍閣身熱頭痛懸度索一夫當關萬夫却未
必有此奇巖岬吾

皇神聖混地絡烽火不紅停夜析但有地險今
猶昨我扶瘦筇立倦脚欲叩往事雲漠漠平沙

風起鳴凍雀

銅雀臺

古臺百尺生野蒿昔誰築此當塗高上有三千
金步搖滿陵松柏圍鳳綃西飛燕子東伯勞塵
間泉下路迢迢龍帳銀箏紫檀槽怨入漳河翻
夜濤人生過眼草上露白骨何由見歌舞獨不
念漢家長陵一坏土玉匣珠襦鎖秋雨

汴梁龍德故基

書來海上勸連兵已見金輪逐火精醮絕絳樓
無鶴唳朝空丹宸有孤鳴羽袍士尚傳三洞口

□人誰報六更一代興亡真大夢陳橋驛□見
青城

鳳凰山

浮屠百尺聳亭亭落日鴉啼野蔓青故國盡銷
龍虎氣荒山空帶鳳凰形金根輦路迎禪駕玉
樹歌臺語梵鈴惟有錢塘江上月年年隨鴈過
寒汀

邯鄲懷古

數點寒峰擁翠嵐叢臺落日見漳南火枯襄子
殘銅斗土蝕平原舊玉簪宮閑沙邱空有雀兵

吞函谷已如蠶回仙逆旅今存否世上黃梁夢

正酣

鄂渚晚眺

黃鶴樓前木葉黃白雲飛盡岸茫茫櫓聲搖月
歸巫峽燈影隨潮過漢陽庾令有塵汙簡策福
生無土蓋文章闌干只有當年柳畱與行人記
武昌

鳳凰臺

鳳凰臺上野烏啼笳鼓連雲日又西天地無情
潮寂寞英雄有恨忝高低殘榭夜雨迷朱雀荒

塚秋風怨白雞空有斷碑蒼蘚裏千年畱得謫
仙題

淮陰侯廟

漢家羅罔正高張誰有勲名紀太常戲爾登壇
呼大將危乎操印豈真王煙中草木疑殘幟沙
上風濤憶故囊鍾室千年君莫怨未央宮殿已
斜陽

交趾偽少保國相丁公文以詩餞歸次
韻答之

一雨隨車洗瘴煙大鵬還擊水三千南來未了

維摩病北去空思達磨禪使節尋常銅柱外
天威咫尺玉階前臨岐握手無他語畱取忠貞
照暮年

附交趾相丁公文詩

使星飛下擁祥煙不憚崎嶇路九千雙袖拂
開南海嶂一聲喝破下乘禪妙齡已出終軍
上英論高居陸賈前歸到

朝端須為說遠氓日夜祝

堯年

王元舉

潮州經歷彭城王廓

黃陵曲

黃陵磯頭煙樹簇黃陵廟前煙草綠來朝時接
洞庭君驚浪掀空駕銀屋雨風吹散魚龍腥天
空落日波冥冥君王龍馭夜臺冷雲晚蒼梧山
更青月華二十五弦秋聲斷白蘋江自流竹花
遍灑野林血地老天荒蛾黛愁嬪虞雙筭虞已
老雲鏡芙蓉怨秋槁天子巡遊后不從祇益神
明楚辭好千帆萬櫓香火足古木蒼藤鴉鷺宿
夜寒星斗滿晴川漁郎時唱湘靈曲

小孤山

江上青山一劍孤氣虹夜貫斗牛墟寒藤古祠
神所居漫說彭郎迎小姑俚言不經聽者愚舉
世孰與明其誣山下長江通蜀吳飛廉怒鎖千
舳艫乾坤變色慘不舒竿摧纜絕愁萬夫初疑
破鹵遇老狐又訝伏波留賈胡陽侯負弩雄前
驅馮夷擊鼓嚴後車六鼉掣釣軒蓬壺八駿按
轡鞭龍魚神靈怪駭千萬殊縱有健筆難窮書
一官長沙賦歸歟三年卧病南陽廬故交新貴
一字無扁舟夢繪松江鱸行或止之不可虞呼

童取酒聊自娛短歌激烈驚樵漁掀髯一笑誰
和予鄰商去住依祝巫盤飧拜祠牆上烏百錢
之利衆所趨浪走不待晨雞呼進銳退速中乘
除未要冒險爭前途江山正自不我踈我亦樂
與江山俱安得匹素百尺餘他年寫我東遊圖

題羊欣練裙圖

斐几霜明麝墨輝練裙水縞筆尤奇不知夢近
天門否却怪龍蛇繞足飛

其二

已練練裙還翰墨右軍神氣逼張芝却憐婢作

夫人態夢覺王郎下筆時

陳晉齋

建陽縣尹三山陳天賜

都下偶成

玉泉遠接禁溝流
輦路春深碧草柔
細柳望迷秦女館
清池學弄楚人舟
尊前艷態初疑月
雲裏新聲欲變秋
不道有人騎瘦馬
夕陽春樹起高愁

別桐城諸老席上作

七人五百有餘歲
高會尊前笑語譁
逸興濃時過似酒
交情密處恰如家
朱顏鶴髮明秋水
瑤口魚牋動綵霞
明日馬蹄衰草路
桐鄉回首又

天涯

偶題

脩竹千竿萬卷書
水明沙淨稱幽居
春風架上吹殘簡
時復晴窗落蠹魚

西坡即事

人境得佳趣
青松處士家
成行看過雁
數點落歸鴉
風動竹凋葉
秋高菊吐花
閒來媚幽獨
吾志在煙霞

臨平書事

四月臨平路
江蓮未著花
清風隨客棹
綠水護

僧家對酒邀新月披襟挹彩霞晚來堪盡處飛鷺下圓沙

季夏書事

歸夢遶滄洲為此滯畱雨收三伏暑風送一帆秋汀樹層層出鹽花拍拍浮相思千里月人在海邊樓

清明有懷

春愁禁客况夜夢繞天涯淑景隨流水歸心逐暮鴉看書翻蠹葉撫案落燈花悵望松楸遠登臨起嘆嗟

元風雅卷之十九

元風雅卷之二十

金華許謙

秋夜不寐觸物感事雜然成章言無口
例適興而已凡十二首

秋風撼庭樹涼月流素輝蟋蟀鳴床隅飛螢入
羅幃憂來不得寐散步褰我衣感此時節換種
種雙鬢絲羲軒大聖人寧復畱今茲衾易幹元
化委順夫奚疑願堅樹德心沒身以為期

其二

庭前餘晦地性頗耆甘菊種苗日已長時至酒
亦熟攜壺對秋英朝夕共幽獨春風拂嘉樹朱

紫粲溢目感金羅裳衣新聲間絲竹此日不
樂日月如轉燭霜露締綌清寒香謾盈掬子意
人所從余樂矢弗告

其三

巍巍岱嶽尊蔚為衆山宗東南聳日觀赫赫初
暎紅在昔七十君登封告成功上有古車轍我
欲求其蹤大門險而豁小門曲以通攀緣至中
道力盡無由從

其四

鳳凰甘竹實麋鹿樂食薦生民宜室家展矣求

邦媛絕代有佳人
窈窕兼倩盼蹇脩
為我理佩褰結繾綣
庶幾百年心邂逅
今夕見譬彼七襄
女迢迢隔河漢焉
得授君綏徒能覲
君面

其五

我家東國洛高貲
甲中州良田藝稻
秫桑麻翳連疇嗟
彼日月除夙駕將
遠遊煌煌幾名都
挈挈懼不周朝遊
百花園暮飲倡家
樓何當據要津快
意酬恩讎忽忽崦
嵫景須臾為誰留
幡然憶故國惻惻
徒心憂致遠豈無
車濟盈亦有舟子
不來歸孤死知首
邱

其六

芍藥貯春秀穠姿再柔媚擬笑已傾城衆芳詎
能比摘華不食實何如菽粟味招談竟危趙寧
愚乃存衛有斐世所欽敦行古來貴

其七

首山終身卧莘野三聘起去齊接浙行梁招車
暫止春雨膏羣物淒霜草秋靡柔轡驅駑駘祖
道別閭里瑤池王母居計日策可指羊腸盤太
行流沙導弱水咫尺不得前良圖非謹始願為
雙飛鴻棲息清江沚

其八

昔有狂接輿躬耕樂其貧楚使致君命金車爛
盈門先生笑不應行畱尚逡巡一朝感妻言跡
遁聲不聞惜哉先生賢智不及婦人

其九

昔有北宮子懷德不自知衣褐食糲糲陋室剪
茅茨因人論窮達自失踽踽歸道逢東郭生言
天釋其疑適然將終身始悟非人為君子貴聞
道匪石不可移 為浪動心戚戚還嘻嘻

其十

盈盈谷中花皎皎當窗女朝衣日窺鏡揚皙還
自許風雨淒暮春花飛返無所玉顏長不改恥
與施嬙伍一朝歸度朔骨月陰為土飾貌不飾
心泯滅何足數

其十一

何山名不周疇觸天柱折女媧上智人煉石補
其闕日月軌道行共辰衆星列從茲轉大鈞萬
物欣以悅堯年水襄陵湯世九澤竭瑟調柱奚
膠壁白緇不涅愚公厭王屋寧一簣撤孫子
傳其愚千載名未滅

其十二

青青巖下松猗猗澗中蘭長山饒靈異佳氣長
鬱盤尚論多哲人逸駕不可攀舊聞赤松子牧
羊在茲山安期煉五石奕具白石閒餐霞吸沆
瀣松下時往還振袂登前岡高揖凌雲煙姑舍
御風術且復羈勒寬

題浩然齋

元氣塞太虛闔闢理昭著惟人萬物靈剛大鈞
所賦藐然配坤乾豈不以是故安行孰能希智
鑿失其素呂梁束河流疾風水奔注苟無操舟

術咫尺不可泝康莊範馳驅千里積跬步務茲
芸苗功無為握苗助秉心慎始終始恢乎有餘裕
齋居日已省目擊內環顧名言諒非艱允出乃
其庶

右詩共一十三首乙亥仲冬易自虎林還
舟次蘭江望金華山有懷許先生詩一首
云泊舟蘭江岸遙聯金華山茲山鍾秀多
佳氣長鬱盤自從乾淳來文獻何班班至
今高蹈人嘯傲羲皇間我欲從之游歲暮
衣裳單求道諒無勇佇立空長歎遂訪正

傳縣尹求易此卷且言先生平日未嘗作
詩近忽寄此興致高遠真所謂有德者必
有言也乃命其子錄以贈余比還岸舟發
已良久余並岸走十里許始及登舟舟人
問焉往余告之故皆椰榆大笑余亦不覺
失笑臘月二日重錄於思勉齋就識左方

ラダマニ

ラ

熊軒

建陽熊禾去非

寄張廉訪時清漳以貧守科鹽致擾

七閩古要荒是為越南徼秦溪列職方居民亦
稀少文風漸塞開李唐盛稱表問之何因爾風
氣有先兆桓桓觀察公切切勤教詔至今章披
流詩書被餘照伊洛道既南考亭重繼紹譬之
中天日萬古垂炳耀豈但行中原衣被彌嶺嶠
云一氣遷變化有難料百年詩書地末俗事
攘矯豈是殷民頑此亦關感召天下本無事庸
人自為擾庸人亦何傷貪人禍非小小貪人易

知大貪一何巧豺狼不堪問狐鼠安足道哀哀
清漳民仁者宜一弔何年彗旄頭燐火猶有燭
十家九空荒落日曠野燒邇來痛甫定生意漸
原草三年兩徵兵行人亦傷悼閩地本磽瘠山
海相帶遠兩耕不供餐儉歲即有孳獨藉煮海
餘易以供歲調古人弛厲禁瑣瑣不爾較但令
官無虧一任民轉漕近年鹽法密適以長貪暴
茫茫一溟渤乃是大穿治下不濟民窮上不資
國耗饑狼與餓鼠白晝敢嗥噪民膏寧幾何□
□安得飽我思山海藏本是天地寶公家賣鹽

引本錢亦銖秒祇命增倍蕤安得不為撓

上恩豈不厚末弊誠不料官曹既猶禦何責汝
為盜千鈞發鼯鼠桃蟲集飛鳥我欲陳其言哀
情動深悄閩山秀而剛習氣本強矯近代矯節
人一一皆可攷漢史言未公反覆出簞篠反覆
豈其性當年久貪討學道皆有用薰陶及其妙
撫馭或失宜返以萌不肖矧茲一蹻地峒險接
深沓郡人生本微鄰寇時掠剽亟當保天和玉
石戒俱燎民生必有養而後可施教云何無其
具而輒事刑勦海濱去天遠高高不堪叫使者

重觀風甦息宜及早

一
フ
石
牙
二
一

一
フ

何得之

昌平何失

感興

大寶隱於石哲匠莫覈真猛虎走四野尺草豈
蔽身昧者虎不見投石安足珍所以卞和泣千
載共沾巾

其二

飲酒莫啜漓結交當求知論人先論行相馬不
相皮一謫余何敢三讒親亦疑投身入屠釣猶
勝坐書癡

其三

人皆欲富貴我豈願貧賤青雲一差池如藥弗
瞑眩幼學苦不多夜思曾得半今也髮盡白梳
頭雪滿面長恐愧鄉閭一朝死愚懦

其四

渥洼騏驎兒自有絕塵足錦張過都門飛采射
衆目歎彼轅下姿亦非駑駘物世乏伯樂儔誰
識千金骨所以荷叢士煙水日淪沒

對酒

古人不我俟不共此酒醇此酒復易盡不能俟
後人並世有不察異代若為親茫茫宇宙間此

抱難具陳惟應空中月分留大江濱

招賈無播馬德昌飲

積雨釋炎熱涼颼變清商薄帷納朝景
倏爾頽西廂念我二三子不來復一觴
言笑吐蘭菊芬芳粲中堂仰慕不昨日
忽別若殊方况各迫桑榆何以永夕光

招暢純甫飲

地白雪方作城烏夜始啼鳳枝久不定
達曙未能棲長安多逆旅客意勢連雞
豈不懷其寶念子寒與饑我壺酒初熟
葡萄漲玻璃野老日無

事出望幾千回如何不見來覆此紅螺杯

老病

老病積漸來筋力日覺情南園一步地杖藜不能過階前宿雨晴屋角紅日大不是賣花聲曉夢誰驚破

莫吟

獨老朝朝出或醉莫未歸高樹挂新月山妻候柴扉飲伴更相送欲辭意難違感此鄉曲情淚下忽霑衣

野性

野性等麋鹿長林足遊盤焉知廊廟器我我魏
其冠有時一壺酒花下自成歡妻孥儘辛勤生
理固其然我今雖白髮敢不思古賢

擊缶

不愛種松樹以我非長年不愛種竹竿以我無
閒緣所愛一杯酒吟咏詩百篇酒能陶我性詩
能俟采官得達至尊聽可使黎庶歡請還開國
初政似結繩前委事一二人削此機務煩萬萬
洪荒地無人拾馬鞭

方鏡

鑿地作方池背帶千花草萬磨愈不清一照一
迴老

十八事舅姑機杼任蓬首照面不照心照心妾
不醜

辭薦

平生疎懶性發赤向人前豈識為官貴那貪處
士賢慈親俱老大稚子始狂顛此日能完聚稱
觴賴聖年

我醉

我醉焉知老人扶不論家鶴衫飄月練烏帽□

風紗是處相逢笑醒來更自誇神仙豈無有死
後上煙霞

飲酒

野人早起懶梳頭遙見青帘一日休席破貪書
曾廢食雞鳴趨利得無羞况兼老病將為鬼那
更居浮強作囚但願尊壘容我了烏鳶螻蟻任
渠謀

書懷

野性長便雲水居城中有屋不如無慳時因記
人來往多少紅塵汙白須

寄暢淳甫

思君不見費人思何日人思能已時又見鸞坡
三月柳數株濃綠自絲絲

絕句

出門何路覓亡羊日日紅塵枉了忙笑殺東齊
趙夫子不來看菊過重陽

雨中

閉門連日雨霏霏一醉誰憂生事微睡起不知
風色莫北窗花氣濕人衣

燕都雜題

畫屏誰畫一風帆阻隔千山與萬岳不護樓頭
些子雨使人春盡怯春衫

一夜春陰徹曉寒玉山無奈酒杯乾青娥知有
愁多少狼藉妝奩懶對看

花市東邊柳市西矮堂一笑百金揮如今蹤跡
無尋處谷雨綿山燕子飛

國初太原元裕之作中州集言中州文獻
盡矣故錄其可傳者而粗記之其人行事
本末集嘗悲其志而讀之終卷歎曰中原
人物一至此乎及來朝廷見諸君子益自

浮其言之不妄京師中乃有隱人何得之
之詩如此京兆杜君稍憶其所口授者叙
而傳之嗟夫後之作者抑亦知世有斯哉
蜀郡虞集伯生父記

附揭曼碩過何得之先生故居詩

可憐古井門外依舊鐘樓屋西何處高吟
痛飲黃花翠竹都迷

心事巢由以上文章陶阮之間千古高墳
保下白雲明月青山

軋軋機聲日暮依依楊柳春柔膝下中郎

小女曾聽唱我高郵

頭上烏紗分贈篋中縞楮相酬不道別時
長別誰知愁是真愁

屋上青天未老門前白日常新他日皐夔
稷契安知不是斯人

元風雅卷之二十

二
ア
ル
サ
ニ
ー

二
三
三

元風雅卷之二十一

廬陵文天祥宋瑞

正氣歌

天地有正氣，雜然賦流形。下則為河岳，上則為日星。於人曰浩然，沛乎塞蒼冥。皇路當坦夷，含和吐明庭。時窮節乃見，一一垂丹青。在齊太史簡，在晉董狐筆。在秦張良椎，在漢蘇武節。為嚴將軍頭，為嵇侍中血。為張睢陽髯，為顏常山舌。或為遼東帽，清操厲冰雪。或為出師表，鬼神泣壯烈。或為渡江楫，慷慨吞胡羯。或為擊賊笏，逆豎頭破裂。是氣所磅礴，凜冽萬古存。當其貫日

月生死安足論地維賴以立天柱賴以尊三綱
實繫命道義為之根嗟余邁陽九隸也實不力
楚囚纓其冠傳車送窮北鼎鑊甘如飴求之不
可得陰房闐鬼火春院闕天黑牛驥同一皁雞
栖鳳凰食一朝蒙霧露分作溝中瘠如此再寒
暑百沴自辟易哀哉沮洳塲為我安樂國豈有
他謬巧陰陽不能賊顧此耿耿在仰視浮雲白
悠悠我心憂蒼天曷有極哲人日已遠典刑在
宿昔風簷展書讀古道照顏色

過淮河

北征垂半年依依只南土今晨渡淮河始覺非
故宇江鄉已無家三年一羈旅龍朔在何方乃
我妻子所昔也無奈何忽已置念慮今茲日已
近使我涕如雨我為網常謀有身不得顧妻兮
莫望夫子兮莫望父天長與地久此恨極千古
來生業緣在骨月嘗如故

北行過贛州

滿城風雨送淒涼三四年來此戰場遺老猶應
愧蜂蟻故人久已化豺狼江山不改人心在宇
宙方來事會長翠玉樓前天亦泣南音半夜落

滄浪

元日

慚愧雲臺客飄零雪滿羶不圖朱鳥影猶見白
蛇年宮殿荒煙隔門庭宿草連乾坤自春色廻
首一潛然

重陽二首

世事濛濛醉不知南山秋意滿東籬黃花何故
無顏色應為元嘉以後詩

老來憂患易淒涼說到悲秋更斷腸世事不堪
逢九九休言明日是重陽

杜清碧

京兆杜本伯原父

寄楊仲宏

老來自愛黃叔度少日真期魯仲連
高卧獨無田二頃曳裾誰有客三千
滄波渺渺浮鷗鷺白日翩翩換歲年
却憶江東楊少尹劇談終夜不成眠

八月十五夜懷舊遊寄虞伯生

高齋獨坐對中秋見月令人憶舊遊
翠館題詩爭刻燭瓊樓買酒賸添籌
鮮嘲雖辨元猶白作賦徒工道不侔
同學幾人天闕近誰能采藥向

蓬邱

寄酬虞伯生學士

滿窗風雨夜沉沉，獨對青燈萬古心。
徒有故人憐白髮，自無奇骨換黃金。
茅檐暖日雖堪獻竹簡，遺經政用尋豈愧執鞭。
非所好甘隨麋鹿放山林。

酬馬伯庸李溉之

武夷九曲之平川，主人借屋傍林泉。
已栽脩竹圍行逕，更插垂楊繫釣船。
遊目每看雲變化，支頤時聽水潺湲。
移書莫訝多違俗，猶愧無端草

太元

題周南翁悠然閣

大江之東彭蠡南周家高閣與雲叅秋風猿狖
啼青嶂暮雨蛟龍起碧潭遶屋千叢生杞菊過
簷百尺長梗袖何時共此登臨樂指點山川與
細談

送人還江西問訊清江諸友

為愛名山入武夷溪灘澄澈石委蛇蒼松蒨蔚
藏元鶴翠藻葳蕤隱白龜欲共結廬雲以外何
因分袂水之湄歸時儻語余親友獨守元經費

所思

送宋士明之長河尉

雲白山青曉日紅
送君恨不共推蓬
重尋水驛曾題句
新佩銅章更領戎
鷗鵲飛翔看夜月
鵬鵬變化待秋風
因君甚憶張從事
想見勞形案牘中

寄靳笑隱

四壁圖書盡沒塵
閉門伏枕動經旬
一春風雨應多病
遠屋桑麻却自貧
故舊有懷音問遠
夢魂無據往來頻
囊餘藥物非時用
且引雙肱學

烏伸

過忠顯墓

拱辰山水鏘鏘上有忠臣死骨香翠石斷文
存彷彿金鍾餘響墮蒼茫一時大節稱劉李千
載貞名並許張近日傳聞三市事不知誰是繫
綱常

用仲宏韻贈相士

武夷九曲好清流且棹扁舟試一遊高挽藤蘿
捫翠壁緩穿竹樹問丹邱黃金徒貴誰求馬白
石空歌自飯牛盛世鳳麟如要識莫耽幽討更

遲留

春日書懷

春到連陰獨閉門，每從藥裏廢清尊。
已看山色煙中暝，更覺溪流雨過渾。
嫋嫋垂楊新態度，纖纖細草舊根痕。
迴思輦路經遊處，玉館瓊樓鼓吹喧。

和清明遊山韻

步入嵒巖石徑微，尋山頗喜願無違。
重重邱壑藤蘿密，遠遠源泉草木肥。
定有幽人居處密，應知俗客往來稀。
初平兄弟今何許，甚欲從之論

化機

中秋

南樓今夜月明多相對無如感慨何
漢苑秦宮來牧笛吳江楚水載漁蓑
曾聞徐市樓船去還見劉通露柱磨
更後千年更今夕共誰把酒共高歌

戊午端午

十年為客半輜軒賸有山河欠討論
只好扁舟浮楚澤不將漫剌到侯門
驅蠅且試淮南術端笑應從太史言
縱得獨醒還獨往何如濁酒對

清尊

重九

還把茱萸憶故人知余海上獨垂綸
青山白水寧無意紅葉黃花正有神
高處登臨何磊砢靜中紬繹絕緇磷
比來始覺交遊絕深愧巖畊鄭子真

秋興

兩峯高聳並秋霄雙澗分流送晚潮
月冷誰家頻搥練風低何處細吹簫
七閩荔子丹砂顆五嶺梅花玉雪標
黃鵠不來空悵望自歌雅曲和

漁樵

自和

紛紛鴻鴈下雲霄
衮衮蟾烏出海潮
山色侵窗朝看畫
泉聲遠枕夜聞簫
青天白日羲皇世
明月清風元度標
不是詩人泥聲色
清時慮不到漁樵

十月二十日

為愛溪山類隱淪
經行終日不逢人
窺魚白鷺驚筇竹
課蜜黃蜂避角巾
歲月謾教消筆硯
江湖應許漾絲綸
親知音問讎遼絕
却喜梅花樹

樹新

和鐵峯見寄

風雪燕山似素交，為曾輦路聽鳴鞘。
清溪月冷應同靜，紫陌塵深豈自淆。
未辨和羹鹽作齋，試看承露玉為梢。
歲寒已約為三友，紅翠春深恐見拋。

落日

雲霧紛紛起紅輪，又墜西向曾聞野馬今始悟。
醯雞儒術真何有，天經亦自迷誰能江海上方。

□
□
□
□

題觀復齋

萬木森森夜欲僵
九泉拂拂動微陽
先生獨坐調鉛火
卦滿周天漏正長

題畫圖

樹林蓊蔚水灣環
知是江南何處山
數載幽并倦行役
按圖欲借屋三間

題小景

秋雲滿地夕陽微
黃葉蕭蕭鴈正飛
最是江南好天氣
村醪初熟蟹螯肥

子昂竹木

蛟龍榜玉佩聲聞虎豹關秋露滿天濡綠髮晨
光出海耀朱顏金函已注長生籙籬下種菊更
斑斑

哭仲宏德幾

煜煜文星耀九州早將詞賦動宸旒萬言未試
黃金闕一日俱登白玉樓海內共師楊范體眼
中頓失孟荀儔沉珠殞璧知何意獨向山中涕
泗流

登昇真巖

天下名山此最奇溪潭澄澈路逶迤塵埃袞袞

終難到樓閣重重未易窺況有高人能閱世儘
多勝處可題詩十年來往追尋遍似與仙靈有
宿期

寄詹景仁

庾嶺梅花玉雪明使君持節五羊城白雲渺渺
思親意滄海悠悠戀闕情秋氣肅時鷹隼鷺朝
陽和處鳳皇鳴山中芝草琅玕長何日歸來掇
絳英

送趙伯常歸揚州

往年初記抵京師正類機雲入洛時未說鰲頭

分赤管先傳馬首控青絲瓊樓舊醉家家酒金
□新題處處詩此日揚州歸去路錦衣光彩照
城池

祝丹陽祠武當

太和峯頂接岷峨上有金銀觀闕多溪谷幽深
龍虎狎岩扉薛葉鬼神訶九重每遣天香至萬
里今看駟騎過只待祠官傳好語

聖皇垂拱鎮山河

元日縱筆

天祿三年王正月乾坤闔闔應昌期仁明

天子龍鳳表義勇將軍虎豹姿且願農家收小
麥莫教蠶婦賣新絲萬方寧謐網常正始是
君臣濟會時

贈昌禪師

明星雙闕曉白露一庭秋嘉遯終相與清言獨
未休雲霞雖異色江海本同流妙絕陽春曲非
師孰倡酬

中原萬里路杖錫欲言歸碧樹秋風急蒼山落
日微塵埃從此遠儔侶足相依江濶何時到天
邊一鴈飛

謝疊山

廣信謝枋得

北行

雪中松栢愈青青扶植綱常在此行天下久無
龔勝潔人間豈獨伯夷清義高便覺生堪舍禮
重應知食可輕南八男兒終不屈皇天上帝眼
分明

示兒

千古興亡我盡知一家消息又何疑古來聖哲
少才子世亂英雄多義兒靖節少陵能自解孔
明王猛使人悲只虞錯改金根字焉用城南勸

學詩

和游古意

死易程嬰豈不知十年後死未為非
文辭未必改秦館敲扑徒能抱御衣
無志何勞悲廟忝得仁更不食山薇
儒冠有愧一廝養何忍葵心對落暉

題慶全菴

尋得桃源好避秦桃紅又見一年春
花飛莫遣隨流水恐有漁郎來問津

蓮如君子甘離世菊似逸民難出山
不信衆芳

□寂寞天香流出滿人間

長松落落多奇節冬無雪霜夏無熱根頭更有
千歲苓知誰可語長生訣

新篁娟娟如綠玉蕭然出塵澹無欲清風明月
誰主張留得此君在空谷

壬午九月寄書老母

九十萱親天下稀吾王何在子何之倚門旦暮
無他念一片好心天地知

九十萱親天下稀平生教子欲奚為楚王肯立
韓公子良也歸韓亦有辭

賞牡丹

蘭佩蓉裳骨相寒
山中何日鼎成丹
春深富貴花如此
一笑尊前醉眼看

洛陽園裏草茵寒
夢想堯夫一寸丹
安得根頭知上品
今人多是就花看

桑柘村

子規啼徹四更時
起視蠶多怕葉稀
不信樓頭楊柳月
玉人歌舞未曾歸

元風雅卷之二十一

元風雅卷之二十二

臨川孫轍履常

擬古四首次楊志行韻

涉江采芙蓉江水何澄鮮
朱華映朝旭窈窕風前相望不盈咫
風波良獨艱攬之置懷袖撫玩空長歎
春榮衆所慕泯默無復言

孟冬寒氣至眇彼庭中樹忽得故人書
中有相思句故人隔異縣相望良獨苦
候蟲鳴廣除落葉被衢路淒其對搖落
登高詎能賦白髮生鏡中荏苒流年度
故人歲寒姿亦有濟勝具相期佩飛霞
共飲金莖露

青青河畔草春至不復腓
延緣被陂坂飽彼牛羊
饑荏苒時序遷王孫終未歸
西風一蕭瑟楚客空傷悲
安知壯士心金石乃不移
陰陽無停運垂柳生金絲
鳥鳥百花關迴首乃爾為
丈夫貴自勗千載以為期

明月皎夜光出自河漢東
衆星爛以繁牽牛正當中
永懷乘槎人上與河源通
遡遊往從之杳杳將安窮
至人凌倒影千載幸一逢
願言攬其袂一洗塵埃空
乘風遊汗漫歷歷天九重
有志未能就憂心徒忡忡

劉師魯

鄭川劉汶

言志叙交四十韻答歐陽元翁

衮衮滄江去茫茫暗谷移黑頭那敢恃華髮會
相欺遂起紛如歎能忘逝者悲著書誰發憤追
古獨忘疲講授嘗佔畢研窮幾下帷羣經元奧
妙百氏苦支離索隱妨脩業談經失秉彝反身
惟一理遵道豈多岐新意方來際陳言盡去時
夏蟲冰莫訝越犬雪休疑浮世春榮過幽園夕
秀遲後凋終有待直養可容虧向使常流混寧
逃具眼嗤投閒欣事省掃跡畏人知環堵差堪

戀長沙去若為趨庭因泮藻贈客且江蘿回顧
臯比冷還思寶玦遺羈愁生兩外鄉夢落天涯
每慨淵明菊將尋綺季芝未諧萊氏隱頻念鹿
門期友誼今踰薄儒流子尚竒剛腸曾比石末
俗竟如脂綴曲唯同病論詩固解頤率更仍翰
墨六一再文辭解接家聲遠兼扶士氣衰塤簞
叅雅奏椿桂亞高枝正始音能續元和脚肯隨
□雄親漢魏綺靡却陳隋浪許鯢魚舞雲看駿
□馳駑駘羞抗臆鰭鱗愧揚鬐不盡沙金揀猶
□璞玉治受辛驚絕倡勝已辱先施歐冶加鋒

鏐劉墻力墜茨吾儕非敢傲兒輩自宜麾學要
千年蘊名須萬古垂匪徒攀屈宋深望沂濂伊
天運流無息人生志勿卑操憐松鬱鬱節撫竹
猗猗盡擬冷風御何曾俗骨豎煎膠得麟鳳歲
晚願深資

贈劉禹玉

劉郎方叔徒遊戲紫泥海千年華表非唯有寸
心在向來浙河西雄辨吞虹霓手携九節杖東
入蓬萊棲我時探禹穴同看山陰雪千人萬人
中怪子獨超越朝騎白鼻騮暮逐油壁車得錢

即付酒携妓顏如花路翻豪俠窟醉狎山人家
 或嘲狂處士或謂報恩子從渠立名多詎識子
 竒偉一朝去鄉國北上爭吹噓家無十金產袖
 有萬言書所陳果何事為國非自計寧遭丞相
 嗔肯負丈夫志蹉跎十數秋甘與黃冠儔善藏
 倚天劍未暇摩斗牛幡然走山東隱跡隨壺公
 還尋岱宗去絕壑凌天風雞鳴上日觀眼亂扶
 桑紅窺臨事未已逸氣橫萬里行歌齊魯間興
 為廬山起廬山秀可餐怡此冰雪顏揮毫灑瀑
 布五老開雲關遠公拍手笑喜見遺民還乃知

士不偶正可遊名山去年卧衡岳聊憇四海脚
□垂君平簾懶賣伯休藥却呼魏夫人共把流
霞酌今年與山辭下走湘水湄臨風弔賈傅酬
月招湘纍文章本踈蕩強忍終技癢光怪不可
收倏忽又千丈有時遇知音朗咏山中吟復恐
兒輩覺不得容山林茲辰忽聚首尉我別來久
辛勤四十霜所獲竟何有却懷居東時勇以功
名期焉知尚漂泊筋力供路岐舉杯置徃念此
去安所之南窺古雲陽更了山川竒山川固娛
目慎勿過幽獨奈何白雲歌再送劉十六乾坤

一
六
石
牙
二
一
一
眇蒼茫迴首眷空谷我將秣其駒乃不受羈束
願子無遐心歸哉返初服

真山民

括蒼真柱芳

讀劉元城言行錄

一掃權奸十九章七州不憚歷炎荒黃梁富貴
百年短青史是非千載長丞相雖存心已死先
生既葬骨猶香向令鐵漢常留住天下何緣有
靖康

泊嚴陵

天色微茫入暝鍾嚴陵城下繫孤篷水禽與我
共明月蘆葉為誰吟晚風隔浦人家漁火外滿
江秋思笛聲中雲間休望孤鴻影身亦天涯一

斷鴻

吳王夜宴圖

銀漏迢迢夜未晨
管絃聲裏綺羅春
飲闌方擁名娃醉
豈料稽山正卧薪

馬嵬驛

三郎掩涕馬嵬坡
生死恩深可奈何
瘞玉道傍何足恨
潼關戰骨不埋多

春遊阻雨次韻

田里熙熙便是春
追遊何必艷陽辰
打門吏少花村靜
聽雨高眠亦可人

李仲公

番陽李存

昭真官半山亭

策竹出城郭泛舟越烟水行行蒼翠間亭子□
然起羣仙厚遊客暫此休爲履俾無往蹇悔庶
有窺觀喜我來當六月楹檻冷於洗靈苗紛不
數老木靜相倚猿猱音裊裊沙石光齒齒雲□
尚何許世味良遠矣初如得此足久覺未能已
清厓稍□豁曲徑方迤邐當堅窮源興難與□
返比爲語後來人莫作中路止

流民詩

邳徐二州皆凶災流民如雲過江來布衣慘慘
泥水破黑妻騎驢兒在懷為余言之心膽摧剝
掘榆皮蘆白芨至今一貫一升米不去坐死何
為哉

昔年

昔年有語雙白頭棄我忽作齊梁遊雲鴻不來
音信斷寶鏡塵昏秋鬢亂君心一去如飄風妾
心死與黃河東清霜昨夜剪庭樹欲寄寒衣不
知處

寄舒元易

甘聞舒子言今已向三載可憐下愚者攀拘不自解百年真倏忽況此弱而痿嗟子古之徒菲體辱相采絕憐溝中蛭豈識江與海江海未云足天覆而地載明年亦多幸稍已開桎械青青溪上山誓欲從子邁儻或與所聞雖死亦何悔

汪主簿清明不出見寄

人情雨中花客情松上煙苟非薛卞門何以歸龍泉附驥知自遠慕羊徒得羶君看長舌人早晚乾無涎所以汲太守穩作淮陽眠昨月出東郭風榆吹綠錢流光一何情去我如郵傳道逢

誰家子饌奠號新阡感此不能已戎笳吹晚天
和張仲舉見懷

淫流冒郊郭昏墊如堯年坐令意中人十日墜
周旋問信既為俗見懷斯有篇若人妙詩才華
星麗秋天沈鮑不足避曹劉直欲肩時來林下
居密竹涵清涓戶牖鮮云異言談多所然世情
有衰隆古道無陳鮮顧為盤中漆莫作弓上弦
盤枯漆不落弦枯弓自捐

王尚志

廬陵王東

阿圓曲

秦城女兒字阿圓貌如明月更嬋娟
嫦娥獨宿還相妬宋玉多情祇自憐
海紅花謝春光莫紫燕引雛秋又去
暗綰雙環絡緯鳴長城未識門前路
今朝對鏡掃蛾眉相邀女伴話歸期
不侶西家浣紗婦誤作吳王宮裏妃
君不見偷合苟容那復久況把黃金買妍醜

同鎮陽李先輩登臨川擬峴臺

楚塞蕭條客復來已無秋渚藕花開
西風曠野

孤城出落日空山白浪迴山似襄陽非故國地
連吳會有高臺南游萬里頻迴首潦倒徒傷賈
傅才

題文學館壁

主家池館臨官道門對琅玕如海島弟子讀書
編綠蒲詞人琢句思芳草憶昨送客悲年華隔
簾微雨東風斜春光滿眼忽自醉墻西一樹櫻
桃花

暹國回使歌

暹赤眉遺種天庥初嘗遣使入貢今

天子嗣位繼進金字表章九尾龜一象孔雀鸚
鵡各二朝廷以馬十疋賜其國王授使者
武畧將軍順昌知州使者錢唐人江東羅
倣作歌僕遂和之

江東先生遠叩門口誦暹國回使歌高秋夜靜
客不寐歌辭激列聲滂沱東南島夷三百六大
者只數暹與倭暹人云是赤眉種自昔奔竄來
海阿

先皇在位歷五載風清孤嶼無揚波方今
聖代霑德化繼進壤貢朝鸞和紫金為泥寫鳳

表靈龜馴象懸鳴珂彤廷懷遠何所賜黃驪白
駱兼青騶卉裳使者錢唐客能以朔易通南訛
遙授將軍領州牧拜舞兩頰生微渦樓船歸指
西洋路向國夜夜瞻星河金雞啁哳火龍出三
山宮闕高嵯峨番陽驛吏親為說今年回使重
經過先生作歌既有以却念黎獠頻驚叱田橫
乘傳嗟已矣徐市求仙 介詔豈如暹國效忠
義勲名萬世同不磨

元風雅卷之二十二

元風雅卷之二十三

臨江何中

西湖山

峩峩西湖山靈秀入空碧
蘿陰轉累磴松色清
幽石微霞生絕陁飛溜灑
欹壁鶴鳴巖光動花
落雲影圻危椒登古壇
百年此一息聲影混大
荒不見興滅跡剛風三
天寒元氣萬里色悵望
仙子期凝神撫元極

游穆山

秋陰出南郭佳色來遠山
悠然渡野水却宿前
林間朝氣銳幽步相携上
孱顏行穿綠蘿遠共

愛青杉間已窮高原路忽得雙石關飛煙帶香
氣深木藏幽潺景晏鐘磬寂桂花滿苔班道人
一尊酒時聽風珊珊多悟從此始塵緣諒能刪
空廊對微雨亦復不知還

五公寺

久幽厭拘維暫弛欣舒散近關得禪扉擇步麻
蒼蘚沉沉松陰重灑灑水光遠殘花起餘香乳
禽響新轉虛廊清晝長高僧坐談簡學空素所
昧慮遠還自遣移晷始知歸生煙滿林院

贈元復初

□□□青堤光風轉芳甸遠在天一涯幽沉隔
聞見點點秋歸鴻翩翩春來燕天路萬里通
寧絕遐睎竒姿奪南國悵望愧踈賤良會慰宿
心願君畢歡宴

曉發辭夫磯時友李洞先行

荻暗雞鳴村平臯下殘月參差隣舫語櫓聲帶
潮發露華望中白蓬陰散秋髮沙鳥知曙鳴海
雲上空滅念我前行友青山已飛越遲爾及相
携無嗟賞心歇

龍潭阻風夜興

水宿滯行期前津北風惡林寒燈影深莎雞滿
籬落荒忽寄孤迥淒清愧離索年光星河轉夜
氣衣裘覺我前勁翮翻我後大魚躍潮痕侵柳
根移船避沙閣

知非堂夜坐

前池荷葉深微涼坐來爽人歸一犬吠月上百
蟲響余非洽隱淪隙地成偃仰林端斗柄斜撫
心獨悽愴

風雨

池上風雨來柴扉人迹絕隔水煙氣生林峯半

明滅蛤吠秋草深魚驚晚荷折孤卷倚□□□
紅隱天末

發新淦

振衣上野航回首謝山阪日澹秋水空風清片
帆遠沙光侵岸發峯影隨人轉前渡煙火深離
亭今路緬

招仙觀

逶迤溪南路窈窕招仙谷空堂兩道人殘碁映
深竹一葉響踈籬雙鴉啼高屋出門隨歸人遠
燒在山麓

宿田家

村暗煙火生林深雞犬靜
麥花如積雪月色淡
相映鄰家夜汲歸寒蛩滿幽徑

送人歸臨川

金河踈柳外去櫂響流漸
為客有歸日送人愁
別時寒雲隨鴈遠南雪到山遲
舊隱書無恙行藏莫預期

絕江

挂席亂驚湍曾過此渡難
潮歸楊子晚山入秣陵寒
聽語知鄉近忘年計日寬
穩行隨夜泊燈

火滿江干

送吳主簿之官石埭

簿領池州去，開帆帶雨微。
當令公事簡，見說尉人稀。
雲入九華碧，鴈經秋浦飛。
丁寧橋下水，官滿載書歸。

邗溝

衰柳殘荷并慘然，青山隔岸弄嬋娟。
多情惟有邗溝水，長送江南過客船。

謝友人見訪

荷笠深山采藥迴，荆扉石徑損秋苔。
花邊稚子

相迎說昨日有人騎馬來

靈應觀雲徑

厭煩取蕭閒幽賞入雲徑上堂聞響版山童質
辭令地寂室生涼體暢心逾靜出門看木陰哇
鳴發清聽風光勻可愛水色灔相映真契成自
怡歸路得新詠城市今滯留將無失幽性

諭立之撰行述云先生六歲記誦九經稍
長以詩名年四十四始携所著書來京師
翰長姚王諸公列薦之命未下而歸卒年
六十又八先生所著有知非堂藁十七卷

易類象二卷書傳補遺十卷通鑑測海二
卷通書問一卷補校六書故三十一卷嘗
謂學者曰人之於學雖一藝一能不至古
人不名為學而況聖人之道哉草廬先生
亦以一代文豪許之

「ラズ牙ニ」ミ

「ミ

陳芝巖

虎林陳復子仁

宿州作

郡秦名泗水城沛理相山屏蔽江淮右文章繪
渙間分田屯虎旅改邑築龍顏梁楚紛紜革天
公竟好還

其二

春秋盟彼宿其地即無鹽此宿城長慶邊淮成
建炎民田惟種麥國賦半輸縑亭扁扶疎竹雙
碑灑子瞻

其三

城貫長堤柳滿鴉防秋帶月聽鳴笳甬橋無復
波通漕靈壁徒聞石卧沙閔子幽林埋故里虞
姬孤冢屬誰家幾多折劍沉睢水若箇當年斬
白蛇

其四

聞道苻籬睢上居主人從諫擊毬踈遺風謾詫
朱雞石故事猶傳白兔書民起廢橋聞渡虎官
開響泊為求魚屯田好在斜陽外一帶青山接
北徐

其五

□先劉項發戎機九死何慙一布衣王楚竟伸
鴻鵠志亡秦終挫虎狼威于今氓隸無遷徙自
古英雄有是非草暗荒城埋甕牖空餘燕雀遶
祠飛

其六

龍州泛處漲黃埃看了瓊花不再來桃杏遶堤
千百里春風疑是錦帆開

陳復字子仁博學強記喜高論有氣節與
人言終日灑灑可聽時雜謔笑終不為軟
媚語卓然有守之士也善行草書及畫崇

山茂林蓊然可愛初辟憲府史不就晚年
始為宿州學官此詩宿州所作也讀是詩
者亦足知其人矣

吳彥輝

吳炳

古鏡

鴈去悲銀海，螭蟠泣鬼工。
黃腸迷漢栢，野火上秦蓬。
濃翠凝螺黛，鮮朱漬守宮。
漆添燈暈黑，文滅繡奩紅。
一旦珠還浦，千年劍出鄆。
霧餘空黯澹，雲在月朦朧。
伏獸銜絲結，蒙絺畫羽蟲。
粉綿施婉轉，臺玉刻玲瓏。
匪茹曾申誠，惟明可保躬。
他時賜盤鑑，來照夢中熊。

夏夜偶成

有恨空憑檻，因涼獨近楹。
雨留楓樹滴，波碎月

池明班女休題扇
緱仙約弄笙
所懷今不見
鍾鼓隔重城

其二

樹鵲棲難定
槐蟬噪未休
露侵弦柱澁
月映簾紋流
年鬢空嗟晚
情懷預怯秋
畫屏搖短燭
獨坐數更籌

春日郊望

陽林上初旭
散策臨郊甸
藉草綠已滋
攀桃露猶泣
覽物時屢改
懷人鎮將變
械情待朋知
及茲事遊踐

題故宮山石

當時豐暇豫積石事行樂佳植被陽厓飛淙響
陰壑跡徃異朝市春來長藜藿惟有帶地川東
流抱煙郭

詠塵

氛氲隨騎集散漫依風度似霧暗津樓連雲隱
郊樹漸迷烏几色已失京衣素嗟余南北人長
年事行路

訪道士不遇

元鶴衝閑樹杪雲靈風為掩竹間門苦無柿葉

書名姓惟有蒼苔記履痕

山中

山人寄聲至酒熟期共酌呼童抱鳴琴起赴林
下約

引杖探溪流今朝添幾許定是岫中雲去作山
頭雨

武夷彭元亮自北還達兼善宋顯夫王在
中吳彥輝李五峯張仲舉陳新甫各錄其
所作若干首以贈易得而併錄之元統二
年冬十月記

李五峯

永嘉李孝光季和

蓮葉何田田

蓮葉何田田
宛在水中央
別離不足念
亦復可憐生
蓮葉何田田
見葉不見水
貧賤貧賤交
富貴富貴交
花生滿洲渚
不復葉田田
持身許人
易持心許人
難

衡門有一士

衡門有一士
閉門恒苦饑
俯仰良自惜
日晏猶弦歌
小人未足畏
君子或見之
寧為蘭玉摧
不為蕭艾滋

題畫史朱好古卷

真宰簸素篇笑睨造化爐鼓金鑄賢智搏土作
下愚畫史天機精竊見造化樞盤礴解衣縱當
軒舐鉛朱沾塗狡兔翰神氣如走珠手掣巨鼇
簪疹革生肌膚六丁拔山來下無根與株海風
吹之凝累累挿江湖其中有幽人傲兀不可呼
已知畫手好令我心踟躕五湖風雨夕逕去理
釣舟子技亦精絕白玉無疵瑕誰能薦天子迫
之畫雲臺一朝被賞識富貴真萌芽但訪青牛
君乞受黃金壺

題梅卷

北風吹倒山三日雪塞門悵悵巖谷裏萬木命
在根天翁粲然笑洗出明月魂春如鼎中香已
覺火力溫

餅有粟

餅有粟兮孰云吾瘦居有宮兮孰笑余陋御冬
有褐兮又焉用乎文繡人余哀兮莫余知入事
父與母兮出從仲尼謂蠨蛸兮無冒我戶吾嘯
歌兮其下

沂有梁

沂有梁兮維鯉維魴沂之兩厓兮有棗樹桑居
沂之人兮寬裕而善良古之人兮翱翔
余其歸老兮沂之東南

君乘馬送彭元亮

君乘馬兮余追于邱君乘舟兮余望于沙遠而
不見兮涉江與淮豈無人兮余望余之所思鴻
鵠高飛兮孰知其志道之將行兮又將焉求

釣魚

上山而笑兮下而釣魚豈如他人兮唯富貴之
求三公執柄兮念子之多才將子歸輔兮誰繫

駒功成而歸兮來從余遊

箕山操

箕山之陽兮其木芻芻
箕之冢兮白雲幽幽彼
世之人兮孰能遺我以憂
雖欲從我兮其路無繇
朝有人兮來飲其牛

茅山謠

道人兩鬢青如蓮大醉上山捫青天
青天蕩蕩玉盤出引手舉盤天上懸
銀河傾倒挂樹影長風吹香落丹井
地上小兒霑玉馥白兔急搗元霜
熟悖悖仙家十二樓夜半起拂跋
烏俗手招

茅君叫列仙帶劍上立紅雲前茅君騎虎上天
去道士乞我明霞篇

江山圖

元氣菌蠢生蛟龍銀河倒插金芙蓉九疑正在
九州外碧樹峭峭連丹楓上有萬古不死之明
月下有掀天巨浪之長江有客有客陸龜蒙往
來江南成老翁天地無家屢回首放船去踏江
上之青峯船頭十日懸青雨風拔銀山映東戶
山隨沒鵑落中原水作已蛇走全楚向來英雄
定黃土空遺絹素流今古天地一合如金甌萬

歲千秋奉今主

過王貞婦廟

山下江流幸自清
山頭明月已無情
此心若愧王貞節
莫向清風嶺上行

寄朱希顏

城頭鼓鑿雨淒淒
溪子牽船上惡溪
會有行人回首處
兩邊楓樹郭公啼

江邊鴻鴈下年年
客子何由兩鬢元
七十二灘秋月白
荻花風落釣魚船

寄薩天錫

月子纖纖青海頭使君昨夜過揚州城中高結
瓊花樣去聽吹簫何處樓

二月江城未見花笛聲哀怨起誰家曲中大半
傷離別馬上無人寫琵琶

寄達兼善

城上烏啼欲閉門蕭蕭風雨又黃昏無端畫角
連雲起鐵鑄梅花亦斷魂

叶韻近代用之者鮮獨於五峯屢見之如
前詩生與央叶舟耜臺芽並與壺叶東與
翔叶邱沙淮者求並與思叶魚駒並與遊

叶風風乎騷選之遺音然欲效之者必考
據詩騷及材老叶音補韻而用之斯為善
矣不然如閩人以高叶歌韻浙人以籃叶
山韻適為抵掌之資亦可不慎歟
後至元四年五月二十日蔣易書

元風雅卷之二十三

「大牙」

「大牙」

元風雅卷之二十四

武夷彭炳

蘭在

蘭在在楚澤蘭在在楚山古人見心易今人見
心難

蘭在在幽谷行子在岐路蓼蟲居蓼中人生不
知苦

明篴

明篴倚脩筠撫擘自絕明河夜無聲茅亭四
檐月露寒霍夢醒山花落香雪白雲雖無心今
宵儻怡悅持杯欲問之忘言楚天碧渺然思美

人芙蓉似顏色乘鸞月明中青霞擁鸞翼冉冉
別離時吹簫苦幽咽

冲冲

日月行天高日月行天深高深億萬古歛之一
寸心冲冲坐盤石壁樹落秋子欲涉九疑山風
吹白雲起玉壺滿清露可以沐九州縹緲桂林
西霓裳歌未休

渺然

明月照脩竹繁露驪龍珠風起青松枝白雲行
太虛人心海一粟獨涵千古餘乾坤不敢先渺

然萬化初安得挽銀河從今洗天樞

南溪

南溪種脩竹千畝青娟娟開門看流水心在崑
崙山年來病如雀威威垂凍翰瘦筇懶扶策世
路空漫漫東臯幸有地可廬亦可田聊且飲美
酒灌我心上煩醉歌淵明詩山月照面寒我病
何時瘳持杯問青天

商州道中懷仲微

初日照風林扶疎動清影磔磔好鳥鳴微雲度
脩嶺裴回望藍田青山見錐穎下有如玉人思

之暗愁耿松竹在窗戶馴雀舞柔頸兀兀茅亭
中焚香淪春茗長詠芙蓉詩澄波願千頃

愧淺

漢宣在冲幼危食劍刃間壯大履宸極罔知丙
氏恩大夫在帝左侃侃不自言光武草昧時嚴
陵相與友乾坤洗瘡痍文叔乃天子子陵被羊
裘逃往釣江水兩公絕世賢愧死淺丈夫何敢
擬高風尚不漂母如

無為人所憐

前有億萬年後有億萬年寓形此穹壤百歲指

一彈古來多少人滅沒已不聞草木與同腐可
憐生世間獨有聖與賢明名長久存聖賢在世
時小心常畏天終始履周道沒身無過言所居
至廣大靡物可與權萬乘不為泰一瓢亦自尊
我當師聖賢無為人所憐

楚山

楚山琢青玉斗酒浮漢江叩舷歌明月慷慨過
楚邦亡國非所卹鹿門思老龐此心出萬物富
貴焉可降卧龍拜床下高風古無雙

相重

申韓掃淳風泰呂有天下九圍無建侯經國棄
王霸相權重邱山四海自陶冶李斯至不仁驅
民納機獲忽如楚火炎咸陽半天赭漢朝相有
功蕭魏古人亞王陵聊可師平也騁竒詐元后
資大姦操威變劉社董兇誰召之東京解如瓦
大盜工竊攘神器陷曹馬下民何命窮皇天武
侯捨六朝吾厭之無屑論王謝李唐雖寡珍房
杜鳳皇炙彼勸成武殃誅僂豈天假向非狄張
才廬陵恐蘓鮐開元藉姚宋天宇耿光射林甫
披劍腹清陽竟長夜後來鍊赤心何由補天罅

宋舊膏雨深鉏耨長靈稼李韓諸大臣聲光泝
風雅氣機春樹花風雨易瀟灑天津愁杜鵑安
石亂王化沉疴蘇未蘇妖狐舞秦賈

有元元氣舒京國鳳麟舍昂昂天馬來長風九
州跨金根承五雲矯矯六龍駕弭弓休虎貔弦
歌滿華夏比年天寡情兵塵湧岷華大風掀海
空烈日悴中野股肱非不良干戈幾時罷青山
雖晏如憂心靡紓寫安得起夔龍與之為御者

湘中曲

龍挾天河墮江渚天子騎龍上天去轟轟藏劍

鑿黃雲日落蒼梧一坏土兩鳳追天住湘浦紅
淚湘筠滿秋雨青山九點又春歸花落無人見
韶舞

長絲曲

青池秋高霜露繁蘆葉浸水長闌干風吹枯荷
雙白鷺池上木落雲漫漫蕭蕭馬鳴燕草殘小
窗清砧山夜寒乾坤如繭綵未了古今長絲千
萬盤

珊瑚

珊瑚生樹碧海底安得騎鯨斫大枝獨下崑崙

□風露瓊花吹落酒醒時萬山雲盡水百折□
夜月高天四垂不信此心如雪白漢江同去照
漣漪

武夷宮

仙人縹緲露春鴻月落青峯第幾重琪樹雪中
巢一鶴石壇秋後蟄雙龍古時有冢埋黃帝今
日無人見赤松獨愧曾孫幔亭上翠華同醉玉
芙蓉

淵明辭

醉倚蒼江看落花阿舒扶上短轅車河山萬里

皆劉裕五柳春風自一家

商山辭

紫田雲細玉芝香龍蟄山潭草樹光清夜鳴鳴
弄明月一簑華髮釣秋霜

懷關中故人

長安三月酒如酥花落平隄水滿初楊柳簇門
齊下馬九龍池上看義魚

懷彥肅

山亭濁酒思崔煦天渴無人獻露瓢偶見癯僧
採方竹雪溪扶過木長橋

多年不見瓊花樹脩竹長松獨倚樓一片白雲
東海上又隨春雨過楊州

寄兼善

月在天遊恰半痕手斟河漢上金盆如今洗得
都明徹照見南山萬樹根

月明歸路

當時花柳暗春風紅袖鈎心嚙小鍾昨夜珠簾
罷歌舞月明歸路馬如龍

長笛

長笛嗚嗚揚柳枝捲簾清夜酒醒時光風亭外

春無影明月中天水滿池

曲溪

曲溪山崦白雲多
厯厯梧桐紫鳳窠
釀得冷泉成琥珀
月明吹笛看天河

小橋

落花如雪馬蹄香
幾樹黃鸝欲斷腸
行到小橋春影碧
一溝晴水浸垂楊

清池

春風留夢碧桃枝
雙鳳吹簫月上時
誰與秋蓮共秋色
白鷗如雪落清池

釣魚圖

酒醒船在子陵臺萬壑千巖玉琢開拋却釣魚
藏雪落一雙青鴈恰飛來

野雀

野雀高風雙羽寒重雲吹盡過潼關行人指點
□天角一簇三峯是華山

樓上

轆轤鳴曉夢初醒樓上南山暗又明一片傷心
無處著渭川流過漢家城

楚雲曲

花梢溜雨濕春泥
花底縈愁兩燕低
小院玉簫檀柱冷
楚雲凝夢上安西

人心

杯酒干戈相死生
人心窄路馬蹄驚
太行若把填東海
展得中原萬里平

溪亭

溪亭春草綠
白鳥下初晴
柳鎖長堤暗
花搖深水明
悵悵隔簾影
嫋嫋聽簫聲
自酌壺中酒
無窮天地情

草亭

口戶連清泚草亭如小舟都來一壺酒消得百
年憂燕拂輕花過雲隨曲水流綠楊沉影處清
殺兩鷗浮

薄酒

薄酒歌明月清髯不解愁此心無險薄何處有
恩讎春水洄青澗桃花繞白鷗乾坤如小艇罷
釣足優游

青藜

青藜扶倦足芳草上坡陀雨過梨花盡鶯啼柳
樹多人心如海水世路有風波草莽非無酒傷

春可奈何

絕句

磯頭繫漁艇
林下訪樵牧
炯然一白鷗
獨有滿潭綠

獨酌玩溪水
溪水清且漪
山月忽飛來
皎然誰與期

酒醒悅山桂
流泉夜彈箏
獨上青峯去
中天見月明

坦坦黃金道
蛾眉七寶車
莫隨雙燕子
容易落人家

常仲微

藍田常冲

元亮南歸

人生百年期奈此日月駛同心隔山水悠悠兩
愁悴三年再相過涉彼萬餘里茅亭盍朋簪芝
蘭本同氣風雨夜不眠談經每心醉今晨又言
歸執手慘垂涕秦嶺雲翳空灞岸柳搖吹誰言
食蘗苦未試別離味願保千金軀無羞古人事
與元亮叔靜論學有感

秋水芙蓉玉一枝飄然不受俗塵縑植根共恨
池塘小政要汪汪萬頃陂

草木經霜厭苦辛繁華元不是天真殘枝敗葉
凋零盡才見從根一點春

聞蜂

案上菖蒲抽短葉窗前脩竹澹青霞怪底山蜂
喧永晝飛飛來採地膚花

寄叔靜

馬上清明南郭別山中長夏幾相思茅齋踈竹
生秋意可是良宵對榻時

元風雅卷之二十四

元風雅卷之二十五

晉寧張翥

春日懷柯博士

建章鶯囀曙光初，上直門開漏點疎。
花擁西清森仗衛，星臨東壁煥圖書。
漢庭長者多推轂，楚國騷人早卜居。
為問五雲仙閣吏，綵毫春詠近何如？

金陵武定橋晚眺

赤闌橋下暮潮空，遠火疎鐘杳靄中。
星月半天分落照，斷雲千里附歸風。
嚴城鼓角秋聲壯，故國山川王氣終。
莫訝時來一長望，越吟荊賦思

無窮

夜思

月落未落山四更雞啼欲啼霜滿城起看北斗
寒挂地俯聽長江流有聲今夕何夕耿無寐千
古萬古難為情欲持心事出門去哀歌坐待東
方明

九日行湖上

是節最關情隨山得散行西風片雨過落日半
湖明野菊黃堪把官醅綠可傾坐來無限思散
入遠鴻聲

寄韓伯清

霖雨俄如此能傷稼穡無積陰
霖日月愁色滿江湖老大心空壯
艱難道愈孤美人秋水外不寄錦
襜褕

暮矣

暮矣年光速淒其世慮多半生
縣罄室萬事闕壺歌禿木風難響
寒雲日易蹉向來出處意不決欲
如何

前苦雨

久旱半中原所向嗟赤土饑人各
流散孰救農

事苦真宰亦何心南國獨多雨願回龍公力鞭
此雷電怒掣雲過趙魏霈澤連宋魯黃埃復為
泥猶及望秋黍吾家遺骨肉汾上有場圃庶慰
萬里思殘生免豺虎

西城路

西城路多少人從此中去昨日紅顏美少年今
朝白骨委黃泉縱令藏金比山積鬼伯不受人
間錢少年何用誇豪富來看城西送人處

陳雲嶠

和王叅政崔徽寫真韻

芳時無語惜年華
綵筆何心賦落霞
鏡裏自憐人似玉
天涯不隔貌如花
雙瞳蘸綠橫秋水
高結堆春繡碧鴉
猶勝無金買延壽
黑山空使夢還家

京口送戴壽卿之金陵學錄兼寄劉雲松

壅城至冶城
山影碧陵增泮水
春纔動雪壇
價已增烏臺
爭薦鶚鵠海
看飛鵬
問訊雲松客
清

溪隱釣罾

焦山題塔

樹老雲間鳥宿洞深月落潮迴此時此興不淺
何日何年再來

思親都下與妾兒夜坐聞歸鴈作

天外東風吹塞沙忽聞歸鴈落梅花江城此夜
正春雨獨倚闌干心到家

與茅山李道士同宿石門

山空萬籟沉論語對青燈君本無心侶吾真有
髮僧

倪太字

毗陵倪瓚元鎮

春日雲林齋居

臨池春流駛掃地夕陰滿正襟味道言超遙坐
溪館嵐嶺當書榻煩襟一舒散靡靡松花黃逐
逐雲氣暖石梁青苔合於焉人跡斷故非與世
違冥棲遂忘返

聽袁子方彈琴

蕙帳凝夕清高堂流月明芳琴發綺席列坐散
煩纓廻翔別鶴意縹緲孤鸞鳴一寫冰霜操掩
抑寄餘情

送徐元度

荷鋤深林春雨餘
艤舟沙岸燕飛初
去尋天上仙人佩
肯顧山中隱者居
霜月四更提劍舞
田園二頃帶經鉏
蘭榮柳密南簷下
佇子雲間枉尺書

送朱善長

之子才華足起予
迥如明月麗清渠
方誇道韞哦春雪
已見梁鴻挽鹿車
榕葉擁厓山店遠
海濤喧枕夜城虛
明年好鼓澄江柂
歸奉江波尺鯉魚
善長子孫婿時與婦侍親入閩中

曾模遠

南豐曾元烈

崇安次舍弟君靜見寄韻

功名本是男兒事，牢落其如薄命何。
千里每懷吾弟遠，數年相別故人多。
悠悠世態風前葉，渺渺歸心海上波。
獨夜不成春草夢，倚闌無語看星河。

丁卯元旦次君靜韻

又賦清河入頌聲，吾儕端見泰階平。
風前畫角城池曉，雲裏珠旗觀闕晴。
一朶春陽回造化，萬方民物賴生成。
傳聞欲下雞竿詔，却愧輸忠答

聖情

挽張宗師

自是先

皇識異人蓬萊一見別稱臣
玉章進號頒龍寵金鼎朝元降鳳鈞
千歲豈無再換骨五朝終有道
道全身故宮深鎖煙霞跡芝草琅玕別有春

挽陳巡檢

一官無命亦堪悲迢遞閩南旅
櫬歸雲暗海門鵬已沒雨寒江路馬
空隨家童掩淚收殘橐慈母挑燈認故衣
百尺畫樓如舊日斷腸煙柳不

勝垂

次韻

豈是金臺無路通不隨桃李媚春容
三間破屋青山下數卷殘書白日中
柳市亂鶯喧露翠蒲塘幽鳥啄沙茸
蕭然巾屨無閑事獨立溪南看晚虹

次韻許錄事尋梅

訪梅幽勝地長憶在錢唐湖水孤
山側石橋官道傍雪晴鵝鵲集雲
暖蝶蜂忙一吊林和靖墳前草亦香

送王宗文之武寧學官

柳山三百里君去政芳年詩思春雲外書聲夜
雨前乾坤夫子鐸歲月廣文氈况復興科日乘
時各勉旃

次韻曾英山同拜先塋

拜掃先人墓傷心下馬陵霏霏三月雨寂寂九
京燈坂遠水平帖峯危石亂層蒼苔酬尊酒來
此記君曾

模遠以父蔭來監招武務曹數相過言詩
嘗錄其所作如此丙子中元日思勉齋書

元風雅卷之二十五

六
月
牙
二
一
三

丁

元風雅卷之二十六

陳節齋

送楊治中例免北歸

不及瓜時謝政還
離筵草草送歸鞍
將身許國心原壯
立事無功興易闌
萬疊雲山孤劍晚
一鞭風雪短亭寒
馬頭依舊長安道
未是人間行路難

落花寄石子章韻

蘭麝香消委廢宮
紛紛漠漠夕陽中
長門夢斷金閨月
南國歌殘玉樹風
流水池塘春色去
綠陰庭院綵雲空
西園半醉休回首
煙草萋萋雨

正紅

出招逮

西出山城入暮雲簿書才罷又風塵草迷石徑
蛩聲切雨過沙岡鹿跡新未息世機還舊隱剛
隨時事役閒身浮生休問誰辛苦看取邯鄲陌
上人

和林道中

沙蔥近水根猶活野韭經霜葉已乾煙雨漫漫
沙漠漠不知何處是長安

王景初

南湖道中

漠漠煙中小艇回
芙蓉花外有軒臺
平湖一目三千頃
高卧南風看雨來

其二

氣涵雲水草堂虛
莎末風來午夢餘
起逐隣翁上船去
藕花深處看叉魚

其三

三年夢不到江湖
慚愧煙波舊釣徒
今日扁舟復何日
卧聽風雨鬧黃蘆

窮途歌贈李漢

君不見人生堂堂七尺軀安能貧困守一隅青
雲黃鵠看一舉直須遠游浩蕩觀九區羲和有
車不我御坐使憔悴悲窮途窮途不須悲有酒
更須酌玉劍匣幽塵英雄半凋落蟲魚紙上癡
半生有眼何堪望臺閣休休休世間萬事俱悠
悠布衣未必輕王侯天門耿耿卧九虎被髮往
叫君何求

楊飛卿

楊雲鵬

送王魏二學士應聘

三十年來只用兵蒲輪才始聘賢英已將藥石
除危疾政要文章致太平
天子飛龍方啓運華陽歸馬豈無程會須先下
山東詔瘞老思觀德化成

送元遺山

三館才名天下聞亂來俗議謾紛紜兩朝文筆
誰爭長一代詩人獨數君南浦春深愁送別西
山晚翠約平分何時並坐龍潭上野水添杯看

白雲

至日

又見葭灰動一陽豈堪卧病客殊方老懷不似
少年好短景始從今日長黃犬既難遙附信元
龜何用苦支長恨無羽翼高飛去六六峯前望
故鄉

恨初年少在南梁兄弟歡遊久未忘春色共傾
花底酒雨聲常對竹邊床怒鯨一夕掀洪浪斷
隔何時續舊行辜負亂來同被約尺書不到十
年強

送張雄飛赴河陽令

祖帳行將出汝州先聲已過孟津頭鳴琴但要
追循吏束帶何妨見督郵二室風煙連赤縣三
城鼓角隔黃州遙知亂後農耕廢賣劍應須利
買牛

送張器玉歸閩中

十載流離避戰塵白頭憔悴始歸秦霜前渭水
有歸鴈亂後長安無故人不憚北却遷櫬遠莫
忘東魯寄書頻明年我亦崧南去擬買黃牛種
汝濱

送殷獻臣北上

毳錦模糊覆橐駝駸駸征騎渡沙陀寒衝絕漢
戎裝重夜繞中華漢夢多詩健每因橫槊賦曲
豪長愛擊壺歌勒功會待平吳策萬仞西山尚
可磨

送趙維道北上

干戈流落鬢毛焦千里窮途著弊貂老去少陵
悲橡食亂來王粲逐蓬飄朔庭雪漲龍沙冷南
斗塵昏象闕遙從此分携相見少旅魂飛斷不
勝招

秋晚登憲陵臺

落日荒陵百尺臺，登臨高興亦悠哉。
泰山雲氣千丈出，汶水霜晴一鴈來。
白髮還鄉唯有夢，青雲當路豈無媒。
布衣誰識新豐客，獨對秋風酒一杯。

真定龍興寺閣

插天飛構鬱嵯峨，欄角濤聲轉暮河。
孤鳥去邊滄渚闊，落霞明處碧山多。
傷時未遂陳三策，弔古猶堪賦九歌。
安得天丁挽天漢，倒傾京洛洗干戈。

登濮州北城

層城高絕一攀躋，歲杪臨風客思淒。
燒入馬陵秋草黑，鴈橫雷澤暮天低。
陳臺事往人何在，曹國川遙望欲迷。
牢落壯懷誰與語，踈林殘照亂鴉啼。

白樂天影堂

晚慕浮屠伴衲衣，至今高榜揭巖扉。
夢中身世元無有，壁上形容果是非。
但得蓬蒿猶可住，何須兜率是真歸。
渺茫兩地知何在，滿眼春波白鷺飛。

春日西城

山城二月媚晴暉
破暖輕風試袂衣
雨後杏花渾放盡
社前燕子尚來稀
孤懷不奈千愁積
往事真成一夢非
却羨西橋橋畔柳
年年翠色自依依

東原除夜

客舍無人靜掩扉
小窗燈火獨相依
一年殘臘今宵盡
千里故鄉何日歸
鬢髮半隨春雪白
交游渾似曉星稀
亂離不得中州信
腸斷雲間雁北飛

春日遊何氏園

旋引溪流環小苑出牆裊裊見長虹臨風遙聽
有人語隔水却疑無路通塵跡盡拋雙屨外春
光別貯一壺中當門羨殺南塘好擬買扁舟學
釣翁

送演上人歸方山寺

為愛嵐光畫裏秋西風歸夢日悠悠卧雲未了
三生債飛錫何煩萬里遊山削碧城圍寺合泉
鳴蒼佩入池流遙知一室安禪處更在諸峰最
上頭

送張漢臣歸保塞兼簡張萬戶

十年文筆遠從戎籍籍名香幕府中鞍馬不教
生髀肉檄書端可愈頭風地連三趙山河壯城
鎮三關鼓角雄若見投壺祭征虜為言白首坐
詩窮

送王希仲北歸

高歌苻策北山薇回首兵塵滿帝畿龍去鼎湖
中國換鶴歸華表昔人非後期何處傷心切遠
別從今見面稀莫道尺書千里隔年年沙塞鴈
南飛

鴈

遠客思鄉未得歸
征鴻又見度斜暉
黃蘆洲渚霜前至
紅葉關河畫裏飛
別後望君消息久
亂來哀我弟兄稀
凭高此日堪腸斷
那復江城搗暮衣

吳維申

廬陵吳嵩

車遙遙

車遙遙舟迢迢斷送行人幾暮潮車馳道路不停軌舟挾風波難住撓家中雖貧常在目每恨舟車苦相促但行一日兩日程生死與君非骨肉瞿唐水深蜀山高檣傾轅折不憚勞何當萬里隨君去得似篙師與車馭

古釵歎

何年美人寶釵失深井沉泥污玳瑁一朝拾得再揩磨三回五回看嘆息雙鸞匹鳳兩股勻終

然汚色難為新當時光瑩照頭上有似桃李搖
青春今人不識古儀狀寶釵雖好非時樣為君
插罷擁髻悲物無貴賤皆隨時

東園有桃李

東園有桃李倚日如娉婷春風一吹拂過眼成
青青青青不可恃行復秋已零誰能觀無始坐
此累有形俯仰百年內死生俱未停

西齋

西齋客已散今日我得閒細細花上雨蕭蕭雨
中山兩鳥從何來對立鳴關關微生共節序此

意相往還夜者曾劇飲東風吹醉顏忽見一花
落起坐為長嘆人生快心事故在偶然間

呈劉省菴

昔年漢宮舞玉佩懸明珠慘慘羣女中桃李搖
光睽一笑承主恩浩蕩春風初流光去人短零
落同榛蕪尚持婷婷姿顧影羞泥塗同時金屋
人半臂紅羅襦醉促琵琶弦歡酒歌帳廬翻憐
漢恩淺未盡平生娛空坐獨永夜回首雙淚俱
大節誠未脩不如長捐軀煙塵令人老末路多
踟躕

送舍弟歸鄉

風急晚花落雲長秋鴈回相看猶喪亂此去更
驚猜涕淚何時盡音書數日來窮途兄弟少懷
抱可勝哀

已別復攜手依依未忍行向來垂萬死能不惜
餘生鄉國多青草風煙動紫荊十年已多感回
首若為情

古意

美人插新花恨不逐時好花亦鮮自憐紅顏易
成老

宋子虛

吳門宋元

公莫舞

公莫舞公莫舞鴻門王氣歸真主何人睚眦赤
龍子手循玉玦目相語令公莫舞公楚舞劍光
射日白虹吐人發殺機天不與撞斗帳中唉亞
父霸業明朝棄如土

妾薄命

雲母屏琢春冰鮫女織綃蟬翼輕比妾妾薄命
比君君薄情紅綿拭鏡照膽明還疑妾貌非傾
城傾城從來有人妬况復君心不如故故人心

尚峯九疑新妾那能無故時補天天高填海海
深不食蓮葯不知妾心

烏夜啼

露華洗天天墮水燭光燒雲半空紫西施夜醉
芙蓉洲金絲玉簧咽清秋鞦鼓鞭月行春雷洞
房花夢酣不回宮中夜夜啼棲烏美人日日歌
吳歆吳王國破歌聲絕鬼火青熒生碧血千年
壞冢穴狐兔烏銜紙錢挂枯樹髑髏無語滿眼
淚曾見吳王歌舞時烏夜啼啼為誰身前懽喜
身後悲空留琴怨傳相思烏夜啼啼別離

樂府五首

自君之出矣妾自奉尊章知君不思妾亦當懷
故鄉自君之出矣

朝來暮還去寒潮不曾住江水亦有情佳期幾
番誤江上意

昨夜相逢處朦朧春夢中遼西書不到莫是戍
遼東長相思

征衣須早寄遙憶綦砧寒莫訝啼痕少相思淚
正乾寄衣曲

姑嫜有妾奉征戰郎盡行早取封侯去封侯妾

亦榮成婦言

華蓋峯道人

十步九巖壑結茆無四隣山中春雨過水上落花新采藥逢毛女焚香對羽人時携一瓢酒醉著去朝真

李翰林墓

一騎紫騎去空掩謝山瑩落月今誰弔長庚夜自明乾坤沉秀氣江水帶哀聲天上多官府文章不可輕

遊天姥山

□□不得路自將蘿薦捫相逢采藥叟□□
花村晴草鹿眠軟雨潭魚上渾無人動煙火應
取曉霞吞

銅陵五松山中

樵聲聞遠林流水隔雲深茆屋在何處桃花無
路尋身黃松上鼠頭白竹間禽應有仙家住避
秦來至今

寄王子長

薄宦仍休楚長間傍酒壚客愁三月盡春夢五
更初吟卷看花掩行床並竹鋪江湖有佳句知

我每相於

金陵送倪水西之江陵

楚江江上暮雲東，萬里春波去意濃。
桃葉歌殘秣陵酒，梨花夢斷景陽鐘。
沅湘水落瓊瑤合，巴蜀山來錦繡重。
回鴈峯前見歸鴈，相思何處更相逢。

詠石得天字

肢脉崑崙折，胚渾混沌先。
靈分元島峙，秀聚景雲鮮。
覆壓風雷窟，枝撐宇宙穿。
峻嶒欹篠霧，棘聳蘿煙業。
棲危壁磷磷，過瘦涓兩攻繩。

斷浪擊彈窩圓筆架珊瑚豎屏帷礪礪偏骨□
獰鬼聳脊凸老蛟跼劍卓空蒼色矛森紫翠顛
醜宜鐫鳥篆剛可利龍泉怪漬潮痕濕頑和地
軸連簣簣稍映帶薜荔葉縈纏磊砢蛇身縮崩
峰鳳勢翩蘇侵題字處藤絡倚筇邊碎礪鋪文
貝尖峰斫黛蓮竇深膏雨滴甃潤土花沿儼若
嵯冠者昂如峻士焉磴危欺木屐礪滑怯苔□
移恐嵐光動捫嗔野蔓牽衝湍聲類磬激瀑韻
成弦硬性辭斤鑿嵌形久畫傳鼓歌傷莫續□
句歎難聯礪礪誠由著磨礪學乃遷蓄奇希抱

璞煉餌詫飛仙寸勢垂千仞
嵬胎結幾年巖輝知產玉
峽東見奔川織女支機穩
山人作枕便隕星沉戰域
鼓火出漁船異或稱羊化
疑應訝虎眠龜埋遺碣下
麟仆古塋前屹立中流壯
平施大楚堅懷沙嗟放逐
凝魄惜嬋娟德必穹碑紀
詞當巨硯研險思經灑
瀕功擬勒燕然嵩歸諸掌
蓬瀛寄一拳不須填碧海
直欲補青天

郭以道

真定郭君彥

海東青

海東俊禽異鵬鷖金睛玉爪非凡材八月風高
度瀚海劍翮怒斫雲陣開虞人設網心獨苦獲
之不敢觸毛羽為言此禽獻

天子年年進入明光裏驛使長懷萬里憂傷口
還同殺人罪君不見唐太宗魏公入奏久未去
不知鐵鷄死懷中小臣但願

聖皇脩德放此鳥自有鳳凰銜瑞圖飛下五雲
表

入京二首

虎踞龍盤十二門，王侯第宅若雲屯。
百蠻入貢天威遠，四海朝元國勢尊。
曉日旌旗明禁路，春風簫鼓沸名園。
唐堯虞舜今皇是，未必江潭老屈原。

其二

鳳凰城闕壓金湯，龍虎旌旗護未央。
萬國衣冠朝玉座，百蠻歌舞進瑤觴。
花迎宮扇紅雲曉，日照天袍翠霧光。
江海小臣無以報，空將詩句美成康。

王靜得

長沙王夢應

晚望

望盡西南一隙明
荒荒野色弄微醺
青煙白骨行人老
苦竹黃蘆細路分
寒鴈不來秋似水
故園何處草如雲
高懷久為凭闌盡
更遣西風化白紛

和清明上冢韻

酒壺花擔發雙明
陌上携扶笑語聲
桑葉影稠春欲暗
棟花寒退雨初晴
宮官記夢曾傳燭
客無詩定罰觥
老影年年霜露感
牛羊躑躅亂

孤塋

東歸

一揖仍為別他鄉復避兵客隨風雨老春著鼓
輦輕宇宙關何事艱危得此生門前一溪水幾
日到江城

甲申元日

上日仍漂寄尊前客又非鄉心眠聽雨病骨晚
添衣街鼓春將動簾燈寒未歸梅花經一雪幾
片不曾飛

元風雅卷之二十六

元風雅卷之二十七

番易吳全節

送虞伯生使蜀

送別應思舊所經秦川花柳短長亭三峯高拊
仙人掌萬里先占使者星錦水東流江月白潼
關西去蜀山青當年不盡登臨意待汝重鐙劍
閣銘

朝罷寄山中諸友

五年四覩

六龍飛又領羣仙覲

紫微金闕雲煙浮黼宸

玉階日月麗旌旗庭臣奉

璽勤三讓

國母臨朝重萬機
桃熟山中知幾度
月明長憶釣魚磯

題饒氏雨樓

夜夢蒼虬遶屋梁
曉看飛雨灑浪浪
涵琴調清風遠涼
入書聲白晝長
翠壁凝雲流石乳
綠疇翻浪沃金穰
何時剪燭西窗下
却聽簷花共醉鄉

黃松瀑

黃石翁可玉

望雲

日出五丈高白雲浩如海城郭在雲中山人在
雲外望雲雲氣深入雲雲氣淺亦欲入深雲不
知雲近遠

午日

世故一炊黍吾生百煉銅客情傷髮白醒眼對
榴紅遠岫冥冥雨疎衣細細風欲論千古恨不
見楚南公

寒食客中

明朝便典黑貂裘寒食寧無數日畱煙斷舊嘗
悲介子火衰今不祀商邱百年盡付風吹柳一
雨還隨山入樓安有五侯鯖到我自脩茶事試
香篝

其二

慘淡微茫斷客魂最難忘處最難言南陵不可
避風雨麥飯何如託子孫往事滄江惟白鳥誰
家鐵撥送清尊欲尋隱者相傾倒煙柳深深不
見門

李坦之

李道坦

高將軍白鷄子歌

淮西猛士高將軍新獲驍禽被涼素調之弗顧
情未狎跨馬臂出東城去征鴻作字雲邊斜聳
身直上誰能遮天寒日暮望不見北風萬里吹
瑤花雲飛忽斷鴻飛却短草長煙際沙漠但餘
孤色搖清秋未許纖毫生碧落歸來珍衛不鮮
韝親手餒肉供饑喉英雄遇合固有分可惜驚
塵俱白頭

吊古行

蒼梧之南湘水頭
煙波逐客增離憂
重瞳孤墳
閱白日雙娥貞
佩搖清秋江空夜
聞鬼對泣泣
罷仍為鼓瑤瑟
瑟聲漸杳江聲長
丹楓墮影天
霜白臨江被髮
招帝魄拔劍欲
斷東流奔東流
無窮帝不返
烏乎薄俗無由淳

杜鵑行

吾聞昔有蜀天子
化作冤禽名杜宇
一身流落
懷故鄉萬里逢人
訴離苦西來縱呼
巫峽間楚
臺花落青春閒
臺中魂夢久寂寞
行雲日暮愁
空山明朝復向
瀟湘發北叫蒼梧
江竹裂竹間

之淚花上血怨入東風俱不滅天涯無窮朝暮
啼王孫草綠不思歸哀哉王孫終不歸江南江
北楊花飛

春日行

東風滿樹吹流鶯曉窗隔霧花冥冥美人窗間
動曉思鶯聲枕上提春心塵中日出花滿城城
南春深楊柳青王孫不歸消息斷深閨無人春
草生草生猶有時王孫何日歸斜陽照流水萬
里長相思東園三月花爛開西隣胡蝶雙飛來
明朝蝶去春無主閉門花落愁如雨

紉扇行

誰家玉貌蒙清霏。手揮紈扇臨東池。瀟湘搖波
月弄影。隔波疑見湘之妃。淚痕竹上猶未減。一
尺冰紈萬愁結。風吹翠袖卷寒煙。汗入紅肌凝
素雪。深閨無人涼氣早。輕薄恩情易衰老。昔隨
胡蝶上春花。今逐流螢向秋草。不見班姬染翰
時。空遺漢宮題扇詩。千年怨墨已流落。一天霜
露沾人衣。

張伯雨

句曲張天雨

題范監雲林清遠

華陽范監居幽眇不到元窗未易逢山氣半為
湖外雨松聲遙答嶺頭鐘常聞神女騎龍過亦
有仙人跨鶴從安用乘流三萬里小天元在積
金峰

雨懷郭子昭御史

洞戶霾雲晝不開大茅南面水縈迴深山此日
蛟龍喜舊雨故人驄馬來礪道浮槎高寄樹石
幢陰篆濕生苔銷愁底用金陵酒賸引窪尊枕

瀑雷

題范德機東坊藁

一編上有東坊字，慚愧詩中見大巫。
直想瘦生如飯顆，竟從癢處得麻姑。
咸池水淺孤黃鶴，空谷天寒照白駒。
擬共風流接杯酒，只愁塵土沒雙鳬。

寄倪元鎮

雨水初寒雪復作，春風相欺何太顛。
誰依井竈皆獸迹，獨擁書冊猶鳶肩。
枸杞埋根乍難斲，柳桃放花殊可憐。
賀監宅前舊遊處，快放柳條維

酒船

次韻元鎮

衣桁常容蛛網懸石床渾讓女蘿牽道術何煩
孔郎祀屋廬政用却超錢泉崩澗底歸樵路雨
壓厨頭蒸木煙誰見西林折書夜一枝風竹鷄
鳩眠

懷茅山

我有草堂南洞門常時行坐虎同羣丹光出林
掩明月玉氣上天為白雲遙憶田泉洗蒼木更
思陶澗采香芹歸來閉戶償高卧莫遣人書白

練裙

フ
ル
オ
ニ
コ

フ

薛元卿

上清薛元

萬歲山

萬歲仙山聳碧空
廣寒春殿最當中
橋連綺石通三島
路遠銀河接兩宮
柳拂甘泉巢翡翠
花凝太液下冥鴻
年年此地經遊輦
自是承平樂未終

送文郎中使交趾

天子龍飛統萬邦
玉符封檢下殊方
遠人盡是雕題獠
奉使唯應粉署郎
翡翠飛時銅柱濕
鸛鵲啼處石門荒
炎風苦雨煩珍重
萋萋葉檳榔取

次嘗

送陳都事使雲南兼寄李仲淵

送君銓選使滇池
部落諸賢想自題
明日先經夔子北
長風却度夜郎西
山橫塞雨驛驢滑
花發蠻雲杜宇啼
為問霜臺李廉訪
白頭官滿尚羈棲

送真一

西山紫翠鬱芙蓉
師住逍遙第一峰
滕閣雨收瞻駐鶴
楚江沙長羨降龍
有時帶月鉏靈藥
無事焚香對古松
謾憶京華舊遊處
蓬萊坊畔五

雲東

卷之三

元辰新二二

何潛齋

嚴陵何夢桂

乙卯春過西湖

白髮星星紗帽烏怕隨年少過西湖清明上冢
行人在寒食開門宮使無半世行藏隨杖履百
年悲樂寄尊壺歸來第五橋邊路半樹斜陽噪
畢逋

上畱忠齋

昆明灰出化塵縑夢遶邯鄲黍一炊鍾子未將
南操變庾公空抱北朝悲歸來眼底湖山在去
後心期浙水知白首門生憐未死青衫畱得裏

遺屍

上張按察

玉節星軺浙水邊
好將疾苦問愚黔
十羊九牧鞭俱弊
一鼠羣鴉肉未厭
地處覆盆遮日月
天教持斧拯閭閻
吳山不逐行人老
畱取聲名衆具瞻

見梅懷方山房

玉堂佳人中瓊英
月下乍見心眼明
香心野雪壓不死
幽韻天風吹更清
玉龍聲高夜漏下
綠衣舞短天雞鳴
歲寒相見苦易別
安得白頭□

弟兄

讀書有感

短髮凌霜強自搔可能書劍更徒勞春秋已降
功名薄秦漢而來智術高天外寸心孤鴈影人
間萬事九牛毛却憐刺股徒辛苦狐貉何曾恥
緼袍

晚雨

已當天色暮況復雨霏微落葉元無定因風更
自飛壯心歌客枕寒事到征衣明日臨晴霽黃
花看晚暉

寄田按察

尊酒長亭憶別離
參差吹斷竟誰悲
我懷知己慙酸茂
公喜逢人說項斯
一塢煙霞雙鬢老
數間茅屋二天私
錢塘日暮長江潤
薄擷芳馨寄所思

贈楊古淡

南山有岑樓
岑樓高落星
娟娟樓上女
悠悠撫朱繩
當年猗蘭操
翻作長短吟
世無千古人
但遺千古心
心長韻逾遠
䟽越難可尋
曲盡無人聽
月落霜滿城

劉會孟

廬陵劉辰翁

送李鶴田入浙赴趙春谷招

天下南北車書通行人點點過汴宮空餘艮岳
一拳土黯淡如雪吹不融平乘樓上王夷甫一
望中原淚如雨西風羽扇不障塵更自蓮子移
根去政事堂中三相公徃徃退食為夔龍少年
慟哭不見用一語不合面發紅八年流落無死
所合眼當朝遽如許忠魂不到海門潮別殿芙
蓉廢為圃茫茫古路日平西不信金銅不淚垂
浮沉親故懶復問白髮唯有春風知李侯髀肉

堪流涕同谷哀吟越州弟買絲刺繡刺未成公
子翩翩鴈書至飄然起望白雲間裘雪銀山度
赤山年餘七十會幾見我且欲徃窮當還平生
高李經行處寂寞斷橋飄亂絮不知到日似枯
魚淚入黃河別紡鱖當時殿閣密雲屯曾和薰
弦接羽翰至今猶畱花石否杜鵑再賦長恨端
蘇州正念東隣女傷心又遇楊開府語言憔悴
敢分明買酒行澆茂陵土

文姬歸漢圖

鵲巢覆絕孔文舉錦衾裹葬楊德祖銅雀春風

歌舞長獨微悽然故人女故人有女勝無兒滿
眼興亡身屬誰琴燒笛折簫灰冷閭巷草深歸
忍饑美人用事單于國細馬駝金為余北曾從
過鴈偕書看又向枯魚寄聲得胡笳日聽心自
哀天遣前朝漢使來穹廬抱子送于野欲去欲
住真難哉大兒牽衣小兒乳割乳分攜淚如雨
放馬兒啼漸不聞腸斷一如初遇攜畫圖巧畫
欲無聲不盡賢王子母情踟躕拳跼各有態未
必日暮分馳能天長地久何終極事已不堪回
首覓草無南北是青青雲有朝昏長暮暮琵琶

恨絕妬難消海上。甄兒夢豈遙入見玉關天似錦歸從金馬曉當朝容儀憔悴恩無骨記問荒唐存又沒衛郎去我墓何斯魏史親人禮難越當時一女贖元身亂代流離更可聞天南地北有歸路四海九州無故人

和答李德臣

忍寒一百五開落何怱怱華堂託孤根棄我荆棘中味言隨時變茗薄酪自濃映蝶金縷衣更為悅己容雖無蛾眉妬懷抱常忡忡

蘇北溪

福安蘇壽元仁仲

水退

轉眼江流已昨非，便隨鷗鷺省漁磯。
飛花無復浪千頃，倒影依然山四圍。
不向靜中觀物理，更於何處覓天機。
興來倚杖斜陽外，弄徧潺湲未肯歸。

和雷壑先生韻

青紫過如拾芥輕，今吾非辱故非榮。
海波忽與桑田改，書眼空如秋月明。
只可一邱容鶴隱，何須萬里較鵬程。
到頭更要深山住，不作終南捷

徑名

贈風鑒

空有奇胸貯石渠功名不許老頭顱憑君細閱
寒窗下還有它年房杜無

先生九歲能屬文十三通春秋大義
月旦評嶄然諸老上其師以詩勗之
曰伯鸞蘇氏子年少勤經史下筆如
有神氣槩邁前古切勿恃其長囊麝
自然香如有周公美使驕不足揚伯
鸞先生小字也弱冠遊大學貌小不

揚皆藐之已而連魁三館文名大振
乃更畏服丙子後隱于建陽之唐石
當時太學生至京師者皆授羣博士
或勉使出不聽以春秋四書講授學
者曰吾之得於聖賢者不敢私也日
飲醇酒以此自終先生有春秋經世
及春秋大旨凡數十萬言 贊曰

孔孟性命 春秋名分 壁水英聲
珪璋令問 天命既革 遯世無悶
頑民不遷 義士豈溷 文謝諸公

以死而彰 嗟若先生 俾也可忘
後至元二年秋七月丙午門人蔣
易書于思勉齋

元風雅卷之二十七

元風雅卷之二十八

南城校文聯句

翰林直學士馬祖常左司都事宋本太常博士謝端丙寅大都鄉試貢院作

天街麗奎文王都會髦弁奉璋來嵒嵒馬佩玉

坐宴宴揖庭鴈驚立千祿虎豹變宋解衣三褫

帶束卷一如練謝蜂房磬折入宋鈴索宮懸奠

瀋墨翻元江馬炬蠟燒赤電謝冥思嗒移精宋

幽探寂凝眄刻楮非三年馬穿楊奠一箭微吟

忽首肯謝急寫掇意見字誤率一注宋藁屬各

後先廟器陳古制馬舶香然甲煎潘陸燕靜分
宋枚馬遲速見駝疥落銑毛宋牛搜起回旋趨
蹌進程書馬絨封遞騰繕號分梵夾字謝畫裂
蒼史篆校讀乃上副宋考第或當薦揀金書披
沙馬角麟宵設饌額感咨碌碌謝眼鬼矜涎涎
去取決一日宋利鈍盡三戰仙籍銀榜懸馬牙
門鵠袍袵數盈幅共穀謝餘棄縑過傳得雋九
族賀宋敗績十朋唁工歌勞府主馬几授集曹
掾淳母太官具謝孺肩庖丁剗瓶壘雜酒潼宋
供張爛彩茜羣譚劇賓興衆樂釀飲餞里姬嗔

兒癡馬室婦詈夫懦憶昨被請初宋自報官居
賤鳴騶紛辟易謝曲巷隘回遄飛蓋及泮水宋
重鑰限別院邏卒游鐸振馬周垣圍棘洊攝事
四列署謝防嫌兩隔面御史官方峻宋主司目
敢眩持衡亦榮名馬束濕奈罔冒浹旬雖獨苦
謝得士期衆羨博士曲臺秀翰林金閨彥叙賦
極羅縷脩詞妙貫穿而我典簿領偶爾共筆硯
補綴褐倒繡瑣碎襪折線細書刻他山竒跡壯
赤縣宋

送李彥方閩憲副使

謝敬德

使君昔我豸冠日正色危言動明主臺除近日
多畱中今日東門送君去平生不到黃河壩褰
帷萬里閩關路畫鷁輕搖楊柳風繡衣肯衰舊
薇露

同送彥方

張質夫

鳳閣憂勤甚烏臺委寄專閩中分憲府冀北出
名賢阿父曾揮簡先生早著鞭耆書貧亦富守
道正無偏霽月光風地嚴霜烈日天格言懸雪
壁律句染冰箋詣實求原本揚名積歲年玉堂
誇五鳳壁水美三鱣出按乘驄貴歸休閉戶堅

心為儀禮印筆是藝文掾采事周天下成書達
日邊 聖心加眷顧除目忽喧傳及此青春壯
優於白日仙浮家蘭棹快飛騎繡衣鮮風負澄
清志宜司造化權三山天不遠八郡海相連吏
輩多漁取民生或磬懸饑疲荒畝遺逸老林
泉赤子兵猶伏青衿教未宣皆思新雨露稍改
舊山川攬轡今能爾彈冠我漫然通家元在楚
同巷久居燕訪問車頻下商評席屢前無歡干
薦剡有分理殘編困學誰青盼離愁又白顛私
情非屑屑公事亦拳拳行即碑銘具終當檄召

旋雪餘梅耐好水暖柳爭妍屈指人才少回頭
景物遷悠悠前後事畧畧短長篇

題天冠山

元復初

仙翁昔住天冠山夜呵鬼神衛爐丹丹成飛去
杳不還藥池丹井猶山間翩翩學子鳴佩環華
棖巨麗青雲端思元尋躅果安訪鶴歸月落前
溪灣

送朱真一

張夢臣

鶴馭翩翩渺莫攀浩然清興滿西山摩挲鐵柱
觀浮世整頓丹函說大還石壁風清瑤草秀洞

門春盡玉笙寒扁舟儻遂遊仙約握手巖扉一
解顏

送元復初

安南國王陳益稷

江流脉脉草離離黃鶴磯頭酒一危報國寸心
憐我老論文半面識君遲正當重鼎調梅日又
是長亭折柳時滿載詩書歸路穩鳳城依約更
相期

急去草

宗道傳

急去草草無情若比世俗真小人君不見江南
二月初插秧秧未出水草已長當時種苗不種

草不知此草來何方四月五月間草青稻已黃
若更不去草草長稻死何以充饑腸又不見長
安甲第連青雲此時寸草無由生一朝主人失
勢草得意侵上階綠窺簷楹若更不去草便為
狐兔營所以周任蘊崇意去惡欲務善者信急
去草草無情若比世俗真小人

感興

于介翁

羣棲平沙鴈有警奴輒鳴鳴多謂奴妄哀嗷墮
弓矰矰中林鹿以媒誘其羣相呼入罔罟鹿
死媒獨生骨肉不相信效忠況他人輕言託心

腹賣友終不仁君子能審交四海皆弟兄

止法

劉起潛

喬木長千年終不到霄漢怒濤漲千尺終亦有
畔岸儻非分限本截然波吞天地枝插天位極
三公殊未愜粟積千倉猶道乏黃金滿匱尚求
多華屋連雲常苦狹人心無足時天道有止法

述志

杜若川

寧枉百里步曲木不可息寧忍三日饑邪蒿不
可食雖云食息頃便分淑與慝志士當莫年聞
道轉歷歷要使此一身如琢復如滌整冠與納

履微嫌貴疏別未若瓜李地絕不見吾跡

書警

前人

食李勿嫌苦食梅勿嫌酸不為身所累且從心
所安吾分固云薄吾志亦非單靜看如山禍差
之一念間所得甚渺渺所求亦慳慳百年修不
足一朝容易殘雖處四壁立享如萬鍾安靜坐
明月窟濯足清風灘

木綿歌

練梅谷

吳姬織綾雙鳳花越女製綺五色霞煙熏麝染
脂粉氣落落不到山人家蜀江撞老鵠銜子種

我南國飽春雨淺金花小
亞黃葵濃綠苞肥壓
青李吐成秋繭不用綵
迴看春箔真徒勞烏鏐
筇滑脫絨核竹弓弦緊
翻雲濤接掌玉箸光奪
雪紡絡新絲細如髮津
津貧女得野蠶軋軋寒
梭緯霜月布成奴視白
氍毹價重傳取青銅錢
不須坐我爐火 upper 便欲挾纊春風前衣無美惡
煖則一木綿裘敵天孫
織飲散金山弄玉簫風
流未遜揚州客

采茶歌

卓元墅

山之顛水之涯產靈草年年采摘當春早製成

崔舌龍鳳團題封進入幽燕道黃旗閃閃方物
來薦新趣上天顏開海濱亦有問世才弓旌
不來無與媒長年抱道棲蒿萊撚髭吟盡江邊
梅嗟哉人與草木異安得知賢若知味

莫相疑

歐陽南陽

莫相疑古有幽并之壯士步出燕之南門易水
之涘易水東流晝夜聲未必秦人便濟兵君獨
何為兮詹詹迫人天如穹廬兮代雲無色關山
渺茫兮風吹沙礫送客相看淚沾軼今持一匕
首入不測之關中僕少遲留待客同同客未至

事當爾今子疑之行決矣聲曰高漸離宋如意
丈夫不許人則已許君節俠為君死擊筇高歌
髮上指酒酣日落客登車終不回頭顧燕市咸
陽宮殿曉花紅秦王聞客喜息息設九賓兮備
禮見燕使兮上宮舞陽同勇不同氣持圖可笑
僵秦陞當年約契竟何如生刼始知成誤計遶
殿柱擿匕首事不成祖龍走空餘壯氣不消沒
化作白虹秋貫日

天狗歌

張可久

將軍躍馬來南荒腰間古劍白練光
鷺鷥塗香

魑魅泣寒芒
熠熠勾陳蒼
龍髻高釘珠
堂月玉華曾
拂樓蘭雪為
君盡斫奸臣
頭天狗三更
下
舐血

胡氏殺虎歌

徐威卿

濱州淳海縣
兵籍有劉平
其妻曰胡氏
艱險常同經
起赴零陽戍
仍輦兩兒行
莫宿沙河岸
忽聞嘯風聲
一虎蹲其間
視平若孩嬰
吞臂曳之去
胡氏躍且驚
走逐十餘步
掣足與虎爭
呼兒取刀屠虎
肝腸傾虎斃
平脫口扶歸
李陽城一支
骨已碎三日
目乃瞑夫歿
入黃泉婦哭
入青

冥風雲變黯淡禽鳥為悲鳴帥府取臯比列狀
達省庭省庭壯其義復戶仍免征旌表見國政
激勸通人情大哉夫婦恩直與生死并死同葬
虎腹生同食虎羹誰謂荆釵輩乃有如此英班
班古列女好事多丹青宜將殺虎傳題徧家家
屏

題淳化閣帖後

傅景文

君不見秦王一旅定兩京武功文德致太平晚
年却愛蘭亭字收拾繭紙歸昭陵前朝淳化號
極治典章文物煥日星遺書購求到筆帖祕府

畫靜聞登登銅駝翁仲兩荆棘況此爛石何足
憑當時已愧千載後影外之影聊相仍即今見
此遂希世古意雖遠猶典刑文章於道固小伎
而況字畫紀姓名癡兒傳觀競彷彿至有嘔血
求其精殘編斷簡無足論此事自關時廢興願
君持此待善價他年不厭家雞腥

題石經

龔子敬

洛溢河清世之季鉤黨諸賢死無避橋門冠帶
此何時詔為羣經正文字議郎郎將工隸書觀
者紛紜門外車似憂方策重煨燼且可鐫摸辨

魯魚南臺四部存幾磧誰見世間完六籍漢儒
□□掇拾力到今不是糊塗客

明皇合樂圖

杜仲高

天風吹來羽衣曲曲譜君王新意續後宮粉黛
雲飛揚梨園四部羅仙娼虬髯天子坐胡床飛
燕斂衽隨君王鼓瑟彈箏間吹簧琵琶意慘塵
沙黃龍吟雜品單于調象版促鼓撾漁陽三郎
回笑視玉環只有天上無人間弄臣番綽敢稱
贊請祝君王萬歲歡堪笑虞庭大岑寂只有一
夔能拊石

讀文山詩

林德陽

黑風夜撼天，拄折萬里飛塵九漠。竭誰欲扶之，
兩腕絕英淚。浪浪滿襟血，龍庭戈鋌耀如雪。孤
臣生死早已決，綱常萬古懸日月。百年身世輕
一髮，苦寒尚握蘇武節。垂盡猶有杲卿舌，膝不
可下頭可截。白日不照吾忠切，哀鴻上訴天欲
裂。一編千載虹光發，書生倚劍歌激烈。萬壑松
聲助幽咽，世間淚灑兒女別。大丈夫心一寸鐵

太極梅梢

熊勿軒

弄條倚南枝，剝落見根柢。形容若外槁，精腴實

中美偃蹇勢難屈清風塵不滓自憐方寸微未
發正如此

小春梅蕊

四野積陰洹九地微陽升特立表節操孤芳見
精神矯矯山林姿盎盎天地心自此一充拓萬
宇同吾春

天馬圖歌

戴祖禹

月支天馬難再得誰向君家貌真跡駿尾皎潔
骨肉勻駮駢駢驅敢同色當時超逸真絕倫皎
如玉龍下天門朝馳駿坂飛匹練暮浴深淵浮

素雲四蹄飽踏咸陽月滿身猶帶燕山雪只愁
元霧閔神姿未許清塵汙汗血飄然却立精神
聚想見落筆驚風雨他年開匣君勿驚照室神
光夜飛去

懷牧心

風流年少今安在江頭駐馬空相待暮鴉千點
落西陵歸帆一片生東海去年別爾鴈南征今
年迎爾春水生我心思爾如春水回波相續無
窮已君如鴻鴈早驚霜方逐長風度千里歸來
滿地生芳草相期走馬西門道大堤日出佳氣

濃飛絮遊絲滿晴昊如澠之酒傾玉壺下馬共
飲休躊躇文章似爾絕代無不須更草封禪書
但願長醉黃公壚

贈友

鄧牧心

我在越君在吳攜書邀我遊西湖我還吳君適
越遙隔三江共明月明月可望佳人參差與君
攜手西湖上相思空誦停雲詩知君去埽嚴陵
墓祇把清尊酌黃土浮雲茫茫江水深感慨空
勞弔今古孤山山下見陳實連騎東來踏春色
湖邊千樹花正繁莫待春風吹雪積有酒如澠

有肉如陵鼓趙瑟彈秦箏與君沉醉不用醒人
生行樂爾何必千秋萬歲名

元風雅卷之二十八

元風雅卷之二十九

登武昌南樓

梁貢文

樓前秋水健帆開
樓外秋風舞袖迴
萬里梯航來鳥道
四時風雨護龍堆
江山如此不一醉
歲月幾何能再來
欲問老髯求鐵笛
夜深吹上紫荆臺

登岳陽樓

段惟德

羣江西來與天平
天壤巨浸開洞庭
雄吞三湘隘士澤
中蟠萬古君山青
我行持節按廣海
驛騎暫駐巴陵城
巴陵城樓冠天下
風軒月戶雲

霧屏平生夢想今始到危闌乍倚心魂驚初疑
太極渾未判日月往復凌空明又疑此世墮物
外弱水萬里環蓬瀛湖山得意有如此況乃佳
客聯簪纓金杯浮動玉色酒滿抱清思春雲生
龍魚掀舞怒濤起眼花落日搖青冥軒皇廣樂
渺遺響芳洲寶瑟愁湘靈丹邱謫仙竟何許幾
欲八表追遐征孤心未了忠孝願敢念綠髮潛
凋零聖神一視無遠邇恩風化雨浹四溟尋常
嘯聚犬豕爾瘴煙一洗霜天清歸鞭咫尺覲慈
母細語八千山水程孰能閉置若新婦正要磊

落肝膽橫飲酣拂袖下樓去忽聽過鴈雲邊聲

屯田作

劉衡

為吏勿稱能為政勿稱奇能吏尚苛刻奇政少
恩慈十年從薄宦此理漸次知吾敬民何慢吾
信民何欺一有所未至庶事情而墮風俗久澆
漓尤當教誨之懲一以戒百底用勞鞭笞大官
勸農至軒蓋如雲馳條畫動十數應報無停期
養民如養樹郭駝誠良規安知一牛死全家老
稚饑見之不敢語回首長嗟洛陽城下下考甘
責吾何辭尚愧志未勇歸來誰汝疵

有感寄崔左丞

胡梅耕

楚人不愛玉玉人不愛足此足寧可別此玉不可辱

齊王不好瑟瑟人不好竽吾竽既不能吾瑟聊自娛

寓言

宋之才

獸有善觸邪草有能指佞獸草非有心不移本天性臣而加是冠俾爾效端鯁如何不稱服觸指反忠正吾欲取二物秦植列臺省一令邪佞徒從此亟深屏

風雨晦冥夜雞鳴有常聲霜雪枯萬榦松栢不改青內守初已定外變終難更若人束勢利浮沉無定情俯仰效桔槔低昂甚權衡反出木鳥下徒為萬物靈

過洞庭

歐陽元功

白沙隱隱見金鼇殿閣憑虛結構牢天水渾融浮太極神人幽顯隔秋毫龍堂深閟靈棲冷象緯低垂客枕高欲作廟中迎送曲杜紅蘅碧盡離騷

送黃脩永之武夷

易景升

武夷山中隱君子聲名海內共流傳承

詔頻煩虛束帛著書辛苦作千年春風盡入淮南
座夜月空懷剡曲船政憶鄉間仍送客海榴
花外雨如煙

過餘杭故內廢址

謝羽皋

複道垂楊草欲交武林無樹著凌霄野猿引子
移來住覆盡花間翡翠巢

隔江風雨動諸陵無主園池草自春聞說就中
誰最泣女冠猶有舊宮人

永泰何人為守閤落花臺殿黯銷魂朝元閣下

歸來燕不見前頭鸚鵡言

紫寒樓閣宴流霞今日淒涼佛子家寒照下山
花霧散萬年枝上挂袈裟

望思臺

陳尚德

幾多愛子出蕭關骨葬胡沙未得還
好把望思臺上淚隨風北去灑陰山

小演雅十首

反哺烏曰慈食母梟名惡如烏莫如梟人心當
自覺

馬舞晚祿山猴朝識朱溫人豈不若獸變故輒

負恩

鯤鵬奮雲霄尺鷃棲野草物各適其天夫豈論
大小

蜂房開戶蛄蟻穴有官守究竟物皆然夢幻君
知否

小哉蠻觸爭鄙甚蛙黷怒達人能大觀本以和
平故

瑞世鳳鳴陽司晨雞鳴丑呶呶取人憎亂蟬合
械口

蠶繭每利人蛛網偏害物利害復不同其間僅

絲忽

猿定不窺窗牛馴常露地伏虎與降龍此理元無二

解牛中肯綮相馬外驪黃從知得三昧意到形自忘

蟻封罅隙地蛙升咫尺天那能致廣大此道誰為傳

題姚樵雲主簿卷

尹仲明

已歌混雲門章甫變鷄羽大雅無知音滅沒何足數而我不量已冥搜徒自苦風月入吾手草

木亦掀舞終然墮習氣末見脫塵腐先生不羈
人雲間弄樵斧運思琢山骨下筆疾風雨解后
所好同訪我青楓塢始疑种明逸乃見武功簿
論心若平生忘形孰賓主桃李俱塵埃青松日
高古示我摩尼珠紅光照窗戶至寶不可玩雋
永宜細咀傑出固橫放頓挫更媚嫵尚當論千
載豈與噲等伍若以法眼觀蓋嗣涪翁祖且截
葛藤禪一笑喫茶去

己丑客洪

宋季任

衮衮魚龍國茫茫去住身波濤江有恠風雨莽

無人落葉終為土殘花不藉春
浩歌成俯仰殊愧偶耕民

春遊

草色江城綠四圍客中天氣近
單衣蛛絲似怕春深去網住
桃花不許飛

送李彥方

韓伯高

奎璧文星八九重遙瞻使節向
閩中分襟客路柳初綠
艤棹春江花正紅
部檄百城沾化雨
海天千里肅清風
懷賢戀德情無限
夢逐旌麾過甬東

同送彥方

陳衆仲

海濱赤子窮無告

帝遣儒臣著繡衣天祿閣中書灝灝越王山下
馬駢駢魚風滿卷榕陰合燕雨吹簾荔子肥一
道澄清俄頃事使星還向紫垣飛

贈陳新甫

東華塵土滿貂裘芍藥闌邊繫綵舟二十四橋
春似海令人腸斷憶揚州

重贈

天下英賢皆願仕山中隱者盡登朝淮南春草

無端綠公子歸來不可招

御溝

宋顯夫

泱泱穿雲出澗初千回百折到

皇居行人不敢來飲馬稚子時能坐釣魚昭應

宮前晴澗漾雲巖觀後晚舒徐波漫畧約通

丹禁風颺輜輶動翠裾三月煙霏著楊柳九秋

涼露濕芙蓉菜唐莫說流紅怨自是清漣解起

予

送張兵部分題得遊絲

白日照曠野飛絲颺重霄輕兼柳綿度細逐蕙

風飄燕郊紫去策楚岸冒征撓嗟予顧不及相
送共迢迢

殿試罷賦

宋誠夫

玉堂松檜帶晨霞遙望

宸嚴共拜嘉逢掖諸生袍立鵠未央清問墨翻
鵠扶搖九萬風斯下禮樂三千日未斜從此
君王識名姓煙波慙愧舊漁家

寄東宮

李道復

艱危勤扈從俯仰盡周旋小試屠龍技翻成抱
虎眠脫鈎魚縱壑漏網鳥冲天萬事從今始灰

心未死前

其二

十年陪顧問一旦決安危自合成功去應慚見
事違長城徒自壞孤注莫相疑辟穀求仙者高
名百世師

贈柯敬仲博士

王止善

與子浮沉三十載歸來文采更風流虛名聊爾
或見錄尤物移人何足留說劍談元皆外慕買
田築室是良謀眼花耳熱爭意氣泯滅無聞同
一漚

和敬仲韻

憶子曾陪翠輦過朔風海子起曾波上方授衣
黑貂鼠太官進膳金頭鵝此日此時甘放曠某
山某水且婆娑但願年豐飽喫飯擊壤細和堯
民歌

題江風山月亭

往日扁舟渡揚子水榭風軒吾舊遊天籟動波
蛟窟夜雲根倒影鬼華秋嵐光漠漠浮京口樹
色依依到石頭試與題詩分物色玉簫吹月上
楊州

山行

郝守中

路轉顛厓山委曲泉穿亂石水宮商無緣細看
山中景過嶺盤岡只自忙

潢水拍橋船不度亂石當路澁難行懸厓峭壁
高千尺古怪藤蘿顛倒生

晚憇澗北亭

楊季

我性喜消散東園時獨行高亭俯絕澗下有流
泉聲秀木翳繁陰朱華散微馨跼蹐澹忘歸夕
露霑我纓人生忽如寄何乃苦營營優游在空
谷飲水有餘清

陳尚德

☐☐☐☐☐☐☐☐☐☐湯斬郅支☐☐草似人

清明

周秋陽

又是清明不上墳客中猶欲自招魂門前石上
冬青樹歲歲春禽長子孫

送趙虛一歸金陵

周克善

真人道眼照九圍芙蓉寶冠黃錦衣相從雲龍
霄漢上獨抱琴鶴煙霞歸南樓吹笛聞折柳北
山杖藜歌采薇明日度關瞻紫氣

帝鄉杳杳雙鳬飛

初春

僧無懷

暖信初迴宿草根
茸茸漸可藉芳樽
未須著意催花柳
且為乾坤補燒痕

偶題

亡名

船向風波靜處拋
酒開新甕鮓開包
自從江上為漁父
三十年來手不抄

送倪伯範之金陵

鄭資深

倪子別我江海去
黃金作賦意有餘
新豐市上且喫酒
光範門前莫上書

送魯子元江西省宣使 張萬里

千騎吳城旦出圍平章宅裏皂鵬飛角弓紫帽
黃金勒定是相從射鴈歸

登山愛著謝公屐嘯月多臨庾亮樓江上數峯
何見厚故畱殘雪送行舟

寓懷寄蔣希文

陳直方

風雅日淪器鮑謝悅人久正味乖衆嗜誰具易
牙口文繡同世願布帛已何有朱弦而疏越此
瑟薦清廟

古來文學士秉筆侔天工造化妙莫窺恍惚迷

西東險易□□□臨岐果何從知幾惟哲人為
我開愚蒙

西窗不厭頻幾度風雨夕青燈照無眠疑義相
與析每於方策中痛為和氏惜三刖獻荆璞未
遇真賞識天然希世寶珉珉豈同日韞櫝而藏
諸善價終不失

朝來有爽氣悠然見停雲虛襟啓幽軒佇立延
氤氲好風不東來俯仰空無恨何當乘變化上
下從朝曛世事每相違將誰與同羣

奉翠峯上人

周本心

翠峯雲煖橘成村歲晚相攜訪綺園共愛僧家
解藏密萬松深處著三門

秋燈

繁華忽已飛殘書稍復整玉蟲吐孤照茅齋夜
初永青熒洞古心寂寞吊寒影耿耿一室外人
世皆夢境

寓舍春晚

鄧德良

柘陰初合豆初肥門掩春寒落絮遲薄暮一樽
還獨酌坐看微雨濕荼蘼

中秋憶家

千里星河一鏡圓
杜陵兒女隔秋煙
遙憐此夕柴門裏
相對清樽說去年

擬古

徐天逸

皎皎機上絲
織為遊子衣
遊子蕩風塵
素衣化縐縐
風塵不可避
四顧將何之
豈不念潔白
徒為翟子悲
勗哉加澣濯
河水清且漪

其二

娉婷閨中女
天質知自愛
空懷蘋藻心
日月苦行邁
蹇脩意良勤
遲遲如有待
未嫁庸何傷
失身將重悔

其三

婉婉自結髮伉儷情義深夫征日易久魚鴈成
銷沉自憐鏡中貌衰白將駸駸有衣為誰熏有
花為誰簪顧影雖無儔秉心猶斷金青天懸明
月照影不照心

轆轤怨

門前水楊聲似雨幽人當窗碧弦語萬里征夫
去不歸一雙蛾眉井中舞年年井上攀轆轤勞
心只恐秋葵枯他家種得長生草梅花落盡青
青好

元風雅卷之二十九

元風雅卷之二十九

三

ニ
月
牙
ニ
コ
ノ

一
月

元風雅卷之三十

聽孫練師琴

方虛谷

名畫元不出畫工善書決不屬書史子春伯牙
非伶官古能琴者必君子枕流漱石今孫郎電
眸冰齒霜髯張灑埽書室焚古香信手為我調
宮商琮琤琤琤泉落澗啞啞啞啞鴻度漢從容
整暇未肯忙小俟吟揉觀抑按急如快劍斫蛇
分兩截琉璃瓶碎玉簪折似有鸞膠再補完細
視冰弦元不絕又如電走電飛驅霹靂老樹百
丈龍爪入得非獺髓滅癥痕依舊烏桐淨如拭

睥睨口鼠伏狸奴殺機一動與之俱鷹揚頗類
師尚父牧野秉鉞行天誅臨河而聞殺鳴犢曳
輪不往反手覆許由不受堯天下一瓢雖無吾
亦足聖門此意傳不傳耿耿精靈月在天孫郎
何處得受授長江秋霽印嬋娟五音本無根舌
齒六律發揮憑手指音律之外求七情萬變悉
從心上起孫郎胸次夫何如貯儲古今萬卷餘
孰謂七弦軫上之神聖不本二尺檠邊之功夫
少年學琴欲學渠勿但彈琴當讀書

始皇

尹仲明

秦皇吞六國制度早先王複道象天極長城亘
朔方盧生偏饒舌衣冠竟離殃刀筆握八極詩
書終壁藏赤子遭天闕一己思壽康神仙在何
許鼓枻凌茫茫湘山雖可赭弱水終難航脩短
自有定早為山鬼量六合正焦槁雲氣生芒碭

四皓

商山鬱嵯峨高風襲人清冥鴻竟長往人間但
聞名乃從吾兒遊忽使隆準驚嵒冠華岳聳素
髮秋霜明恭敬豈足重謾罵安能輕紫芝了晨
昏焉用加璧迎誤墮良術中僅勝口舌爭誰謂

四老人不如魯兩生

飛來峯冷泉亭

前人

湖山獨愛飛來峯孤猿長嘯寒煙中丹霞赤壁
藏梵宇葛衣草屨來仙翁松根屈曲絡山骨水
光雲氣相冥濛亦傳來自天竺國攘奪造化開
神功固知此語特虛幻豈有重濁能凌空山川
靈異本自有何假移掇迷西東詩人愛竒故踵
謬誑惑千古欺盲聾是邪非邪姑勿論且坐挹
此亭間風

松明火

銀爐熾炭麒麟紅銷金帳暖熏籠烘爨下有蠟
可代薪笑我寒夜癡坐然枯松貧富貴賤何不
公安能排雲叫呼天九重空憐爾松生抱有用
材不遇匠石梁棟施帡幪盤根錯節屹立凍不
死凜凜勁氣猶足排嚴冬顛厓峭壁人跡絕間
雲流水相冥濛胡為明不能保身丁丁斧斤山
其童鵲衣百結縮如蝟地爐擁膝便可閒從容
當年權油幸不嚴汝禁餘用尚及斯民窮陽和
無聲入骨髓不知夜雪沒屋霜橫空但見濛濛
香霧靄四壁紅輝紫焰明窗櫳禦寒何必裘蒙

茸盡然一室回春風

諸葛孔明

前人

建安天下如漬瓜一榻之外非吾家黃屋飄飄
定何許龍為魚兮鼠為虎老瞞作力敢欺天丕
頤羊鼎方垂涎紫髯將軍一攘臂控荆引越三
千里慷慨山東大耳兒南飛烏鵲棲無枝草廬
一語君臣契目中久已無吳魏堂堂大義凜不
磨靈關劍閣爭嵯峨昨夜西南一星落六尺之
孤竟誰托渭水旌旗歸故都江上空存八陣圖
抱膝長吟出師表古柏蒼蒼為誰老

春日感事

林霽山

柳花袞雪春冥冥溪風一夜吹為萍萍隨風去
渺流水人生無根亦如此故山入夢草芊芊半
窗疎雨寒食天曉來白髮稀可數多少朱顏化
黃土高原冉冉青煙斜麥飯灑松能幾家子規
叫殘金粟暮繭紙蘭亭已飛去

春暮

前人

乾坤萬事上眉端寂歷東風獨倚闌白髮餘春
能幾醉綠陰細雨不多寒香飄苔徑花誰惜影
落沙泉鶴自看碧眼野僧如我意素琴攜就竹

西彈

望夫石

劉時中

望夫山頭日欲頽望夫山下江聲哀山頭日日
風雨惡江上不見行人回空山亭亭幾朝暮獨
記行人去時路知君渡河長不歸恨不當年逐
君去此身化石千仞磯石猶可轉心不移長江
水濶黃埃飛行人應有歸來時

示故人

杜若川

在家同匏繫遊子似箴飛昔分參與商今作埴
與甕感子意氣殊顧我齒髮非茅屋正蕭蕭野

花亦離離無酒水可飲無飯黍可炊杲杲看朝
陽連連弄夕暉男兒重交好雪霜以為期

綠珠行

蜀絲殷勤金作谷珊瑚成林珠百斛彼姝千葩
萬葩簇明月出胎照波綠鏡中飛鸞掌中身夜
月春風看不足世間禍福如倚伏西市憐嘖東
市戮欲將舊意奉新人此事今生已難卜君因
妾死莫多怨妾死君前君眼見高樓直下如海
深碧玉一碎沙中塵平生感君愛妾貌今日令
君知妾心

花石行

陳茂卿

鉦聲一發千鵬舞
汴水黎童泣鞀鼓
千年廢圃墮空荒
蒼壁化為圓下土
江南壯士鐵衣寒
落日驅車望靈武
瑤宮飛墮黑山顛
淚灑江花作紅雨
天南羈鳥歸不歸
故園草萊陵樹稀

送祝丹陽祠武當

武當之山上參天
上有天帝居其顛
陰陽蔽虧藏日月
草樹蒼蔚含雲煙
六丁開山鑿空翠
萬神扶棟飛脩椽
金門耿耿守龍虎
玉佩纚纚羅神仙
人間塵俗不易到
我常夢寐思攀緣
嗟君

此行非偶然冷風吹至虛皇前手持

御香謁帝所口漱瓊液哦靈篇蒼龜巨蛇出神
怪朱鳳白鶴相後先帝命青童授寶訣谷神不
死真元元却被羽服謝仙笑笑視浮世三千年

商人婦

林德陽

君上海舟去飄飄何所之一去二十年安否不
得知長憶送君處闕月隨我歸月闕有圓夜君
去無回期回期儻終有豈計早與遲寒蛩夜相
吊青燈鑒孤帷妾心不出帷妾夢萬里馳

鳳皇臺

李文遠

鳳不來隔遼海高臺已荒天未老當時別舜返
崑邱如何一去三千載人間豈無青琅玕孤棲
未必天霜寒致君堯舜我有術來儀好向宮庭
間鳳兮鳳兮今當還

題漢陽郎官湖

李溉之

山翁薄莫醉酒歸杖藜迷却高陽池清風吹花
綠陰倒我笑謂是秋雲移還乘貫月槎夜過郎
官湖崢嶸星斗入江漢蕩漾槎影如鯨魚九華
之真人邀我倒玉壺麒麟擘脯供行廚依稀仙
樂在空際碧山四映寒蟾孤舉酒酌寒蟾明月

下飲嫦娥俱霓裳拂雲錦萬荷露瀉瓊瑤珠麾
幢暗靄羅煙空乃有玉皇所授之玉童風前飄
飄曳廣帶對立十二秋芙蓉清香九曲銀河通
真人綠髮披天風錦袍玉雪照天地口說姓字
安南公是公多逸氣畧與古昔賢豪同時能埽
月色延我石室煙蘿中又言昔同張謂所遊地
長嘯一覆丹霞鐘風吹仙樂度溪去我已醉卧
香爐峯

上都回宿赤城站

安南國王

塗山執玉會諸侯宴罷回程宿嶺頭白海雨來

雲漠漠赤城秋入夜颼颼皇圖萬里乾坤濶客
路幾年身世浮驛吏驚呼詩夢破一聲雞唱隔
雲州

寄趙春洲

王寬夫

自從君向常州去鴈過無由寄一棧多說秋初
歸故里幾回天際望飛帆吟成定已刊新藁官
好還應換舊銜十載約遊風水洞何當匹馬逐
征衫

送邵平叔入京

趙子玉

壯心輕萬里一笑又天涯夜月淮南酒春風薊

北花路長寧計日身遠自忘家了却東君事歸
來梓里誇

感事

趙春洲

美人休唱渭城歌芳草依依自碧波可與共言
今則少不如意事古來多青天皓月元無礙白
日黃塵欲奈何却笑江湖釣竿手十年畱滯負
漁簑

秋清羈思

笛聲孤起江城暮隔江山好青無數征帆一去
知何處蕭蕭老却江頭樹樹猶如此生慘淒秋

風不管生別離

雙結峯

王東野

溪上立亭亭千載不肯筭山花巧粧東戲弄山
鳥啼昨夜海風來一霎夢行兩煙雲迷西東欲
望不知所

贈李道復

王伯益

鞍馬西來氣吐虹名聲一日壓諸公面陳王霸
龍庭上手拔乾坤虎口中萬戶封侯子房了千
金為壽仲連東可憐岑尉亭前月儻與狂生此
意同

送王高士

墮甌歸來百念空
自燒靈藥洗衰容
身為幽冀市中客
心在華嵩雲外峯
一片懶衣如畫鶴
半盂殘飯勝烹龍
只愁了却松楸事
飛入煙蘿不再逢

題福濟廟

漢長沙王子哀侯祠

江學庭

故宮秋草翳龍鸞
萬古英靈此地蟠
棟宇尚存唐歲月
江山曾識漢衣冠
賈生遺恨蒼波遠
主父奇功白日寒
更後十年心尚在
斷雲斜日是長安

贈張原心遊浙東

鄧蓀壁

丹崖飛蓋下三神
玉室金堂處處春
禹洞夜看封蘚字
霞城朝見茹芝人
梅寒立馬題詩早
梁熟持環入夢頻
行次嚴陵回首向
來別駕有芳□

祝蕃遠舉茂異

張伯遠

朝餐狙林橡夕飲虎窟泉
幽棲豈不逸於道遠為全
所以少微星含輝麗中天
雲蘿謝招隱冠帶趨興賢
魯生贊制作商老安凝然
董子述微驗賈誼明經權
盛時有遭逢志士無棄捐
長貧

若忘世一出垂千年折梅楚山阿賦詩江水邊
寂寞思古人中懷為君宣

巫山高

王季鴻

巫山高哉入青冥峭峰十二如連屏巴江下與
峽爭險波濤瀟瀟魚龍腥參差之顛晝晦冥鳥
道超忽難得經深林大谷度彷彿月出照見峯
青青高邱陽臺奚所銘何年館宇開亭亭扶丹
疊翠既窈窕中有神女長娉婷珠宮洞房玉作
扃窗間一笑窺明星為雲為雨朝復暮往來恍
惚潛其形夢中之遇夫誰令褰帷解后流波停

襄王本是好荒怪搖佩徒使顏微頽倏然而逝
乘風萍更煩詞客傳丁寧二妃在野叫虞舜至
今遺俗祠湘靈行人猶薦蘋藻馨茲山終古非
明庭女蘿日落山鬼哭只是哀猿那可聽

無題

自古功名孰盡酬平時閭巷詫封侯萬言未試
人皆惜一士難招國可羞豈必後來俱齷齪若
為諸老獨風流黃塵衮衮將年待往事悠悠與
酒謀

秋興

每逢搖落倍依依
秋盡他鄉未授衣
臨水偶然傷遠別
登樓亦欲賦將歸
乾坤道路無今古
書劍風塵有是非
壯志相違揔如此
紛紛鴻鴈稻梁肥

虞帝廟

黃元鎮

嘗聞帝舜起東夷
此地流傳更奉祠
虞縣有如成聚日
麻山猶似往時田
悲風老樹啼雛狹
落日荒村走虎狸
欲聽簫韶何處問
數聲羌管向人吹

秦望山

萬騎東行上會稽此山登望海天涯神人鞭石
乾坤動方士乘舟歲月遲一夕平陰持白壁五
年豐邑起朱旗那知千古蒙餘烈忍對西風讀
斷碑

會稽南鎮

巨鎮東南表海邦玉書金簡昔人藏雲從禹會
奔侯國星列周官奠職方野逕莓苔秋樹老空
山香火夕暉涼共惟歲徧宗羣祀勅使年年攝
薦璋

山居

跨鶴來尋處士家
迢迢空翠隔煙霞
山童揖客松邊坐
却背春風掃落花

行到長松野水間
吹簫石上不知還
嵐光已重衣裳冷
自叩巖扉月滿山

題蘭江堯率寺

晉侍郎胡鳳故宅
唐釋貫休道場

陳梓卿

將軍不愛府潭潭
幻出天宮穀水南
浮世幾更非典午
好山千載尚瞿曇
蘚侵斷碣經秋雨
松引輕煙作莫嵐
欲問休公吳蜀事
一燈未滅照空龕

元風雅卷之三十終

テ屋才ニ

一

